



Հայկական գիտահետազոտական հանգույց
Armenian Research & Academic Repository



Սույն աշխատանքն արտոնագրված է «Մտերձագործական համայնքներ
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

9

v84

470

471

472

1999

Հ Ա Ն Թ

Դ Ե Ր Ա Ս Ա Ն Ո Ւ Յ Ի Ն

Երկրորդ Տպագրություն



Հրատարակարից

Վ. Ա. Ղ. Բ. Ն. Ա. Կ. Ա. Բ. Ի. Յ. Մ. Ա. Շ. Ա. Բ. Ս.

1924

Կ. ՊՈԼԻՍ

Դ Ե Ր Ա Ս Ա Ն Ո Ւ Յ Ի Ն

Ա.

Պատաւը մինակ էր սենեակին մէջ:

Փողոցին կողմը, նեղ պարտէզի մը վրայ նայող
գեանայարկ պատուհանին քով կձկուեր էր բազմո-
ցին անկիւնը, ու ձեռքի երկար դեղին-սաթէ համ-
րիչը կը դարձընէր հատիկ-հատիկ. մինչ իր ան-
մրմունջ ու անդադար երեքցող չրթունքները իրենց
առտուան ազօթքը կը կրկնէին մեքենական արա-
գութեամբ:

Յօրանջները սկսան շուտ-շուտ իրարու յաջոր-
դել. ուրեմն ազօթքը արդէն մօտ էր իր վերջին,
երբ յանկարծ ահագին դղրդումով կառք մը սրա-
ցաւ փողոցին վերէն, ու եկաւ շիտակ պարտէզի
վանդակորմին առջեւ թափով կեցաւ:

— Հա՛րս, նայէ ով է, կանչեց պատաւը, ու
չտապեց իր ազօթքին վերջին տունները հնար եղա-
ծին չափ համառօտ աւարտելու:

Կից սենեակին տիկինն ու սպասուհին միասին
դուրս վազեցին սրահը, ուրկէ սպասուհին աճա-
պարեց պարտէզ՝ վանդակորմի դուռը բանալու:

Յարդէ գլխարկի մը լայն եզերքին ու լայն

Տպագրիչ—Հրատարակիչ Վ.Ա.Գ.ԲՆԱԿ Ս. ՌԻԲՐՈՍ

25-82



470-29

վուային տակ կորսուած դէմք մը կառքի պատու-
հանէն անհամբեր օղէ համբոյրներ կ'ուղարկէր դէպի
պառուին լոսամուտը:

Կառապանը կառքին դռնակը բանալուն պէս՝
վանդակէն ազատուած թռչնակի մը նման՝ աղջիկ
մը թռաւ թեթեւ ու աշխոյժ, կարմիր շրջագգես-
տին ծալքերը հովին տալով:

Թոթուեց, արագ դէմ եկող տիկնոջ ձեռքը
ուժով մը, բարեւեց, խնդաց ու սլացաւ ներս,
մինչ տիկինը կ'ըջտապէր դէպի դուռը՝ կառքէն
իջնող սեւաղգեստ ու սպիտակահեր կինը դիմա-
ւորելու:

Կինը իր այրի քոյրն էր. իսկ երիտասարդու-
հին իր արդէն մեռած ուրիշ քրոջ մը աղջիկը, որ
հիմա որբեւայրիին քովը կ'ապրէր:

— Իսկ քուդէնս, քուդէնս տունը չէ՞, հար-
ցուց աղջիկը խոժոռած, երբ սեմէն ներս նետուե-
լով սենեակին մէջ պառաւէն զատ մարդ չտեսաւ:

— Հո՛ս է, հո՛ս. աչքդ լո՛յս, խե՛նդ: Անոր
գործը չգիտե՛ս. վերը իր սատանայի խուցն է,
նստեր կը կարդայ, պատասխանեց պառաւը կէ՛ս
դժգո՛հ, կէ՛ս հպարտ շեշտով մը:

— Կարդա՛ ու կարդա, ես հիմա մնոր կար-
դալ կը սորվեցընեմ. բացագանչեց աղջիկը, ու
վազեց սանդուղներէն վեր:

«Սատանային խուցը» տան հտեւի կողմէն
պարտէղի վրայ նայող լուռ, զով ու լուսաւոր
փոքրիկ սենեակ մըն էր, որ հիմա առժամանակեայ
կերպով Հրանտի բնախօսական աշխատանոցը կը
ներկայացընէր:

Պատերէն կախուած էին ուղեղի զանազան
հատումները պատկերացընող fairskսնք, ջղային
կեդրոնական թելերու ահագին ձեռանկար մը:
Պատին քով քառակուսի անծածկ հասարակ սե-
ղանին տակը նստած էր ամեհի շիշ մը, ուր լեցուե-
ալ քօօլին մէջ կծկուեր էր երկար-բարակ, մախ
զանգուած մը: Նոյն սեղանին վրայ ապակի նուրբ
ամաններու մէջ քանի մը ծովային փօլիպներ,
զանգակի ու հովանոցի նմանող, որոնք իրենց
մարմնի մէկ որոշ մասը շարունակ կը բանային ու
կը գոցէին ջուրին մէջ: Քովը ելեքորական գոր-
ծիքներ: Սիցի տափակ կտորի մը վրայ դնդասե-
ղով սրկուած էր խխունջի մը բացուած մարմինը:
Ու այս բոլորի վրան ու շուրջը ծովային խեցի-
ներ, սպուռգներ, ժժմակներ խառն ցան ու ցիր:
Պարզ էր, որ տղան իւրաքանչիւր պտոյտէ դարձին
բան մը միասին էր բերած: Անդին ուրիշ սեղան
մը, պատուհանին ճիշդ առջևը, որուն մէջտեղը
մանրագիտակն էր դրուած. ու բոլորտիքը անդամ-
հատական ունեյլներու, կեռերու, փորձի սըր-
ուակներու, ապակիկներու, գոյնղոյն փոքրիկ
շիշերու սոսկալի խառնակութիւն մը: Քանի մը
բաց ու գոց գրքեր, որոնցմէ մէկու բաց երեսին
վրայ ինկած էր երախայի մը դեռ ամբողջովին չի
կազմակերպուած դանկը, կէ՛սը ոսկոր, կէ՛սն ալ
դեղնած մագաղաթի նման:

Մէկ խօսքով՝ «սատանայի խուց», ուր անե-
ցիք բոլորն ալ տեսակ մը պատկառանքի ու վախի
խառնուրդ զգացումով ներս կը մտնէին: Իսկ պա-
ռուը բացարձակապէս ո՛չ մէկ պայմանով ներս

մտնելու չէր համարձակեր. և առջևէն անցնելու համար ալ ամէն սեռի ու աստիճանի սուրբերը օգնութեան կը կանչուէին չարին ճամբան դոցելու համար:

Ահա՛ այդ տակնուվրայութեան մէջ տպն անփոյթ հազուուաներով, օրբան աթոռի մը մէջքին փռուած էր Հրանտ:

Մարմնի լեցուն գծերով, վայելչադէմ երիտասարդ մը. դէմքը մաքուր ածիլուած, մօրուքի փունջ մը միայն ծնոտի ծայրին, արծուի քիթ, ու խոշոր թուխ մտածող աչքեր:

Գիրքը ձեռքին հետ ծունկերուն ձգած՝ դսպած հանդարտութեամբ մը վարի ազմուկին կը հետեւէր ժպիտը շրթունքին, երբ աղջիկը հովի մը պէս սենեակէն ներս խոյացաւ:

Նետուեցաւ շիտակ տղուն վրայ, խլեց գիրքը ձեռքէն, նետեց քովը աթոռին, ու զայրացկոտ վրայ տուաւ:

— Ելի՛ր, շո՛ւտ, ոտքի ելիր, անպէ՛տք, անչընո՛ր՝ք, փիլիսոփայ: Ո՛ւր ես երկու շաբաթ էի վեր. ե՛ս քու ետեւէդ պիտի պատիմ՝ արդէն հետդ խօսիլը չարժեք: Քալէ՛ շուտ դժ՛ւրս այս մունտառ Ծառուտի սենեակէդ:

Տղան կը ժպտէր միայն նո՛յն գո՛ ու հեզնոտ ժպիտովը:

Թողուց որ քաշէ թեւէն, հանէ ոտքի. և առանց ոչինչ խօսելու թե-թեւի արագ գայթեցան ամառուներէն վար:

— Տե՛ս, մօրաքո՛յր, ի՛նչպէս խելօքցաւ. կեցի՛ր, ես անոր կը սորվեցընեմ. թէ ինչ ըսել է

շարունակ թաղուիլ բզրկտուած ուղեղներու ու գըրքերու մէջ, և օրերով Գատը-գիւղ մեր տունը տար չի դնել: Տէ՛, ի՛նչ այդպէս պտպանեցար. չի խօսի՞ս. դարձաւ յանկարծ տղուն, վուայիք տակ ամպուած դէմքը անոր յամառ հայեացքով դէմ բռնելով:

— Երբ քու լեզուդ բացուի, ալ ուրիշներուն խօսելու կարող կը համնի, եղաւ վերջապէս Հրանտի հանդարտ պատասխանը:

— Աղէ՛կ. եթէ խօսելու ժամանակ չի կայ, դոնէ քիչ մը դոքժ տե՛ս. հանէ՛ տեսեմ սա վուայըս: Կամաց, տե՛ղը: Տէ՛, դեռ չվերջացա՞ր. ի՛նչ կը տընտընաս:

Բայց Հրանտ դիտմամբ սկսաւ ալ աւելի ծանր շարժիլ:

Աղջիկը ցասկոտ ետ քաշեց գլուխը անոր ձեռքերուն մէջէն, նետեց վուայը սեղանին վրայ, հանեց իսկոյն գլխարկն ալ, ու անթիւ խոսողակներով դէմքին շուրջը թափուած մանչու կարծ մագերը, առիւծի բաշին պէս, թափ տուաւ:

Շարժուն դիմագծերով, փոքրիկ, հետաքրքիր ու միշտ ժպտուն դէմք մըն էր: Պատիկ բերան մը նուրբ ու սեղմ շրթունքներով: Շագանակի բիւրբ կատրոագոյն ձերմակ ճեմին մէջէն, որոնք կարծես ամէն վայրկեան իրենց փայլը կը փոփոխէին:

Ամառուան, պարզ ու թեթեւ կարծիր շըրջագեցտը ճաշակով գրկած էր իր ճկուն հասակը, ու վրայի բարակ ձերմակ ժամէքին կոճակները բաց էին բոլոր:

— Է՛, ինձի նայէ՛, ես հոս տունը նտակու

համար չեկայ. դարձաւ նորէն երիտասարդին: Գնա՛ շուտով հազուամաներդ կարգի բեր՛ր քիչ մը, անճոռնի գլխարկդ ալ դի՛ր, երթա՛նք դէպի Ֆէնէս, կը հասկնաս:

Ու մինչև արմուկը հասնող նուրբ ձեռնոցները վարժ շարժումով մը ձեռքէն հանելով զարկաւ տղուն դէմքին:

— Է՛, անդ ըսելու համար ինձի վար բերիր, հարցուց Հրանտ ու հառաչանքի նմանող կեղծյուսահատ, ծաղրաշարժ շեշտով մը աւելցուց:

— Ես. արդէն քու ձեռքդ ի՞նչո՞ղը պաշտում չունի:

Աղջիկը ակնթարթ մը նայեցաւ անոր ետևէն մպիտը այսին. վարի շրթունքով թեթև շարժում մը ըրաւ. ու յանկարծ դարձաւ, նետուեցաւ անկիւնը նստած պառաւին գիրկը:

— Է՛, մայրի՛կ, ի՛նչպէս ես, աղէ՞կ ես: Տղաքդ խելօք կը կենան, թէ՛ քեղի նորէն շատ կը բարկացընեն, այդ քու ժօրուքաւոր տղաքդ. հը՛մ, քու տեղդ ես ըլլալու էի: Երևակայէ՛, մայրի՛կ: այս առտու դեռ պիտքիւի խանութը գոց էր, առջևէն անցած ատեննիս, իսկ ես, գիտե՛ս, որ քեղի համար ուրիշ տեղէ չեմ առներ. հո՛ն միշտ թարմ է ու փափուկ. ճի՛շդ քու գոյութիւն չունեցող ակռաներուդ համար:

Ու կնոջ վրայ հակած անոր թառամ այտերը կմ շոյէր: Մինչ պառաւը կը խնդար ներողամիտ ու բարի խնդուկով մը, որ սիրած նախիկն ամէն կատակները ներելու պատրաստակամութիւնը կը յայտնէր:

— Դուն ըսէ՛, մայրի՛կ, ես աղէ՛կ աղջիկ եմ անանկ չէ՞. շա՛տ աղէկ:

— Աղէ՛կ ալ, աղուս՛ր ալ, դեռ աւելի՛ն ալ, պատասխանեց պառաւը ծանր-ծանր: Ու գիտե՛ս, Մինէ՛, դուն մէկ հատիկ. աննման կը լինէիր, եթէ...

— Է ի՛նչ, եթէ՞...

— Եթէ այդ քու թատրոնը խաղալէդ ձեռք վերցնէիր:

— Սա՛. այդ կէտին չի դաշինք. բացադանչեց Մինէ, ցատկեց ոտքի ու վաղեց դէպի սեղանատունը:

— Բայց, մօրաքո՛յր, չի կարծես թէ փորս կուշտ է:

Յրկու քոյրերը հոն էին արդէն:

Աղջիկը հաղիւ սեղանին առջևն էր անցեր, երբ սեմին վրայ երևցաւ Հրանտ, ու թևովը ձեռքի սև փափուկ գլխարկը մաքրելով աղջկան խոնարհութիւն մը ըրաւ:

— Եթէ ազնուաշուք օրիորդը կը բարեհաճի...

Մինէ արտօրալով մէկ-երկու պատառ ալ կերաւ, ու թռաւ ոտքի:

— Հապա անօթի՛ էիր. նկատեց տանտիկինը:

— Ա՛խ: անոր անօթութիւնը, վրայ տուաւ քոյրը:

Սա քու վարժապետի խոչոր հովանոցդ նորէն հետդ ա՛ռ. գլխարկ չի պիտի դնեմ, հրամայեց աղջիկը:

— Քալէ՛ դուն. ես գիտեմ արդէն, որ

առանց իմ հովանիիս վերջիվերջոյ քայլ մը ընել
պիտի չկրնաս. առարկեց տղան երկմիտ :

— Շատ չուշանաք, Մինէ՛. պոռաց որբու-
այրին :

— Պարտէղը Հրանտ բացաւ հովանոցը :

Աղջիկը մտաւ անոր թևը, ու ելան փողոց :

Շուտով բնակութիւններէն դուրս ելաւ ճա-
նապարհը, ու ծովի սիպուտ եզերքէն մտաւ Ծէ-
նէն-Պահճէի կարծ թերակղզին, որուն ծայրը ձեր-
մակ փարոսը կը ցըցէր վեր. կարծես ոնգեղջիւրի
դունչը՝ եղջիւրը քիթին :

— Սա ո՛ւր ես այս քանի ատեն է. ամօթ
չլինի հարցընելը. բացաւ Մինէ խօսակցութեան
ծայրը :

— Գիտե՛ս, սիրելի՛ս. իմ գրադումներս :

— Ախ, քու գրադումներդ. ի հարկէ :

Եւ ցնցեց ուսերը :

— Աղէ՛կ. դուն ի՛նքը ուր ես. աւելցուց
Հրանտ :

— Գիտե՛ս, սիրելի՛ս, իմ գրադումներս. պա-
տասխանեց աղջիկը՝ հնար եղածին չափ տղու
ձայնին ու շեշտին նմանցնելով :

— Հրանտ խնդալու ստիպուեցաւ :

— Ինչո՞ւ կը խնդաս : Եթէ ինդիրը գրադու-
մին դայ ես քեզմէ տասը անգամ աւելի ընելիք
ունիմ՝ վղիս. բայց, տե՛ս, նորէն ելեր ու եկեր
եմ : Ինչ գրադում. քու անչնորհքութի՛ւնդ : Ար-
դէն վերջին ժամանակները քանի կ'երթաս այն-
քան ետական կը դառնաս գլխուս : Է, էրիկ-
մարդ ես վերջապէս. ձեր ամենէն լաւը իր տեղը
մնայ :

Ու ձեռքի արհամարհոտ շարժում մը ընելով՝
չուց :

Թերակղզին կեդրոնը ցած ու փոքր գեղջուկ
սրճարանը նստած էր ձերունի ծառերու հովանիին
տակ : Պարտէղին ձերունի աւլողը երկար աւելը
ձեռքին աճաղին փոշի էր բարձրացուցեր դռան
առջևը, ուր ցածլիկ աթոռակներու ամբողջ բլրակ
մը կար իրարու վրայ դիզուած :

Չոյգը անխօս անցաւ սրճարանի ետևէն՝ ու
անդին փարոսի ձերմակ պատին տակ կանդ առաւ :
Գետինը ամբացած էր հոտ, ու մինչև ծովը հար-
թակ մը կը կաղմէր, որուն ոտքը ցիր-ցան ժայ-
ռերու խառնակ շրջանակի մը մէջ ծովուն մէկ
կտորը բանտարկուած սրտնեղութենէն անդադար
կ'երերար զայրոյթի ճողրիւնը շրթունքին. Մինչ
հեռուն ընդարձակ ու ազա՛տ կը փռուէր ջուրի
անդորր մակերեսը արևի ոսկեհոս հայեացքին տակ :

Տղուն դոց հովանոցին կրթընած, աղջիկը եր-
կու ձեռքերը մէջքին՝ կեցած էին իրարու քով.
երկուքի աչքերն ալ այդ անծալ տարածութեան
վրայ սևեռուէն :

Չո՛վ անուշ ու ծովուն շունչը գողցած հովիկ
մը կու գար կամաց բացերէն, Մինէի ցրիւ գան-
դուրներուն ու տղուն փողպատին թոյլ կապին
հետ խաղալու :

— Գիտե՛ս, Հրանտ դարձաւ յանկարծ աղջի-
կը : Գալ ամիս նորէն հայերէն ներկայացում մը
պիտի ունենանք. արտօնութիւնը գրեթէ առ-
նուած է արդէն :

— Իրա՛ւ հարցուց երիտասարդը անսարբեր :

— Խաղն ալ մեր ժամանակակից կեանքէն- նոր գրադէտի մը հոգեբանական մօտեոն մէկ փորձը: Կը յուսամ սիրուն բան մը պիտի ըլլայ, հիանալի է մանաւանդ ի՛մ դերս: Դէ՞, կրնաս հասկընար, թէ մեր սովորական, միշտ կրկնուող, թափթըփուկ խաղերուն մէջ, որոնց մեծադոյն մասը զուսամ մելտորամներ են միայն, հիմա ինծի ո՛րչափ կ'ողևորէ այս նո՛ր, մե՛ր կեանքէն, թա՛րս հայեացքներով հոգեբանական փիլէսոփ, ուրկէ դե- բասան իրական ու ապրուած բան մը կրնայ հա- նել: Ի՞նչ, եթէ այդ չըլլար, դուն կը կարծե՞ս որ այս երկու շարաթուան աներևոյթանալը այսպէս աժան կը ներէի քեզի:

Քայլ մըն ալ մօտեցաւ սղուն, ձեռքը թեթև մը դրաւ անոր ուսին, յանկարծ ետ քաշեց ու մտածկոտ տարածեց դէպի ծովը.

Սրդէն կ'երևակայեմ ինծի բեմին վրայ. ա՛խ, ի՛նչպէս կարօտցեր եմ. թատրոնին յատուկ այն տեսակ մը մթնոլորտը, ինքս սուղուած խա- ղին նրբութիւններուն մէջ. ու այն անհանդիստ, բայց հաճոյական անուշ յուզումը կրժրիս տակ...

Եւ կարծես այդ բոլոր աւելի՛ խոր զգալու համար աչքերը դոցեց. ձեռքը դեռ միշտ պարզած դէպի ծովը, թեթև մը տփուռնած, և պինդ խած- ուած ծնօտին ու կիսաբաց շրթունքներուն վրայ հեշտանքի արտայայտութեամբ:

Տղան անթարթ կը նայէր անոր. տարօրինակ անհանդարտ ու խոժոռ նայուածքով մը: Վերջը խիստ գիտական ու պաղ շեշտով մը պատաս- խանեց.

— Թէ մեզի յարմարող ամէն աշխատանք ինքնին հաճոյք մըն է՝ այդ շատ աղէկ կը հասկը- նամ. կը հասկընամ նաև որ մարդ ամբողջովին իր գործին վրայ կեդրոնանայ. բայց ա՛յդ աստի- ճան վերանալ, Էֆսրազի հասցընել ինքզինքը, այդ արդէն պարզապէս ջղային հիւանդութիւն է. քան անգամ մը ըսեր եմ քեզի:

Մինէ աչքերը բացաւ. ու ժպտեցաւ հաղի նշմարելի ժպտով մը:

— Այդպէ՛ս կ'ըսես, որովհետև ինքդ ար- թիստ չես. որովհետև չես ապրած այն ներքին դողն ու զգացումները, որոնք ոգևորուած ար- ուեստադէտի մը հոգին կը փոթորկեն:

— Ա՛խ, փոթորի՛կ, արթի՛ստ, ոգևորու- թի՛ւն. բացականչեց սղան տաքցած ու կրքոտ, Խոշոր-խոշոր դատա՛րկ բառեր, որոնց տակը փոք- րիկ զգացումներ են ծածկուած միայն: Երբէք վերլուծե՛ր ես անգամ մը քու սեփական յուզում- ներդ, որ անուշ դող, արթիստի անհանգստու- թիւն, բեմական տենդ և այլն կ'անուանես շա- րունակ: Մենք գիտնականներս ուրիշ անուններ ունինք այդ բոլորի համար. որոնք թէև այնքան բանաստեղծական չեն հնչեր գուցէ, բայց աւելի որոշ լինելու առաւելութիւնը ունին: Սխալ մը ընելու վա՛խ, ուրիշներուն հաճոյանալու ձգտո՛ւմ, գովասանք լսելու հաճոյք, ու սովորական փա- ոաստիութի՛ւն. ուրիշ ոչի՛նչ:

Ու ոտքովը ուժով զարկաւ քարի փոքրիկ կտորի մը, որ հարթակին վրայ գլորուելով ցատ- կեց ծովէն դուրս ցըցուած ժայռի մը կուրծքը, հոնկէ ալ ճողքեց ջուրին մէջ:

Մինչ նոյն հանդարտ դիմագծերով կը նայէր տղուն, վերջը վայրկեան մը հայեացքը ձգեց վա՛ր, իր փոքրիկ կօշիկին ծայրը. և ուղղուելով պատասխանեց.

— Շիտա՛կ է. քու ըսածներդ կա՛ն ու մեծ դեր կը խաղան քու լինելու կեանքին մեջ: Բայց այդ բոլորը, կարծես առաջին աստիճանն է միայն. ստորի՛ն աստիճանը, որուն վրայ, ի հարկէ. կանգ կ'առնեն շա՛տ-շատերը: Սակայն կայ և երկրորդ աստիճանի զգացում մը. ա՛ն, որ իսկական ստեղծագործող ուժը կը զանազանէ գեղարուեստի սովորական պաշտօնեաներէն:

Աչքերը վառեցան, ակնթարթ մը շունչ առաւ, և յանկարծ վրայ տուաւ աւելի ու աւելի կրքոտող շեշտով մը, և գերասանական առատ շարժումներով:

— Ի՞նչ, երբ ես բեմին վրայ դերիս մէջը խրած՝ իմ յուզումներու և ուժերու հետ կը նկրտիմ, կը կարծես մէջս վա՛խ կրնայ առաջ գար: Վա՛խ, ուրկէ՞. այդ դիմացի բազմութեանէն. անկէ՞ պիտի դուրսանք մուրամ ինձի: Ա՛, եթէ դիտնաս երբեմն ինչպէս սպաննիչ ու զայրացնող են այդ ծափահարութիւնները, որոնք ինձի իմ զգացումներու բարձրութեանէն վա՛ր, վա՛ր կը քաշեն անխրնայ: Ո՞վ են ատոնք, այդ ծափողները. այդ իմ խաղալիքներս, այդ իմ խաղիս սարուկները: Ա՛հ:

Ու արհամարհանքի ստորակէտ մը պահ մը խօսուածքը կտրեց: Եւ բոլորովին փոխուած, աւելի հանգիստ եղանակով մըն էր, որ շարունա-

կեց. մինչ աչքերուն բոցը ա՛լ աւելի վառելի սկսաւ:

— Իմ ճշմարիտ ոգևորուած վայրկեաններունու մէ՛կ զգացում մը միայն ծծուած է ամբողջ կազմիս մէջ. կէ՛ս դիտակից, կէ՛ս բնազդօրէն: Թէ այդ բոլոր բազմութիւնը հիմա հմայողը ես եմ, թէ հարիւրաւոր աչքեր կախուած են իմ աչքերէս, թէ կուրծքէս ցայտող ամէն մէկ ճիւղ անոնց կուրծքը կը խրի, թէ դէմքիս թեթեւ մէկ շարժումը յոյս, վախ, տենչանք ու սարսափ կը թափէ անոնց վրայ: Է՛, դուն ի՞նչ դիտես, այն յուզումը, որ մարդու ջիղերէն կը վազէ, երբ քեզի նման հարիւրաւորներ քեզի հետ կը շնչեն, քեզի հետ կը տանջուին ու քեզի կը խնդան. եւ անոնց հողին դո՛ւն ես այդ վայրկեանին: Ազդե՛լ, ներշնչե՛լ, տո՛ւր ինչ անուն որ կ'ուզես: Ուրիշները իր հողեկան ուժովը, իր ստեղծագործութեամբը հիացնելու մէջն է գեղարուեստագէտի էական հաճոյքը. և այդ իր ուժի գիտակցութեանէն բղիտող հպարտութիւնն ալ իր գովասանքն է ու փառքը, որ բնաւ պէտք չունի դուրսէն մուրալու:

Լսեց վերջապէս, ու մտածկոտ կեցաւ քիչ մը. ետքը կամաց մը դարձաւ տղուն, և նոր նըշմարեց, որ Հրանտ՝ դէմքի ցրուած արտայայտութեամբ մը կոհակներէն դուրս ցրցուած ժայռի մը կը նայէր պիչ նոյուածքով: Անսովոր կոտորած ու վշտոտ բան մը կար իր անչարժ դիրքին մէջ, որ աղջկան սիրտը խածաւ:

Մտտեցաւ կամաց մը անոր, ու տղան սխալ փեցաւ իր կաշկանդումէն:

— է՛, այդ ի՞նչ դէմք ես շիներ: Կ'երևայ թէ այս ըսածներս ալ քեզի համար հիւանդութեան նոր նշաններ են միայն: Հա՞, պարոն աօք-թօ՛ր բնասօսութեան ու փիլիսոփայութեան:

Աւ շրթունքներու կատակի ծամածռութեամբ մը դէպի անոր դէմքը ծռեցաւ:

— Ո՛չ. Միբտերու տիրել, երկու բառ, որ բնագէտները իսկոյն զինաթափ կ'ընէ. բնութեան մեծ երևոյթն է այդ և դուն ալ այդ առողջ բընութեան առողջ զաւակն ես. գնա՛ եւ սրտերու տիրէ:

Այս ըսուած էր տեսակ մը հանդիսաւոր ձայնով ու շեշտով մը, որ կարծես այդ խօսքերը արտասանելը աճազին ու վճռական զոհարերութիւն մը լինէր արտասանողին համար:

Մինէ շատ լաւ հասկցաւ այդ բոլորի ետևի իմաստը:

Աչքերը տղուն աչքերուն՝ երկու ձեռքերը կոնքերուն դրած՝ յամառ դիրքով մը կեցաւ անոր դէմք. ու չարածճի և վստան՝ ժպիտով մը աւելցուց:

— Բայց ամենէն առաջ, քու որտիղ:



Բ.

Հրանտ կիրակի յօրուան նոր զգեստներով, արմուկը իր աշխատութեան սեղանին յենած, ջրզագիտական ամսաթերթի մը նախորդ իրիկունը ստացած վերջին համարը կը թղթատէր, ձեռքի անտոյթ թափած շարժումով մը, կարծես բանով մը զբաղուած լինելու համար միայն:


Հատորը վերջացաւ:

Գոցեց, նետեց անդին միւս գրքերուն վրայ, դրաւ աջ արմուկն ալ սեղանին, ու դուրսը առաւ տիներուն մէջ: Իր բաւական երկար մագերէն դանդուր մը կամաց մը անջատուելով իր ընկերներէն դալարուեցաւ զգուշ մանրադիտակի փայլուն ու հպարտ վզին:

Աւ Հրանտ երկար մնաց այդպէս անշարժ. մինչև որ յանկարծ խիտ մօտիկէն հնչող սարկակի մը սուր ծիչը անոր գլուխը ակամայ յարծբացնել տուաւ:

Թռչունը պատուհանին մէջէն ցատկեց սեղանի գրքերուն վրայ, հոնկէ ալ նորէն պատուհանը, ուր գործի մարդու մը կատարեալ հապճեպով մաքրեց կառցիկովը կուրծքի փետուրներէն մէկ-երկուքը, յետոյ նետուեցաւ դատարկութեան մէջ, ու թռաւ դէպի դիմացի պարձր լճենին իր ալ-

Գերաստեմոսին



գայիններու փոքրիկ խմբին միանալու, որ հոն ձիւղքին մէջ սոսկալի աղմուկ էր բարձրացուցեր:

Հրանտ դեռ արմուկները սեղանին, աչքերը գոց, լարուած ականջով կը հետևէր այդ ճըլուր-լոցին:

«Սեռակա՛ն ընտրութիւն... սէ՛ր... նո՛յն բանը ամէն տեղ, ամենքի՛ս համար... և յաւիտենակա՛ն զարգացում — միայն հո՛ն մեր թթենիին վրայ առանց փիլիսոփայութեան...»

Թընձո՛ւ:

Ու փոքրիկ հոյլը տերեւներուն թաւուտէն դուրս խոյացաւ դէպի նոր ասպարէզ մը իր «սեռական ընտրութեան», իր «յաւիտենական զարգացման»:

Երիտասարդը շտկուեցաւ, զոյգ ստքերը պարզեց ձիւ գառաջ, կրթընեցաւ ակոսի թիկունքին, ու ձեռքերը գլխուն ետևը կապած՝ հայեացքը գամեց երկնքի տաք-կապոյտ մէկ կտորին:

Ու պատկերացաւ աչքերուն դէմ այն զով ու մամուռ խոռոչը՝ ուս-ուսի տուած ամեհի ժայռերու հովանիին տակ. ուր ծովը, մաքրամոլ կատուի մը պէս, իր հոկայի լեզուովը անդադար կը լիզէր յատակը՝ փոռուած նուրը ու փափուկ աւաղէ մորթին եզերքը:

Եւ հո՛ն խոռոչի պատը կազմող ժայռի մէկ բեկուածքին վրայ նստած իրենք, ինքն ու Մինէն: Ինքը յենած պատին. իր ուսին աղջկան ձեռքը. ա՛յնպէս պատահարար, խօսելու ատեն դրուած. ու աղջկան գլուխը. ետևի տաքէն ո՛րերկար քայլէն յոգնած: Թէ ի՛նչ կը խօսէին այն-

պէս անվերջ՝ տղան այլ ևս չէր յիշեր բոլորովին. գիտէր սակայն որ շատ երկրորդական բաներ էին: Միայն կ'ըզգար դեռ մի՛շտ, ու ի՛նչպէս որոշ, աղջկան անառակ գանգուրներէն այն ոլորուն փունջը, որ իր այտին ու չրթունքներուն վրայ ինկած՝ Մինէի ամէն շունչ առնելուն իր դէմքին վրայ կը գալարէր. ու կ'ըզգար այն օրօրող ու զգացումները շոյող բոյրը, որ այդ մազերու խտտութենէն կը հոսէր: Կ'ըզգար, կարծես դեռ հիմա, այն ախորժ ու փափուկ ջերմութիւնը իր ուսին ու թևին վրայ՝ աղջկան լանջին, ձեռքին ու հետըզհետէ ծանրացող գլխուն տակ: Ու կը յիշէր իր զգացումներուն մէջ մաղուած այն անհուն ձրգտումը հնար եղածին չափ աւելի մօտ աւելի սե՛ղմ լինելու այդ ջերմութեան. աւելի խո՛ր, աւելի պի՛նդ թաղելու իր դէմքը մազերու այդ դզուանքին մէջ. միայն... միայն առանց շատ նշմարել տալու:

Հրանտ յանկարծ սթափեցաւ, ու ընդոստ շարժում մը ըրաւ ակոսին վրայ: Այս երկու օրը դուցէ քսան անգամ մը բռնուեր էր այդ նո՛յն մտածումներէն այդ նո՛յն պատկերի իր յուզումները որսացող ուռկանին մէջ:

Փարոսին տակի դադարէն վերջն էր, որ անոնք նորէն անընդհատ խօսակցելով՝ շարունակեցին իրենց պտոյտը ծովին ափովը, երկա՛ր, մինչև այդ հովասուն խոռոչը, որ հիմա տղուն համար ճակատագրակտն էր դարձեր, ու անոր ուղեղէն ո՛չ մէկ կերպ դուրս գալ չէր ուզեր:

Ամօթէն ու գայրոյթէն զարկաւ բուռնցքը սեղանին, ցատկեց ակոսէն վեր:

«Ի՞նչ յիմար բան. այս ալ նո՞ր ելաւ. օրէ օր սկսայ աւելի երախայ՝ դառնալ»:

Ու արագ քայլերով ուղղուեցաւ դէպի սանդուղը: Վա՛րը, իրեններուն քով կերպով մը տրամադրութիւնը փոխելու համար:

Հրանտ երկու տարի առաջ մեծ յաջողութեամբ տուեր էր իր փիլիսոփայի աօքտորութեան քննութիւնը Հալէի համալսարանին մէջ, ուր պարագած էր երկար ատեն, ու արդէն շատոնց գրաւած քննախօսութեան ուսուցչապետի համակրանքը իր կանոնաւոր ու լուրջ աշխատանքովը. մասնաւորապէս ուղեղի վրայ: Մեծ գովեստով էր ընդունուած իր աւարտականի շտաբութիւնը, որ «մեծ ու փոքր ուղեղի գորշ կեղևները իրարու կապակցող թելերու մասին» մանրադիտակի վրայ ծռած երկարատե ուսումնասիրութեան արդիւնք էր: Դեռ աւարտելէն վերջն ալ ան մնացեր էր նոյն համալսարանը, իր ուսուցչապետի տուած դիւրութիւններուն տակ իր գործնական աշխատութիւնները շարունակելու. և ուսուցչապետի դրդմամբ ալ շուտով յաջողե՛ր էր հրապարակային մրցումի մասնելու, և ստացե՛ր իրաւունք համալսարանին մէջ դասախօսելու իրրև փրիվատ ասցենդ ջղային կեղերոնի մասնագիտութեամբ:

Այս դարնան եկեր էր Պօլիս, մինչև ձմեռուան կիսամեակը մնալու դիտումով. մասամբ իր մօրն ու եղբօրը անվերջ կոչերուն բաւականութիւն տալու համար, մասամբ իր ծննդավայրին մէջ քիչ մը հանգստանալու, մասամբ ալ զօէլէնթէրներու կանկիւ-հանգոյցներուն վրայ գրած իր նո՞ր աչ-

խատութեան համար թարմ ու առատ փորձի նիւթ ունենալու ծովուն մօտիկ: Եւ ա՛յս չորս ամիսէն աւելի էր, որ իրեններուն քովն էր արդէն:

Իրմէն քիչ մը միայն առաջ եկած էր Մինէ Թիֆլիսէն, ուր նախորդ ձմեռը դերասանական խումբին մէջն էր եղած: Խումբին մէջ պատակաւ տուած ինչալով դերասանները մեծ մասով ցրուեր էին գաւառները, իսկ Մինէ դժգոհ ձգեր եկեր էր Պօլիս՝ մտածելով կերպ մը միանալ հոտեղի նոր ուժերուն ու հոս գործի կապուիլ:

Մինէ որր էր. մայրը կորսնցուցած էր դեռ իր մանկութեանը իրենց Պօլիս եղած ժամանակը: Իսկ հայրը մեռեր էր քանի մը տարի առաջ Օտեսոս, երբ ինքը Մոսկուս էր դեռ թատերական ընթացքի հետեւելու համար: Պօլիս մէջ իր ամենէն մտերիմ ազգականը՝ իր աւագ մօրաքոյրն էր, որբեայրին, որ հիմա իր մէկ-հատիկ հազիւ տասնամեայ աղջկանը հետ Գատրգիւղ կ'ապրէր: Եւ արդէն անհրաժեշտ սովորութիւն մը դարձեր էր որ Մինէ ամէն Պօլիս գալուս անպատճառ ա՛յդ մօրաքրոջը տունը իջևանի, որ իրօք մօր մը պէտքը որբին վրայ կը գուրգուրար: Վերջին անգամ հինգ-վեց տարի առաջ եկած էր Մինէ հօրը հետ:

Եւ հիմա իր խոշոր ծրագիրներովը հազիւ ոտքը Պօլիս դրած էր. երբ սիրուն երազները ցընդեր էին իսկոյն: Ո՛չ այն հասարակութիւնը, ո՛չ իր երևակայած դերասանները կային հոտ: Եղածներու ու քանի մը գրագէտներու հետ մտեր էր կապակցութեան, և հազիւ յաջողեր էին հազար

ու մէկ դժուարութիւններով վեց ամսուան մէջ երկու ներկայացում ալ. խաղացողներու ալ մէկ խոշոր մասը սիրողներ եղած էին միայն: Թերթերուն մէջ քիչ մը խօսեր ու գովեստներ էին տուեր («տաղանդաւոր, շնորհալի ու դեռատի դերասանուհի») մասին, որ «ուսական ուստանին մէջ իր կրթութիւնն ու արուեստը կատարելագործած իջած էր այդ փշոտ ասպարէզը»: Ահա այս էր եղած իր բոլոր օգուտը, քանի մը ոսկի գրպանի ծախքով:

Մինէ ու Հրանտ շատ տարօրինակ կերպով իրարու հանդիպեր էին: Հրանտի եղբայրը ամուսնացած էր, տղուն համալսարանը եղած ժամանակը: Իսկ մէկ երկու տարի վերջը երբ ամառ մը եկեր էր ու ծանօթացեր իր նոր ազդականներուն հետ, Մինէ արդէն հօրը հետ նորէն վերադարձած էր Սուսաստան. այնպէս որ երկուքը դեռ բնաւ իրար չէին տեսած: Ընտանիքին մէջ սակայն երկուքի մասին ալ քննականապէս յաճախ կը խօսուէր, և տեսակ մը աւանդական առասպելական գոյներով, յարգանքի, խանդաղատանքի ու գարմանքի խառն զգացումով մը:

Երբ առաջին անգամ երկուքը իրար տեսեր էին, երկուքն ալ ապշած դիտեր էին վայրկեան մը իրար:

— Բայց ես ձեզի բողբոջիմ ուրիշ տեսակ կ'երևակայէի. եզեր էր ազլկան առաջին խօսքը: Այնպէս լ'ուրջ, մռայլ, գիտական. երկա՛ր, փառաւոր մօրուքով. ակնոցներով, ու խոշոր, լա՛յն ոտքերով:

Ու ծիծաղեր էին բոլորը միասին:

— Ուրեմն ուրիշ խօսքով ձեր առաջին տպաւորութիւնը հիասթափուին է:

— Այո՛, բացարձակապէս:

Ու իր ձեռքը ջերմ շարժումով մը սլարդեր էր տղուն:

— Համբուրուի՛լ, համբուրուի՛լ, ո՛ւ «Դուք» «Ջեզ» երբ մէկզի, հրամայեր էր Հրանտի եղբայրը:

Հրամանը կատարուած էր անմիջապէս. ու նոյն վայրկեանէն ալ սկսեր էր այն կէս-լուրջ, կէս-կատակ, հեգնտ, իրար չարչրոզ ու մրննոյն ժամանակ իրարմով խնդրելու մտերմութիւնը: Հրանտենց տունը ոտք դնելուն պէս՝ Մինէի առաջին բառը «բուզէնս» էր: Եւ միայն բուզէնի տունը չէր, որ անոնք իրարու կը հանդիպէին, շարաթը մէկ-երկու անգամ միասին էին սովորաբար, երբ շրջակայքը կամ ծովուն վրայ պտոյտի կ'ելնէին միասին: Ու ալ այնպէս սկսեր էին զբաղիլ իրարմով, որ հարսը սկսեր էր շնորհքով նախանձիլ:

— Ի՞նչ է այդ. միտակ «բուզէնս ու քուզէնս»: մե՛նք ալ մարդ ենք հոս:

Պատասխանը ծաւալ ծիծաղ մըն էր ի հարկէ:

Միայն վերջերը հեռոհեռէ՛ սկսած էր տեսակ մը դուստպ ու անբնական շեշտ մանել անոնց փոխադարձ վարմունքին մէջ: Տղան կարծես ճնշող, կատեցրնող կապ մը ունէր լեզուին վրայ. ու զանազան պատրուակներով սկսեր էր խուսափիլ իրենց շատ շուտ-շուտ միասին լինելէն: Աղջիկը

այս կէտը շատ աղէկ կ'ըզգար, բայց ամէն բան չի նշմարելու կը զարնէր. մանաւանդ նկատած էր, որ հիմա ինքն ալ երբեմն իր բոլոր ճիշդերուն հակառակ անսովոր կերպով կը լրջանար անոր քովը:

Իրիկուն մը թեւ-թեւ լեցուն լուսնին տակ չըջած էին ամբողջ ժամ մը, դրեթէ, առանց բառ մը իրարու հետ փոխանակելու. բայց երկուքն ալ դո՛հ, իրարու մօտիկ լինելու հեշտի՛ն զգացումով մը, առանց երբէք խօսակցութեան պակասը զգալու: Տուն մտնելու ատեն միայն անդրազարձեր էին յանկարծ երկուքն ալ, ու կանգ էին առեր իրարու ձեռք բռնած, մինչև որ աղջիկը սկսեր էր բարձրաձայն խնդալ ինքզինքը հեգնելով:

— Զէ՛, Հրա՛նտ, հարս դառնալու հասունցեր եմ արդէն. արդէն սկսայ շխօսական դառնալ:

Այդ գիշերէն վերջն էր, որ դիտմամբ թէ պատահմամբ երկու շարաթուան շափ իրար չէին տեսեր, Թէնէրի իրենց վերջին հանդիպումէն ի վեր:

«Յիմարութիւն է». կը կրկնէր հիմա Հրանտ ասնդուղներէն վար իջնալով: «Քանի որ է դործիս վրայ լուրջ կեդրոնացած չեմ, պատճառը սա է, եթէ դրազիմ ամեն ինչ կ'անցնի»:

Ու մտաւ սրան:

Պարտէզի դռան գոյգ փեղկերը բաց էին կրունակի վրայ: Եւ քայլ մը միայն անդին, խաղ կանանչ փոքր սեղանին երկու կողմը դէմ-դէմօր նստած էին երկու հողի լուռ ու լուրջ. ամբող-

ջովին խորատուգուած իրենց քաշած ու նետած խաղի թուղթերուն հաշուին մէջ:

Մէկը երիտասարդի եղբայրն էր. քառասունը անցած, քիչ մը ձերմըկած. բարեկազմ ու դէպի դերը հակող մարդ մը:

Խաղակիցն ալ դրացի մըն էր, իրենց դիմացի ամառանոցէն, ու Հրանտի եղբոր կիրակնօրեայ մշտական ընկերը: Եէկ, ծաւի աչքերով, կարճահասակ, բաւական տարիքոտ, բայց շիք հագուած լէվանդէն մը:

— Ահա՛, վե՛րջապէս, մեր խլուրդը դուրս է ելեր իր բոյնէն. բացազանչեց Օհաննէս կոտրած ֆրանսերէնով մը, երբ եղբօրը գալը նշմարեց: 'Իո՛ւք ըսէք, խնդրեմ, պարոն Ռէնեա՛կ, ինչի՞ է նման այս տղուն կեանքը. քաշուէ՛ ծակի մը մէջ ու անվերջ կարգա՛ ու գծէ՛:

— Բարև ձեզի, պարոն, դիմեց Հրանտ հիւրին, առանց եղբօրը խօսքերուն շատ կարևորութիւն տալու:

Յրանտացին իր բարակ ու ձերմակ ձեռքը ձկուն շարժումով մը տուաւ երիտասարդին, ու թեթև մը ունքերը ժողվելով կցեց.

— Ձեր եղբայրը իրաւունք ունի, պարոն Ալիմեան: Հաւատացէ՛ք ինձի, տարիները կ'անցնին ու ձեր այդ գրքերէն ու մանրադիտակէն ձեզի իսկապէս բան մը չի մնար: Եթէ մարդուս ձերութեանը արժէք ունեցող բան մը կը մնայ, այն ալ ապրած կեանքի յիշատակներն են միայն. բայց ապրած, ո՛չ թէ կարդացած, կամ գծած: Քիչ մըն ալ երիտասարդական յիմարութիւններ ընելու

է. փորձուած մարդու խորհուրդին ականջ դրէ՛ք. երջանկութիւնը երթասարդութեան մէջն է, երթասասարդութիւնն ալ յիմարութեան:

Ու աչքովը նշանակիչ կծկում մը ըրաւ:

— Այո՛, արդէն խոշոր, անիմաստ յիմարութիւն մըն ալ կեանքը ի՛նքը, նկատեց աղան ժըպտակով:

— Ա՛, ո՞վ ըսաւ ձեզի այդ անմիտ ֆռազը. ո՛ր. անիմաստ յիմարութիւնը ասլրիլ չդիտնալն է միայն. ու ամենախոշոր յիմարութիւնն ալ յիմարութիւններ ընելէ խուսափիլը:

— Նորէն իրաւունք ունիք:

Պատասխանեց աղան իբրև հեղնելու համար, բայց իր կամքին հակառակ պատասխանը պէտք եղածէն աւելի լուրջ հնչեց: Մտածկոտ հեռացաւ խաղի սեղանէն ու ձեռքերը մէջքէն կապած իջաւ պարտէզ:

«Փորձուած մարդուն» խօսքերը տակն ու վրայ ու պարարտ հողի մէջ էին ինկած:

Ներքը քիչ մը ատեն լուռ խաղը շարունակուեցաւ նորէն, մինչև Օհաննէս յանկարծ խօսք առաւ՝ թուղթ մը ամուր սեղանին դարձնելով:

— Հապա՛, պարոն Ռէնեսա՛կ, մենք զրկեցինք, որ մարդ դառնայ. ան գնաց գլխունուս փիլիսոփայ կարեցաւ: Փիլիսոփայ — սո՛ւղ ասլրանք. վրաս ամսական եօթէն ութը ոսկի է նըստեր. շարունակ. եօթէն ութը տարի. սո՛ւղ, սո՛ւղ ասլրանք այդ փիլիսոփայութիւնը:

— Բայց ինչո՞ւ թողուցիք. չէ՞ որ առաջ կարծեմ կ'ըսէիք թէ բժիշկ պիտի ըլլայ:

— Բժիշկ չեղաւ. ըսենք, հոս փողոցը թափուած բժիշկներ շեցուն են, հիմա բժշկութենէն ալ խեր չի կայ: Վերջը մտածեցինք ձգենք իր խելքին, հոս դար ի՞նչ ընէր. հրապարակը այսպէս, մէջտեղը գործ չի կայ: Յետոյ լսածիս նայելով փրօֆէսէօրները զէշ ամսական չեն ստանար. թո՛ղ առաջ երթայ. վերջապէս մեր անունին ալ պատիւ մըն է:

— Այո՛, ի հարկէ՛: Երկու հարիւր յիսուն. կցեց ֆրանսացին անտարբեր քանի մը թուղթ սեղանին վրայ թափելով:

— Արդէ՛ն. նորէ՛ն սկսանք:

— Երկու հարիւր յիսուն մըն ա՛լ. կրկնեց մարդը ժպտուն՝ թուղթ մըն ալ նետելով:

Օհաննէս խոժոռեցաւ, ու կեդրոնացաւ խաղին վրայ:



Պ.

Գատր-գիւղի շողենաւը նոր էր մօտեցեր Մեծ-կամուրջին, և բազմութիւնը երփներանգ հոսանքով դուրս կը յորդէր շոգենաւի նեղ կամրջակէն։ Բազմութենէն քիչ մը հեռու, ծովուն ու նաւին նայող վանդակին մօտիկ կեցած էր Մինէ երիտասարդի մը հետ։ Վերջինը փոքրահասակ, սեղուզ մաղերով, նուրբ ու քնքուշ կազմով, գրեթէ կանացի գեղեցկութեամբ, քսան-քսաներկու տարեկան տղայ մըն էր. թեթև ու շարժուն։

Խայտառակութիւն է, սակայն ճշմարիտ խայտառակութիւն. կը խօսէր փղան հազուադիւարադութեամբ մը։ Գաղափարը տափակ, հազա՛ր անդամ կրկնուած. իսկ ձևն ու կազմը գողցուած է, երևակայեցէ՛ք, Ֆրանսուա Քօբէ՛էն. անշուշտ կարդացած էք Ֆրանսուա Քօբէն. չէ՞, կը կատակէ՛ք։ Ինչպէս ըսի՝ բացարձակ խայտառակութիւն. ո՛չ ճաշակ, ո՛չ յղացում, դէ՛, վաղը լրագրբին մէջ կը կարդաք քննադատութիւնը. բայց կէտ առ կէտ վերլուծած եմ. կզամ՝ փամպակի պէս։ Սակայն մտածեցէ՛ք, այդ ուղղակի հասարակութեան քիթին խնդալ ըսել է. անունն ալ դնել բանաստեղծութիւն, ան ալ քերթուած.

և անգամ մը իրարու փակցուցած անձոռնի յանգերը տեսնէ՛ք. ԽՈՒՐԻՔՕՎ։

Եւ ներքին եռացող յուզումն իր կեցած տեղը մնալու անկարող՝ սկսաւ երկու քայլ տեղ՝ աղջկան դիմացը շտապ երթևեկել ձեռքերը ժաքէթին գրպանները դրած։

Մինէ լուռ կը հետևէր խօսակցին՝ շողենաւի նոր դնած տոմսակը մատներուն մէջ խաղցընելով։

«Եւ անկէ վերջը, դեռ այդ ըտլորը չէ...»

Կ'ուզէր երիտասարդը շարունակէ, երբ Մինէ յանկարծ անակնկալի զուարթ «ա՛ն» կը ըրու ու նետուեցաւ դէպի տոմսատուի պատուհանիկին կողմը։

«Բարե՛ւ. այս ի՛նչ հրաշք. Պօլի՛ս ես ի՛ջեր։

Հրանտ ձեռքը մեկնեց աղջկան, և դեռ ձեռք-ձեռքի մօտեցան երիտասարդին։

— Իրարու ծանօթ չէ՞ք, հարցուց Մինէ։

— Դժբաղդարա՛ր, պատիւ չեմ ունեցած. եղաւ երիտասարդի պատասխանը. գլխու թեթև խոնարհութեամբ մը։

— Բուզէ՛նս, Հրա՛նտ Ալիմեան, տօքտօ՛ր։ Քիլիօլօկ, ներկայացուց աղջիկը։ Եւ պարոն Գրիգորի՛կ Տեսարեան, հրդեհի դէմ ասպահովագրական ընկերութեան դորձակատա՛ր, բանաստեղծ, հրապարակախօս, նկարի՛չ, քննադա՛տ, և պէտք եղած ժամանակը դերասա՛ն։

— Օ՛, այդպէս սիրուն բազմակողմանի՞. նրկատեց Հրանտ։

— Ա՛խ, պարո՛ն, օրիորդը կատակել կը սիրէ. պատասխանեց Գրիգորի՛կ գլխու սիրուն ու

հարատ շարժումով մը, որու տակէն սակայն կե'ղծ-համեստութիւնը իր դէմքը ցոյց կու տար:

— Եւ, հա', մոռցայ իմ մասնաւոր դրարերս, Ռուսաստանէն նամակներս պարոնի հասցէին կուգան. աւելցուց Մինէ:

— Իմ պաշտօններէս ամենէն նախանձեղի'ն. կցեց երիտասարդը խնդալով:

— Իսկ դո՞ւն. դարձաւ ազջիկը Հրանտին: Այսպէս գազտուկ Պօլիս կ'իջնե'ս. բայց ինծի դալու ժամանակ չունի'ս. աղէկ: Երէկ իրիկուն անգամ մը միտքէս անցաւ ելնեմ Ֆէնէո Պանօէ գամ: Ահ, չեքեակայե'ս, դէմքդ շատ կարօտցած լինելու համար. երբէ'ք. սիրտս նաւարկել կ'ուզէր միայն, ուրիշ ոչի'նչ: Ետտոնց է նաւարկած չեմ. ըսի' նորէն անգամ մը միտսին ծովուն վրայ կը բացուինք. թէև ի հարկէ ինքնին այդ չնորհին բնաւ արժանի չես:

— Դէ', եթէ այդչափ կը ցանկաս, կարելի է այդ մտսին անգամ մը մտածելու բարեհաճիմ միայն յամենայն դէպս պայմանով մը:

— Բահ. ի՞նչ պայման:

— Որ՝ ծովուն վրայ խելօք պիտի կենաս, և բացարձակ հնազանդիս պիտի իմ ծովակալի հրամաններուս:

— Հրամաններո՞ւդ... ես պայմանով դործ չեմ սիրեր, այն ալ քեզի հետ. հըմ, ծիծաղելի է. կամ մակոյկը ժայռի մը կը դարնես, կամ ծանծաղը կը նստեցընես:

— Այո', այո', պարոն, օրիորդը իրաւունք ունի, մէջ նետուեցաւ երիտասարդը: Դեկը պէտք

է կամաց-կամաց կանանց ձեռքը տալ. ժամանակները սկսած են փոխուիլ. ասպիցան ամաղօններուն է. և Ամաղօնի ափերը արդէն իսկ մտած են կանայք իրենց այդ նոր դերին մէջ:

Ու ծիծաղեցաւ բառախաղէն կատարելապէս գոհ:

— Մի՞թէ. հեղնեց Հրանտ: Կրնա՞մ երևակայեր, թէ ինչ կը լինի կանանց կառավարած աշխարհքը: Եւ եթէ ձեր մարդարեութիւնը շիտակ է, այն ատեն պէտք է մասնաւոր փառք տանք ընտելեան, որ այդ քաօսի դարուն մէջ ծնած լինելու դժբաղդութիւնը ունեցած չենք:

— Ի՞նչպէս. հապա կանանց ազատ ապագա՞ն, հապա անոնց վիճակուած պատմական մեծ դերը. ուրեմն պարոնը դեռ հին փիլիսոփայական ուղղութեան կը պատկանի. իսկ ես կ'ըստպատէի, որ իրբև տօքտօր...: Պարոնը տօքտօր է ըսիք կարծեմ, չէ՞, օրիորդ:

— Մասնագէտ ֆիլիթօլօ'կ. բացատրեց Հրանտ:

— Ախ, մասնագէտ. ոչի'նչ, հետաքրքիր է ֆիլիթօլօ'մի, դիտութիւններու մայրը. արիւն և սի'րտ. և ս'րքան դրացի բանաստեղծութեան:

— Սակայն, դժբաղդաբար, ես դիտաւորապէս ջիղերով կ'ըզբաղիմ, առարկեց սղան՝ հազիւ նշմարելի հեղնական ժողիտով մը:

— Ընը', ջիղեր. դարավերջի'կ է: Զգային դար, ջղային. այո', իրաւունք ունիք, ուսումնասիրելու ժամանակակից նիւթ: Ռըվիւ. իթերերի վերջին համարը կարդացած էք. շատ սիրուն

յօղուած մը կայ արդի գրահան երկերու ջղայնու-
տութեան վրայ. ա՛յ, օրինա՛կ, բաւական է միայն
յիշել Վեռլէն, Իբսէն, Նիշէ, Դասդայէվսկի. այո՛,
այո՛, համաշխարհային հիւանդութիւն:

— Բայց, երեւակայեցէ՛ք, քուզէնս այդ ձեր
ըսած մե՛ծ հիւանդութեամբը չէ որ կը հետա-
քրքրուի. այլ պարզապէս ջղային կեդրոնի կազ-
մութեամբ է կցեց Մինէ՛ տեսակ մը գրող-գրգռող
չեչտով:

Կրակի վրայ իւղ լեցնել կ'ուզէք:

— Կ'ըմբռնեմ. դուտ բնագիտական տեսակէ-
տէն, խիստ օգտակար ուսումնասիրութիւն, ի
հարկէ՛: Միայն գիտէ՛ք, ազնիւ պարոն, կը ցան-
կայի իմանալ, անշուշտ եթէ անամեստութիւն չէ
հարցընելս, ի՞նչպէս է, որ այդ տեսակ՝ աշխա-
տութիւն մը ձեզի ընտրած էք: Մարդ Եւրոպա
երթալէն վերջը շատ աւելի... այսպէս ըսած,
գրաւիչ նիւթ մը կընար ընտրել իր, ուսումնասի-
րութեան:

— Ինչո՞ւ կը կարծէք թէ ուղեղի ուսումնա-
սիրութիւնը անգրաւիչ է:

— Անգրաւիչ. ո՛չ, ո՛վ ըսաւ. քաւ լիցի,
Միայն քիչ մը... ինծի կը թուի... շատ միա-
կողմանի. տեսակ մը... չոր ու զուրկ փօէղիէ:
Ա՛յ, բոլորովին ուրիշ բան է գրական կեանքի ու-
սումնասիրութիւնը, կամ բեմը, կամ փիլիսոփա-
յական մտքի արտադրութիւնները, ի՛նչ կեանք,
ի՛նչ փօէղի այդ բոլորին մէջ. այո՛, կեանքի
փօէղին:

— Է՛, պարոն, ի՛նչ ընենք, ամենքին արուած

չէ կեանքի փօէղիով գրադուելու ընդունակու-
թիւնը. պատասխանեց Հրանտ՝ վէրին աստիճանի
ձիծաղաչարժ խոնարհ դէմք մը շինելով:

Շողենաւը սուլեց:

— Տաղանդ ըսել կ'ուզէք. ի հարկէ. սա-
կաւաթիւ են անոնք, որոնց ճակատին իր մատը
դնելով կ'ըստեղծէ Ստոււած, ինչպէս կ'ըսէ ան-
մահն Վիկդոր Հիւկօ:

— Կը տեսնէ՞ք, բարեկա՛մս, անմահն Վիկդոր
Հիւկօն ալ ինձի համակարծիք է եղեր:

Հրանտի բառերուն այդ շեշտուած կրկնու-
թիւնը Գրիգորիկին անախորժ եկաւ: Բայց առանց
ոչինչ նշմարել տալու, ժպիտով մը ու թեթեւ մը
ձօնելով՝ ձեռքը մեկնեց Մինէին.

— Դէ՛, օրիո՛րդ, կը ներէք. այս իրիկուն
ես Իւսկիւտար եմ անցնելու, ու չոգենաւս արդէն
մեկնելու արամադրութիւններ կը ցուցընէ. ստիպ-
ուած եմ անջատուելու, թէև գիտէք, թէ որքան
ձանր է ինձի ձեր ներկայութեան զրկուիլս: Յոյս
ունիմ, որ ձեր ըսած ներկայացումը վայելելու
ամենամեծ երջանկութիւնը պիտի ունենանք շու-
տով: Ահա՛, պարոն, տեսէ՛ք, որու ճակատին է
Աստուած իր մատը դրեր. կը նախանձիմ ձեզի
ճշմարիտ, որ այսպէս քուզին մը ունիք: Օրիո՛րդ,
յափշտակութիւններս: Պարոն:

Ու մինչև մէջքը ձկնելով՝ փափուկ լայնեղբ
գլխարկը ճարպիկ շարժումով մը երերցուց օդին
մէջ, անցուց նորէն գոռոզ մագերուն, ու արագ
անդին նետուեցաւ դէպի միւս շոգենաւին կողմը:

Դատը-գիւզի շոգենաւը նորէն սուլեց:

— Տոմսակ ունի՞ս, հարցուց Հրամստ :

— Այո՛ :

Տղան շտապ գնեց իրեն համար ալ, միասին իջան շողեհնաւ. ու մտան կողմնակի խցիկներէն մէկը, ուր միայն երկու անձեր անկիւնը քաշուած կը խօսակցէին :

Շողեհնաւը ճամբայ ելաւ :

Դուրսը սկսած էր գորշանալ : Խցիկը մուխ էր գրեթէ :

Մինէ ծնօտը ձեռքին յենած, ու արմուկը փոքրիկ լուսամուտին՝ ծովուն կը նայէր ուշադիր ուր նաւերու ու նաւակներու ամբողջ ամբոխ մը իրարու գլխու էին խոնքեր : Եւ երբ վերջապէս աղջիկը հայեացքը ներս դարձուց՝ իր առաջին տեսածը տղու խոշոր աչքերը եղան, որոնք յամառ իր դէմքին էին դամուեր : Մինէ խնդաց :

— Նո՛ւ, կերևի Աստուծոյ մատին տեղը կը վնասուտ ճակատիս վրայ :

— Գրեթէ՛ :

— Է՛, ի՞նչ կ'ըսես իմ դեռածիլ երկրպագուիս դատողութիւններուն :

— Ոչի՛նչ, ի՞նչ պիտի ըսեմ : Այդ դատողութիւնները միայն անորը չեն. ինձի համար բնաւ նորութիւն չէ ըսելը, որ գիտութիւնները մանր, չոր, մասնաւոր, երկրորդական խնդիրներ են, գործաւորի սեւ, անգրաւիչ աշխատանք, ուրկէ ի հարկէ կարելի է օգտուիլ, բայց որուն մէջ ինքնին կեանք չի կայ, մտքի և սրտի սլացում չի կայ, «Կեանքի փօէզին չի կայ», ինչպէս քիչ մը առաջ այդ սիրուն երախան կ'ըսէր : Եւ անոր

համակարծիք են ի հարկէ մեր բոլոր միւս մտքի երախաները. մեր սրտի գրեթէ ամբողջ գրական հրապարակը :

Պահ մը լռեց, ջղուտ ձեռքով ժամացոյցի շղթային հետ սկսաւ խաղալ. ու յանկարծ կրքոտ շեշտով մը վրայ տուաւ :

— Փօէզի՛ : Եթէ վայրկեան մը միայն ատոնք կարողանային թափանցել քիմիագէտի հողին, երբ ան իր աշխատանոցի տակնուվրայութեան մէջ, գլխահակ, փորձի սրուակը ձեռքը, փշուր մը մըրուրի կամ դոյնի ամենաչնչին փոփոխութեան մը մէջ իր հաշուած ենթադրութիւններու, իր ձգտած մէկ գործնական նպատակի Ֆաիսային հաստատու մը կ'որոնէ, վայրկեան մը միայն. և ո՛րքան պիտի լինի իրենց ապշումը, երբ այդ հոտերութիւններու ու կազերու մի՛նտրոտին մէջ յափշտակութիւնն ու հաճոյք մտքի թռիչքն ու սրտի յուզում իրարու ժամադիր եղած տեսնեն : Է՛, Մինէ՛ս, եթէ ակնթարթ մը միայն զգայիր, թէ ի՛նչ բերկրանք, ի՛նչ հպարտութիւն, ու ընկերական-հասարակային կեանքի ի՛նչ ապագայ յոյսեր կը թեւածին գիտնականի մը զգացումներուն վրայ, երբ ան իր ընկեր մանրադիտակին վրայ ծռած՝ ուղեղի մանր կտորիկի մը միլիոնաւոր բծիճներու ու թելերու քառօին մէջէն քիչ-քիչ դուրս կը կորդէ անոնց ճիւղաւորման ու հաղորդակցութեան օրէնքները, երբ դարերու «աննիւթ ու անըմբռնելի» անուանած հողի՛ն իր աչքերուն տակ որո՛շ ձեւի ու կազմի սքանչելի մեքենայի մը կը վերածուի : Կամ ըսէ՛, խնդրեմ, աշխարհի որ

գեղարուեստական ստեղծագործութիւնը արտադրել կրնայ գոնէ քիչ-քիչ նմանուող բայն մը այն նկարին, որ մարդու երևակայութեան դէմ կը պարզուի, երբ օրկանական մարմնի միլիարդարեան կեանքի ու զարգացման պատմութիւնը քեզի պատկերացնելու կը փորձես. այն իր յաւիտենական փոփոխութիւններովը, իր անհամար ձևակերպութիւններովը, աստիճանէ աստիճան, իր միաբրժիճ երեխայութենէն սկսած մինչև ողնաշարաւորներու այս բարդ ու կուտակ օրկանիզմը: Է՛, կեանքի ու զարգացման այդ հսկայ պատմութեան դէմ ի՞նչ բան է մեր հայել քանի մը հազար տարի հաշուող «մարդկային քաղաքակրթութեան» ուսեցուցած պատմութիւնը. դրամիբուսիկ եպիգրաֆիկ մը միայն այդ անձիւր ու խորունկ տխտան տրամային մէջ, ուրիշ ոչ ի՛նչ: Խեղճեր, որ չգիտեն թէ ո՞ւր է իսկապէս կեանքի մեծ փօշղին...

Երկու մարդոց խօսակցութիւնը խցիկին մէջ դադրած էր շատոնց. ու խցիկէն դուրս՝ ուղևոր բազմութեան խուլ ժխորը միայն կը լսուէր մեքենաներու խրատուցիչ թնդումին մէջէն, իսկ պատուհանին տակ վայրագ ծեծկըւուքը կամակոր ալիքներուն, որոնք իրոնց զայրոյթէն ուռած կուրծքերովը դիմադրել կը ճգնէին շողենաւի պատըռտող անիւներուն:

Այնպէս հաճոյալուր էր այդ բզրկտուող ջուրի շիթերուն ու փեռթերուն շառաչը, որոնք նորէն ծովուն ծոցը կ'անձրևէին. այնպէս օրօրօղ դուրսի ամբօսի անորոշ խժըլաուքը. այնպէս կեղկայանող շողիթի թափին տակ նաւի յարատև թեթև դողը.

այնպէս ախորժ կէս-մութը, որ խցիկի անկիւններէն հետզհետէ աւելի առատ վար կը ծորէր: Ու այդ զգացումները շոյող շրջանակին մէջ Հրանտի ոգևորութենէն կայծկըլտող աչքե՛րը, անոր ջերմ ու յուզումէն անդադար ելլէջող կիսաձայն խօսուածքը:

Սնշարժ ու յափշտակուած կը լսէր աղջիկը՝ Ա՛, ի՛նչ անուշ. հեքեաթի մը մէջ, կարծես:

Հրանտ կտրեց վերջապէս իր խօսքը. ինքն ալ աղջկան պէս արմուկը դրաւ պատուհանիկին, ու ներս ծծեց լիաթոք ծովի զովաթարմ շունչը. աչքերը մի՛շտ աղջկայ աչքերուն:

— Խօսէ՛, Հրա՛նտ, խօսէ՛ դեռ. հծծեց Մինէ իր դսպուած յուզումին մէջէն, թարթիչները քիչ մը դոցեց, ազատ ձեռքովը խարխափելով դտաւտղուն ձեռքը ու բռնեց:

Հրանտ ժպտեցաւ. ու լուռ էին երկուքն ալ: Ուշ, իրիկուան երկնքէն թուխ-ծաւի լոյս մը անոնց ծովուն դարձած կիսադէմը կը լուսաւորէր, դէմքին միւս կէտը խիտ ստուերի մէջ թաղելով:

Մինէ յանկարծ աւելի մօտ ծռեցաւ տղուն քնքշանքի թափով մը, ու իր կէ՛ս կատակ կէ՛ս լուրջ, ժպտուն փոփսուքը տղուն դէմքին քրտուեցաւ.

— Քուզէ՛նս, իմ մէ՛կ-հատիկ քողէ՛նս. ինչ ո՞ւ, ինչ ո՞ւ քեզի այդչափ կը սիրեմ, Հրանտ:

— Քօքէթութի՛ւն. սիրունի՛կս, կատակեց տըղան անսարքեր մնալ ուղղով ձայնով մը:

Սակայն միեւնոյն ժամանակ անկարող եղաւ իր

մատնեքը դասկերու, որոնք երկաթի ձմուռով մը իր արիւն մէջ հանգչող ձեռնոցաւոր թաթիկին գազարեցան:

— Հանե՛մ պիտի ես քու աչքերդ, Հրա՛նտ. բայդ քու յտակ, վատահ ու կաշաւող աչքերդ, որոնք այդպէս ոգեւորուիլ դիտեն: Եթէ տեսնէիր անգամ մը ինչպէս տարօրինակ կը վառին, երբ դուն տաք-տաք խօսելու կ'ըսկսիս: Եւ գիտես ի՞նչ. ես կարծես տեսակ մը կը նախանձիմ քու ունկընդիբներուդ, հո՛ն, համալսարա՛նը, ամպիռնին վրայէն քու աչքերուդ, քու ձայնիդ դէ՛մ. և քու դասախօսութիւնդ, փա՛հ. չէ՛, ճշմարի՛տ, շա՛տ հետաքրքիր է լինելու:

— Դէ՛, եթէ այդչափ կը հետաքրքրուիս, եկո՛ւր քեզի հետ տանիմ՝ ու ներկայ եղիր որչափ կ'ուզես:

— Հը՛մ, տա՛ր. ըրաւ աղջիկը կտրուկ շեշտով մը աչքերը քթթելով ու գլխու դրական ուժգին ցնցումով մը:

— Հա՛. բայց մի՛ մոռնար. հոն ոչ թիֆլիզ է, ո՛չ դերասանական խումբ կայ: ոչ քու սիրական պատուտած գուլիսներդ, ո՛չ ալ « վսեմ գգացումներուդ » արտայայտութեան վայր:

Իր ձայնին տակ կծան չարութիւն մը կար:

Մինէ թեթեւ մը ճակատը կընճուեց, ու մտածկոտ հարցական նայուածքը յառեց նորէն խօսակցին, որ իր կատակի շեշտը պահել ջանալով՝ աւելցուց իսկոյն.

— Բայց, ի հարկէ՛, այդ բոլորը ի՞նչ նշանակութիւն կրնայ ունենար, քանի որ ինծի այդչափ կը սիրես, ինչպէս ինքդ կ'ըսես:

— Լուէ՛. կցեց աղջիկը բռնադուսիկ հանդարտ ձայնով մը. ու կամաց մը տղու արիւն ձեռքը ետ քաշեց:

— Տեսա՞ր. քու սխնչա՛փ սէրդ, ծիծաղեցաւ տղան: Բայց ցաւադար ու կարկամ բան մը կար այդ ծիծաղին մէջ, որ անոր դէմքէն անցաւ:

Ու լսեցին նորէն երկուքն ալ. անյարմար չարուած լուծեամբ:

Շոգենաւը ուժով մը զարնուեցաւ նաւամատոյցին ու կեցաւ:

Եւ զոյգը դուրս ելաւ:

Ֆազմութեան հետ հրժրչուելով բարձրացան Գատը-գիւղի նաւամատոյցը, հոնկէ ալ ծովեզրի առուծախ ընող աղմուկին մէջէն մտան կողմնակի մօտիկ, նեղ փողոց մը, ուր քանի մը քայլ անդին Մինէնց սուսն էր:

— Հրա՛նտ, իմ արուեստիս ձեռք մի՛ տար. կը խեղդեմ քեզի, ճշմարիտ կը խեղդեմ, ըսաւ վերջապէս Մինէ հաստատ ու ամուր ձայնով մը, երբ իրենց տան մօտեցան:

— Է՛, ի՞նչ փրաս, վարագոյրը իջնելուն նորէն սորի կ'եննեմ. ծաղրեց տղան:

— Գնա՛, դնա՛, հեռացի՛ր քովէս. բացադանչեց աղջիկը զայրացկոտ, և ուժով մը քաշեց դրան դանգը:

— Ձեռքդ չի՞ տար, հարցուց տղան մեղմ ու հաշտ ձայնով մը:

Ներսէն թելի մը ձգուելու ձայնը լսուեցաւ, ու դուռը թափով մը բացուեցաւ:

Մինէ՛ առանց ետեւը նայելու՝ դժգոհ անփութութեամբ մը ձեռքը ազուն կողմը մեկնեց :

Հրանտ բռնեց, ծռեցաւ, ու կամաց մը սեղմեց շրթունքներուն :

— Է՛, թո՛ղ, թո՛ղ, հողի՛դ սիրես . բողբոջեց աղջիկը կտարած բարկութեամբ մը . քաշեց ձեռքը, իսկոյն նետուեցաւ ներս, ու դուռը դոցեց :

Գոցեց . ձեռքը դեռ դռան լեզուակին՝ անշարժ մնաց յոգնած դիրքով մը մութին մէջ . միայն լսողութիւնը սո՛ւր լարած, մինչեւ որ դուրսը ազուն քայլերը հեռացան, թուլցան ու հալեցան :

Աղջիկը ուղղուեցաւ . ու բռունցքները դալարած՝

« Պիտի խեղդե՛մ, ճշմարիտ պիտի խեղդեմ ես այդ տղան » , փսփսաց նորէն սեղմած ակունեւորուն մէջէն :

Բայց այս անգամ ո՛չ սպաննալիք էր այդ, ո՛չ ալ զայրոյթ, այլ իր անտակի քնքշութիւն մը, բաղաբշանք մը :



Ի.

Բաց էր պատուհանը :

Հազիւ փողոցէն մէկուկէս մարդաշափ բարձր կը նայէր քարափին և ծովուն վրայ, որուն կապոյտ այտերը քնկոտ ու յոգնած դեղնութիւն մը առեր էին իրիկուան դալուկ երկինքէն :

Նուրը շղարշէ լայն վարագոյրին ետեւը քիչ մը քաշուած՝ պատուհանին մօտ նստած էր երիտասարդ աղջիկ մը . իրանը բարձր ու լեցուն, չափազանց առատ ու թունդ-սեւ մազերը անկարգ ու անազին շեղջով մը գագաթին դիզած . դէմքը կլոր, քիչ մը գէր ու տոգոյն, որ պատուհանէն ներս յորդող շրջապատի դեղինին մէջէն բոյորովին ձերմակ կը թուէր . նուրը ու թափանցիկ ձերմակութիւն մը . ու այդ ֆօնին վրայ երկու խոշոր արեւելքի սեւ աչքեր :

Գլուխը կուրծքին ձգած՝ վարժ մատներով ձեռքի ժանեակը կը հիւսէր, երբ Մարմարայէն Վոսփոր մտնող հսկայ շողենաւի մը խռպոտ սոյլը յանկարծ ժայթ քեց ու ծա՛նր տարածուեցաւ ամբողջ ծովուն վրայ :

Աղջիկը ակնարկը բարձրացուց ու նետեց խոշոր

ձերմակ շողենաւին, որ հանդիստ ու մեծափառ կը յառաջանար: Արմուկը դրաւ թիկնաթուռի թեւին, առաւ դուռը ափին մէջ, մինչ միւս ձեռքը ժանեակին հետ դէպի դողը սանցաւ. ու մնաց անշարժ, ծոյլ ու յառած վերացման մը մէջ, սուղուած իր մտածումներուն խորը, որոնք ըստ երեւոյթին զվամացի շողենաւէն ալ դանդաղ կը շարժուէին իր դանկին տակ:

Բարակ հովանոցի մը սուր ծայրը կամաց մը վեր բարձրացաւ պատուհանին տակէն, ու քանի մը անգամ ամուր իրարու ետեւէ գարկաւ եզերքի տախտակին:

Աղջիկը կէս մը վախցած խոժոռ դէմքով նայեցաւ վար, բայց իսկոյն ժպտաբ ցատկեց դէմքը.

— Ա՛, Մինէ՛:

Ու մէկ ոստումով սենեակէն դուրս նետուեցաւ ուրախ՝ փողոցին դուռը բանալու:

Հաղիւ դուռը գոցուած՝ պինդ փաթթուեցան իրարու վրդ՝ հնչիւն-հնչիւն համբուրուելով:

Իրենց մանկութեանը անոնց տուները կից էր իրարու, ու դրեթէ միշտ միասին էին եղած: Մինէի ամէն վերադարձին նորոգեր էին իրենց մտերմութիւնը, և իրենց երթեւեկը մինչեւ հիմա ալ կը շարունակուէր: Միայն հետզհետէ շատ տարօրինակ դոյն մը առեր էր այդ բարեկամութիւնը. նախ կարծես խոյս կուտային իրարու յաճախ հանդիպելէ, թէև երկուքն ալ միշտ կատարեալ համակրանքով ու սրտանց իրար կը զիմաւորէին. և այն հին բաց ու ջերմ շեշտը մէջերնուն երբէք չէր վերցած: Սիրտերը նոյն էին մնացեր. կեանքի տուած հետա-

քրքրութիւնն ու իրենց մտածման առարկաներն էր փոխուեր միայն: Այդ կ'ըզգային երկուքն ալ, սակայն փոխադարձաբար ոչինչ չէին ըսեր իրարու:

— Մինա՞կ ես. հարցուց Մինէ:

Այո՛. մայրս Յովակիմեաններուն դնաց. իսկ հայրս. դիտե՛ս, վերջին շողենաւով կուզայ միշտ: Դուն ս՛ւր ես այս քանի ատեն է. ի՞նչ պէս ես:

— Է՛. ըրաւ Մինէ դժգոհ ուսը ցնցելով:

— Հը՞, քէֆդ տեղը չէ՞:

— Այս վերջին օրերը տրամադրութիւնս աւուրած է քիչ մը:

— Նմեի գերասանական գլխու ցաւանք նորէն:

Մինէ ակունթարթ մը չի պատասխանեց, ու վերջը մտածկոտ գլուխը շարժելով կցեց երկդիմի.

— Գերասանական գլխու ցաւանք. այո՛:

Բայց իսկոյն բան մը մոռնալ ուզողի ձեռքի բացասական շարժում մը ըրաւ, ու աւելցուց.

— Է՛. Արուսեակ՛ի թողնե՛նք այդ: Ա՛ն ըսէ՛ դուն ինձի՛ ինքդ ինչ բանի ես:

— Ի՞նչ բանի պիտի լինիմ. չե՞ս տեսներ. քիչ մը կարէ՛, քիչ մը կարդա՛, կամ թեղ դի՛ր պատուհանին ու դուրս նայէ՛:

— Եւ ամոռը ուժով մը քաշեց պատուհանին կից:

— Մա՛նաւանդ այս պատուհանը. ա՛, եթէ այդ չլինէ՛ր: Այս պատուհանը իմ ամէն բանս է.

իմ ամենասիրական գիրքս, իմ թատրոնս, իմ բանօրամասս, նոյն իսկ իմ ժամացոյցս. չե՞ս հաւատար. ես դիտեմ, օրինակ, ժամը քանիին մերքովի դբացիին տղան դպրոցէն կը դառնայ, որոշ մանրավաճառներ ժամը քանիին կու գան. և վերջապէս շոգենաւերուն կանոնաւոր երթն ու եկը: Հապա՛. կը նստիս, կը դիտես անցորդները, անոնց դէմքերը, շարժումները, խօսակցութեան կտոր մը կու գայ ականջիդ, մնացածը ինքը երեւակայութեամբ ամբողջացնել կ'աշխատիս, կը դիտես փոքրիկներու կռիւը, որոնք քարափին վրայ իրարու կը հայհոյեն, նաւակները, նաւավարները. տեսնելու ես երբեմն ի՞նչ առողջ, կորովի մարդիկ կան մէջերնին. երիտասարդ նաւավար մը կայ, երբեմն կ'անցնի իր նաւակովը, տեսնե՛ս ի՞նչ գեղեցիկ, հուժկու տղայ է:

— Հը՞մ, չե՛նե՛ս վրան սիրահարիս. կատակեց ընկերուհին,

— Ա՛խ, ո՞վ է տուեր ինձի այդչափ՞ քաջութիւն: Միայն երբեմն, իրաւ, բոլոր սրտովս կը ցանկայի, որ ես ալ իր քո՛վը. իրե՛ն պէս, իր նաւակին մէջը լինէի. ձկնորս մըն ալ ես: Ա՛ն, ի՛նչ սիրուն է լինելու մինչև վերջը ծովուն վրայ. մինչև վերջը արգելքներու, հոգերու ու իրարանցման դէմ. այդ գեղեցիկ, ուժեղ տղան շարունակ քովդ փոթորկի՛ ու աշխատութեա՛ն մէջ. ամբողջ կեանքդ կռիւ մը պատառ մը հացի համար...

— Է՛, արևդ սիրեմ. ատոնք սանթիմէնթալ անուրջներ են: Կը կարծե՞ս լըջօրէն, որ շափա-

պանց գրաւիչ բան է պատառ մը հացի համար ամբողջ կեանքդ ճանկըութուիլը:

— Չգիտե՛մ. այսքանը պա՛րզ է ինձի միայն. որ չա՛տ անհամ ու անբովանդակ բան է իմ այս անյոյզ ու անհոգ կեանքս: Հայրիկը շուկայէն պէտք եղածը կ'ուղարկէ, մայրիկը կը պատրաստէ, դո՛ւն ալ նստէ՛ ու կե՛ր. ապրի՞լ է այս:

— Աղէկ որ ի՛նքդ կ'ըսես. բացաբանչեց Մինէ ոգևորուած: Տո՛ւր ինքզինքդ զբաղմունքի մը, սկսէ՛ բանով մը լո՛ւրջ աշխատիլ:

— Ա՛, դուն ալ որ այդպէս կը խօսի՛ս. կցեց Արուսեակ ձեռքի արհամարհօտ շարժումով մը: Լուրջ բանով մը զբաղի՛լ. ի՞նչ բանով. սուներ իմ աշխատանքիս պէտք ունեցող չի կայ. մայրս հերիք է կատարելապէս. արդէն չի՛ ալ թողուր ձեռքս ջուրի դպցընեմ. և եթէ շիտակը կ'ուզես ի՛նքս ալ բնաւ ո՛չ տրամադրութիւն ունիմ. ո՛չ ալ շնորհք տնային գործերու: Իսկ տունէն դուրս ի՞նչ կը բարեհաճիս որ ընեմ, անցած օր պարոն Վահանը հօտ էր. կը ճանչնամս, դատաստու՛ն. ելեր է գլխուս հասարակական գործունէութիւն կը քարոզէ. նախ այդ գործերէն խելքս բան մը չի կտրեր. երկրորդ այսչափը գոնէ կը հասկնամ, որ պէտք է կարողանանք պատրաստութի՛ւն ունենալ. իսկ իմ կրթութի՛ւնս. տէ՛, ամենքին յայտնի բան է, մեր բոլորիս ջանքը հնար եղածին շափ փառաւոր տիպլօմ մը առնելն էր ու լեզուներ սորվիլը, սորված լեզուս մկնեբն ուտեն. իսկ տիպլօմը առի, քիչ մը պարծենցայ ու դրի զըզ-

րոցը. ալ ասկէ աւելին ի՞նչ կը պահանջես իմ ուսածէս:

Մինէ յառած ընկերոջը կը նայէր անժպտուն:

— Ինչո՞ւ զարմացած երեսս կը նայիս. կը կարծէիր այդ բոլորին իմ խելքս չի՞ հասնիր, հա՞: Գործիս անունը ի՞նչ է մինչև իրիկուն. մարդակամայ մտածելու կը սկսի: Ախ, Մինէ՛, եթէ գիտնաս ինչպէս քեզի կը նախանձիմ. զացի՛ր դուրսերը, ուրի՛շ երկիրներ, ուրի՛շ մարդիկ. ունիս հիմա քու գործդ. ազա՛տ քեզի համար, ինքդ քու գլխուդ. կ'երթա՛ս ուր որ ուզես, կ'ընես ինչ որ կը ցանկաս. առանց կարևորութիւն տալու, թէ վրադ կը խօսին, թէ կը բամբասեն, թէ ի՞նչ:

— Աղէ՛կ. քու թևդ բռնողը ո՞վ է. դուն ալ կարևորութիւն մի՛ տար:

— Ե՛ս. ժպտեցաւ Արուսեակ տարտամ:

— Ինչե՞ր կը խօսիս, ինծի պէս պարկեշտ ու ամօթխած աղջիկ մը. եթէ չես հաւտար բոլոր դրացիներուս ու ազգականներուս հարցուր. համե՛ստ ու պարկե՛շտ. հապա՛ւ:

Ես քեզի չեմ հասկնար, հողի՛ս: Արդէն քանի անգամ ըսեր եմ, որ պարզապէս ըմբռնել չեմ կրնար քու այդ փակուած կեանքը. դո՛ց ու առանձին, Երկու քաղ չես կրնար դռնէն դուրս դնել քու առանց մայրիկի, ծանօթ երիտասարդի մը հետ տեղ մը երթալու. չես համարձակիր, նոյն իսկ չես յանդգնիր փողօցը դէմդ ելնողին երեսը շիտակ մը նայելու. այդ ինչի՛ է նման. մի՛շտ մայրիկի փեշերուն ու հօրաքոյրերու գովասանքին

տակ: Է՛, հողի՛ս, երիտասարդութեան ու կեանքի սպաննուումն է այդ, ուրիշ ոչինչ: Ինչո՞ւ այդպէս կապած-կաշկանդուած կը մնաս, երբ ինքդ ծաղրանքով կը խօսիս քու «համեստութեանդ» մասին. ելի՛ր, ելի՛ր դուրս. տո՛ւր քոքիդ տակը այդ բոլոր յիմար կապերը, պառուներուդ «բարոյական» հայեացքը, տարեկիցներո՛ւդ քսու նախանձը ու դրացիներուդ ապուշ բամբասանքը:

Արուսեակ նեղնական ժպիտ մը չրթունքիս պահ մը յռեց. ու յանկարծ չոր ու կտրուկ շեշտով մը ըսաւ.

— Ինծի՛ նայէ. դուն ալ եթէ աչքդ բացած օրէն մօրդ թևին տակէն դուրս չի գայիր, դուն ալ եթէ քեզի շրջապատողներու ըսածներէն ու սովորութիւններէն զատ բան մը չտեսնէիր, դո՛ւն ալ ինծի պէս այս «փակուած կեանքը» պիտի վարէիր, ինչպէս որ կ'ըսես. այդպէս խոչոր-խոչոր մի՛ փրթեր: Դժգո՛հ լինել, տրտնջա՛լ, ի հարկէ, ուրիշ խնդիր է. բայց իրապէս մեզի շրջապատող կեանքէն դուրս գալ՝ մեզմէ՛ ոչ ոք չի կրնար մըսածեր. ի՞նչպէս դուրս գալ. և ինչո՞ւ, ի՞նչ ընելու համար. այդ բոլորի մասին ես շատ եմ մտածած: Բու վերադարձէդ առաջ ալ, այս վերջի ամիսներն ալ այդ ամէնը գլխիս կ'անցնին յաճախ, երբ այսպէս արժուկս պատուհանին հեռո՛ւն ծովուն վրայ կը նայիմ. բայց այնպէս միայն մտածելու, ժամանակ անցնելու համար, ուրիշ ոչինչ. ես ու դուն աշխարհքը չենք փոխեր, այս այսպէս եկեր է, այսպէս ալ պիտի երթայ:

Մինէ ոչինչ չառարկեց. քիչ մը ատեն եր-

կուքն ալ լուռ նստած էին իրարու դիմաց հետըզհետէ գորշացող երկնքին ու ծովուն դէմ:

Մինէ որ սկիզբը կարեկցութեամբ ընկերուհիին կը հեռակէր, քիչ-քիչ սկսաւ տարօրինակ դայրոյթ մը զգալ իր մէջ, ինքն ալ որոշ չգիտեր ինչու. բայց այդ զգացումն ալ երկար չի տևեց, ու տեղի տուաւ ներքին խրատող հպարտութեան և զօհունակութեան շոյող յուզումի մը, որ իր մտածումներուն վրայ եկաւ փոսեցաւ: Գոհունակութի՛ւն մը ինքն իր գլխուն, իր ազատ լինելէն. հպարտութի՛ւն մը իր առաւելութեան, իր արճեստին:

Եւ այդ գոյգ զգացումներու թևին տակ իր խօսուն արամադրութիւնը դարձաւ նորէն իրեն: Նախ իրենց մասին մանկութեան յիշատակներէն կը շողակրատէր. վերջը պատմեց իր հօրը հետ Օսեոս անցնելուն հանդամանքները. հոնկէ ալ թիֆլիս. իր կիմնազ մանելը, ու փանտիօնի աշխոյժ, արագահոս ընկերական կեանքը: Այդ ամէնը սկըսան թեթև իրարու յաջորդել անոր լեզուին ծայրը, ու ազջկան խօսուածքը աւելի թափ ու աւելի ջերմութիւն առաւ:

Կը պատմէր ան երկա՛ր, պատմելու անհրաժեշտ պահանջով մը, թէ և ըսածները ունկընդբին համար քնաւ նորութիւն չէին. և մանաւանդ իր ամենէն աւելի սիրած խնդրի մասին. իր հետզհետէ բեմով յափշտակուիլը. այն առաջին դպրոցական մէկ-երկու շնչին փորձերը, չըջապատողներուն գովասանքը, ետքը քանի մը անգամ սիրողներուն խուժբին մէջ, ու արդէն հոսանքը տարեր

էր: Ա՛, այն լացերը, խնդիրքները, միջնորդութիւնները, ու այն անթիւ մանր պայմանները, մինչև որ հայրը գրեթէ բռնի վերջապէս տուեր էր իր համաձայնութիւնը:

Ու Մինէ մէկ ոստումով ցատկեց Մոսկուայի կեանքին. իր առաջի տպաւորութիւններուն, ողբւորութեանը, դասերուն. այլ և նոր միջավայրի անսովորութիւնները զաւեշտանքը. լուրջ ու կատակ իրարու խառնած մէ՛կ շունչով: Յանկարծ յիշեց հօրը մահը. իր աշխատութիւններուն ընդհատիլը ամենատաք տեղը. ստիպուեր էր ձմեռուան կէսին թողնելու ամէն բան ու ետ դառնալու: Այն ի՛նչ բեկում. չէ՞ որ հարկադրուած էր ալ ձգելու իր պաշտած գործին շարունակութիւնը. ուրկէ՞ էր այլ ևս իր դրամական միջոցը: Է՛, այդ տանջա՛նքը փայտայած ծրագիրներէդ ձեռք վերցնելու երկաթէ անհրաժեշտութեան դէմ. բայց և այն անզուսպ բերկրա՛նքը, երբ ամիսներու վարանոտ յոյսերէ ու ջանքերէ վերջը յաջողեր էր կրկին ծանօթ տիկնոջ մը օժանդակութեամբ ինքզինքը նորէն Ռուսաստան նետելու:

Շատ չանցած թիֆլիս էր վերստին, արդէն աւարտած, արամադրիկ քուրսերը, արդէն բեմի վրայ: Միթէ կարելի՞ է մոռնալ այն առաջին քայլերը. կրթոտ, յուսալից, երկիւղած, բայց և ինքնագիտակից ու վստահ իր ընդունակութիւններուն: Այն տարափը համակրանքի ու յարձակումներու. այն եռո՛ւն, ալմկո՛տ, քա՛ղցր մէկուկէս տարին, բայց և այնչափ հիասթափումներով ու դառն փորձերով լեցուն, որուն վերջին օղակը

դերասաններու հիմնական պառակտումն էր եղած, ու խմբի ցրուիլը :

Այ կարգը եկաւ սպագայի ծրագիրներուն :

Շուտով վերադառնալու է արդէն Թիֆլիս, լսած է, որ հոն նոր ջանքեր կը լինին թատրոնական գործը կրկին օտարի հանելու. երևի, բան մը կը յաջողի: Իսկ եթէ ոչ, է՛, հայկական բեմէն խեր չի կայ. կը ջանայ առևտրական շնորհքով խումբի մը մէջ մանելու. կը գիմէ Մոսկուա իր ուսուցչապետի օգնութեան, որ այնքան խոստումներ տուած է իրեն, և որ այնչափ կապեր ունի ու հեղինակութիւն. հաւանօրէն բան մը գլուխ կու գայ: Եւ ո՞վ գիտէ, զուցէ շատ չանցած յաջողի մեծ բեմի մը վրայ սուր հասաատելու. դժուարը դժուար է, ի հարկէ. բոլորը խնամական հաշիւներու կապուած. և պէտք է անպատճառ ազգեցիկ թեւարկու մը ունենալ կամ բարձրաստիճան սիրեկան մը. մրցումն ալ մեծ, ամէն կողմէն գրքիկներ... բայց ո՞վ գիտէ, եթէ իրաւ իր մէջը ուժ կայ, եթէ իրօք բանի մը պէտք է: Ո՞վ ուժ ունի ու կամք՝ բաղլը անոր հետ է:

Մթնած էր բոլորովին, երբ Արուսեակի մայրը եկաւ ու վրցուց այդ ոգևորութեան շղթան: Մինէ ելաւ, հրամեշտ առաւ նախանձէն ու հրացումէն կաշկանդուած ընկերահիէն. և իր հրամարած յոյսերու օսկի կայծերէն ինքը բռնկած՝ վառուող այտերով հասաւ տուն:

— Ինչո՞ւ նորէն այնչափ ուշացար. ըսաւ մօրաքոյրը դուռը բանալուն պէս: Տե՛ս, Հրանար

հոն էր նորէն. ժամուան մը չափ կայ. քիչ մը սպասեց, տեսաւ որ մէջտեղ չի կաս, ելաւ գնաց:

Աղջիկը ամբողջ մարմնով ցնցուեցաւ. ու ակնթարթ մը սեմին վրայ կանգ առաւ ակամայ՝ «Հրանար...»

Ու իսկոյն արթընցաւ նորէն կրծքին տակ վերի ոգևորութեան թափին մէջ առժամապէս թմրած այն դգացումը, որ վերջին օրերը շարունակ սարգի ոստայնի մը թեւերուն պէս բարակ ու կաշուն գալարուած էր իր բոլոր մտածումներուն շուրջը. տեսակ մը Խնորժ յուզում, ու անորոշ երկիրդի պէս բան մը. խախտ տուող ու խրտնեցնող. դգացում մը, որուն Մինէ ո՛չ մէկ անուն չէր կրնար տար, և չէր ալ ուզեր տար:

— Է՛, ինձի համար բան մը չըսա՞ւ. հարցուց աղջիկը հանդարտութիւնը գտած, ու կամաց մը զուռը գոցելով:

— Ի՞նչ պիտի բռնէ: Հա՛, վերջը սեղանին վրայ քեզի քարթ մը ձգեց կարծեմ. գնա՛ նայէ:

Աղջիկը շտապ վառեց ծրագ մը, ու վազեց սանդուխներէն վեր:

Հիւրասենեակի ճիշդ մէջտեղը գրուած կլոր սեղանին վրայ ինկած էր աղու այցեառմար:

«Քեզի տունը հանդիպիլը հազուադիւրս բազդաւորութիւններէն մէկն է արդէն, որ ամէն մահկանացուի չէ վիճակուած: Եկայ որ խելքովս քիչ մը պտոյտի ելնենք միտտին. ինչ և է: Վաղը ճանէն վերջը տունը քեզի կըսպասեմ. նաւակնիս ալ պատրաստ կը լինի. մինչև անգամ բացառապէս կը համաձայնիմ այս անգամ ղեկավարութեանդ»

ենթարկուելու : Կնոջ մը դեկավարութեանը ենթարկուելի . . . կրնա՞ն երեւակայեր, ի՞նչ սոսկալի յանդգնութիւն ու անձնագոհութիւն է այդ իմ կողմէս . ուրեմն զո՞նս ու սրտոտութիւնս գնահատել դիտցիր, ու անպատճառ եկո՛ւր :»

Ժպիտը շրթունքին աւարտեց ընթերցումը, նստաւ մօտի աթոռին, առաւ քարթը շեղակի երկու սուր ծայրերէն մատնեմատին ու փութին մէջ, բռնեց դէմքին ու սկսաւ փչել ու դարձնել արա՛գ, շունչի ներածին չափ արա՛գ . . .

Ն.

Պառաւը պարտէզի դռան սանդուղին վրայ նստած, խոշոր պնակի մը մէջ իր գոգը դրած կանաչեղէնի անագին կոյտը կ'ըտարկէր ձեռքի փոքրիկ դանակովը : Լճու, ծա՛նր ու միակերպ :

Նոյն միջոցին էր, որ զբոսնողի հանդարտ քայլերով երեւցաւ Մինէ ծառերուն ետեւէն, յարդէ գլխարկը բռնած ձեռքը . ու ձեռքերը կապած ետին :

Նոյն հանգիստ քայլերովն ալ մօտեցաւ պառաւին, ու դէմը կեցաւ :

— Դեռ չեկա՞ւ, հարցուց վերջինը :

— Է՛, թո՛ղ, մայրի՛կ . անոր հետ գործ բռնել չլինիր . անչնորճ տղայ է :

— Քիչ մըն ալ համբերէ՛, աղջի՛կս . երեւի գործ մը պատահեր է . ինքը՛/ինծի՛ ըսաւ որ չուտով պիտի դառնայ . ան ըսածը կը պահէ :

— Մայրի՛կ, շիտակ ըսէ՛, շատ կը սիրե՞ս պղտիկ տղոգ . հարցուց Մինէ յանկարծ :

Պառաւը հայեացքը կանանչեղէնէն բարձրացուց, ու խորշոված այտերուն մէջէն այնպիսի ժպիտով մը աղջկան նայեցաւ, որ այդ տեսակ հարց տալն անգամ ծիծաղելի կը դարձնէր : Բայց իսկոյն ա՛խ մը քաշեց թեթեւ, աչքերը ձգեց նորէն պնակին, ու շարունակելով սարկելը՝ աւելցուց .

— Մե՛ղք որ հիմակուան ճահիլները քիչ մը ուրիշ ձեւի են . մարդու խելքը բան չի կտրեր : Խելացի՛, հասկըցող տղայ . փոխանակ չէ՛նք-չնորճ գործ մը բռնելու, այդ խենթ-մենթ դիրքերուն ու պատկերներուն ետեւէն է ինկեր : Խելքը միտքն ալ շարունակ դուրսերը . երեք-չորս տարին անգամ մը հազիւ երեսը կը տեսնենք մէկ երկու օր, ու հայտէ՛, կը ձգէ կ'երթայ նորէն օտարներուն մէջ, խորթ մարդոց ձեռքը . ոչ մենք խնդալ կրնանք իր վրան, ո՛չ ալ ինքը հանգիստ ապրիլ . օտարին հոգն է . մարդ միայն իրեններուն քովը ապրելու է :

Է՛, մայրի՛կ, օտարներուն մէջն ալ աղէկ մարդիկ կան, ինչո՞ւ :

— Սո՛ւս, ծուռ մըն ալ դուն . այդ բաներուն որ խելքդ հասներ՝ դուն ալ ծանր տունդ կը նըստէիր, ու դուրսերը չէիր քաշ գար : Դէ՛, լեզուս բանալ մի՛ տար . դուն դեռ աղջիկ ալ ես . մինչև վերջը այդ մունտառ դերասաններուն ու կասկէ կարած աղջիկներուն հետ :

— Ուրեմն ես հիմա կապը կտրած աղջիկ եմ:

— Դո՞ւն. Աստուած չընէ. բայց անո՞նք: Դուն դեռ անփորձ ես միայն, ու ըրածդ չգիտես, մէկ ասն որ պարտաւ ես: Հարսս, տղաս ամէնք կը դժգոհին այդ քու խաղալէդ. բայց դժգոհելէն ի՞նչ կ'երնէ. «չնորհքով մարդ մը գտէ՛ք, կ'ըսեմ, կարգեցէ՛ք ու վերջացաւ գնաց». բայց որո՞ւ կ'ըսես. հասած, միս-մինակ աղջիկ մը, ի հարկէ սիրտդ կը նեղանայ. ամէն բան իր ժամանակը ունի, ամէն տարիք իր պէտքը. քու տարիքիդ ես վեց մանչ ունէի: Երեկդ քովդ, ազաքդ փէշերուդ, ալ պարտաւ բաներու ո՛չ ժամանակ կը մնայ, ո՛չ ախորժակ:

Պառաւի այս կայտառ ու վտանհ շեշտով մը արտասանած խրատականը Մինէի վրայ դուարթ ապաւորութիւն մը կ'ընէր: Մէկ ոտու մով ցտակեց անոր քովը, նստեցաւ սանդուխի օտքը կնոջ կից, արմուկը դրաւ ծունկին, ու դուրին ալ յենելով ձեռքին, խորունկ շունչ մը առաւ, և հայեացքը պառաւին՝ ծիծաղելի լրջութեամբ մը հառաչեց:

— Այո՛, այո՛, մայրի՛կ, քու ժամանակդ մարդիկ խելացի են եղեր:

— Ապրի՛ս, աղջի՛կս, դուն ալ ես խելացի. ականջ դիր ճերմրկած կնկան խօսքերուն. թէ չէ՛, ի՞նչի է նման հասած աղջիկը առանց մարդու. հաւտա՛ ինծի, մինակ զաւակներուդ երեսէն կը խնդաս. . .

Ի՞նչ մը հեռուն, տայն կից, պարտէզի տախ-

տակէ դուռը յանկարծ ետ հրուեցաւ, և Հրանտ շտապ քայլերով դիմեց դէպ ի դոյզը:

— Հը՛, դո՞ւն ես. բացականչեց պառաւը: Ինչո՞ւ ուշացար այդչափ. աղջկան սիրտը հատաւ սպասելէն:

Մինէ առանց դիրքը փոխելու՝ ճակատին վրայէն աղուն կը նայէր:

Հրանտ լուռ մտեցաւ, ու ձեռքը անոր մեկնեց ժպտուն:

— Բարի իրիկո՛ւն. նորէն բարկացե՞ր ենք:

— Բարկանա՛լ. արդէն քու պարանոյզ հօրը իջնելը խենդութիւն է. բացականչեց աղջիկը հես: Ու յանկարծ ոտքի ցտակելով՝ աւելցուց.

— Չէ՞ որ բոլորովին պատրաստ պիտի լինելիր, նաւակը ապրսպրած, մինչդեռ հրամանքդ. ելեր ես թափառելու. ի՞նչ բանի էիր մինչև հիմա. քիչ մըն ալ որ տընտընաս՝ արեւը մարը պիտի մանէ:

— Իրացի Ֆրանսացիին մօտ էի. գործ ունէինք, խօսքս կէս ձգել չէի կրնար. հրամաններդ բոլորը կը կատարուին. նաւակը ապսպրուած է արդէն. քու սիրած ճերմակ մակոյկդ. ես ալ այս վայրկեանէս ամբողջովին քու տրամադրութեանդ տակը. ուրեմն. . .

Պատասխանեց Հրանտ կտոր-կտոր, կեղծուած պաշտօնականութեամբ մը. և յանկարծ ծիծաղելով քաշեց ուժով մը աղջկան թևէն դէպ ի տուն. ու հոնկէ ալ քանի մը վայրկեան վերջը փողոց:

— Իսկ դո՞ւն, շտտո՞նց է որ եկեր ես. հարցուց ճանապարհին:

— Հրամանն'ր ես, ժամ մը կայ, անշնորհք մարդ:

— Խեղճ Մինէս, ձանձրացեր ես, կ'երևի:

— Է՛, ճիշդ խօսելով՝ ո՛չ այնչափ. գոնէ մամանակս կարծածէզ աւելի օգտակար կերպով անցաւ. նախ մօրաքոյրս սորվեցուց ինձի վարունկը թթու գնելու ամենալաւ եղանակը, վերջն ալ մայրիկը՝ երջանիկ լինելու ամենաշիտակ ճամբան:

— Մի՞թէ. կարելի չէ՞ այդ դաղտնիքին ինձի ալ մասնակից ընես. ո՞րն է այդ ճամբան:

Պահ մը առանց պատասխանելու քալեց Մինէ տղուն քովէն. ետքը թեթեւ մը ճակատը կընճուելով՝ ըսաւ կէս-լուրջ, կէս-կատակ.

— Ահա ա՛յս, որուն վրայէն մենք հիմա կը քալենք:

— Վա՞յ:

Ու երկուքն ալ, այս չափով ետ քաշուեցան այդ հարցէն:

Նաւալարը երբ իր սովորական յաճախորդին մօտենալը տեսաւ, ճերմակ մակոյկը քաշեց նեղ ու փոքրիկ նաւամատոյցին, և ինքը չօքելով տախտակին վրայ բռնեց մակոյկի եզերքէն, որ ղոյզը դիւրութեամբ մէջը մտնէ:

... Մակոյկը արդէն շատոնց անցեր էր Ֆէնէն-Պանչէի փարոսին տակէն, ու քիթը շիտակ դէպի արեւելքի ցամաքը ուղղած առաջ կը սահէր, մի՛շտ կիսավայրի ափին զուգահեռական:

Իրիկուան արեւը նարինջի կարմիր մը քսեր էր տեղ-տեղ ծովու անձուփ այտին, որու շիկնոտ ցոլացումներուն տակ ողողուած՝ Մինէ անփոյթ ու

մեղկ դիրքով մը փուռեր էր դեկին անկիւնը, փոքրիկ ու ցած նստարանի թիկունքին. մէկ ձեռքը գիրկը. դեկին չուանները բռնած, մինչ ձախը մինչև արմուկը մերկացուցած մակոյկի եզերքէն ջուրին մէջն էր կոխէր. ու աչքերը կէս մը դոց՝ կ'երգէր մեղմ ձայնով:

Ռուսերէն ոսմանս մը:

Եւ Հրանտ կը ծըռէր ու կ'ողողուէր թիերուն հետ գուզընթաց. բոլորովին մեքենարա՛ր, լճու, տեսակ մը հմայուած թիերու կանոնաւոր ճողբիւնէն ու ծլծլող կաթիլներու ակորժալուր դաշնակումէն: Եւ այդ հողեկան կաշկանդման մէջէն անյագ աչքերով կը գննէր մաս մաս իր դէմը փուռած ընկերուհին. անոր սղորկ նուրբ ու ճերմակ դաստա՛կը, որ նաւակի սուր եզերքին վրայ թեթեւ մը ծալք էր տուեր. անոր քօքէթ մը սեղմուած քօրտէէն դուրս ցայտող իրանը, որ իր երգին հետ կ'ելէջէր. անոր՝ չըջագգեստին տակէն հետաքրքիր դուրս նայող իրարու վրայ ինկած փոքրիկ անհանգիստ ոտքերը. ու անոր շահանակի մաղերուն կարճ գանգուրնի՛րը, որոնք ամէն կազանքի անհնազանդ, յարդէ լայնեղբ գլխարկին տակէն ամէն ուղղութեամբ անոր քունքերուն ու ճակտին վրայ կը գալարէին:

— Նա՛, ուսումնասիրութեանդ արդի՞ւնքը. ինդաց աղջիկը յանկարծ երզը կտրելով, երբ տղան վերջապէս գլխու ծանր դարձումով մը հայեացքը ծովուն ձգեց:

Հրանտ ժպտեցաւ միայն:

— Զգէ՛ թիերդ ու եկո՛ւր քովս. մե՛ղք ես:

հոտ արեւը աչքերուդ մէջն է շարունակ. եկո՛ւր, քով քովի քիչ մը բանաստեղծութիւն խաղանք նորէն. սա՛նկ գլուխս նորէն ուսիր:

— Ո՛չ, ո՛չ. պատասխանեց աղան իսկոյն կտրուկ ու վախցած. և առանց դիտնալու ինչու թիերուն չափը արագացուց:

— Այդպէս լո՛ւրջ, հա՛, հա՛, հա՛. ծիծաղեցաւ Մինէ բարձր ու ամբողջ կրճ.քովը:

Ափի ժայռերը ու ծերպերը ձայնակցեցան աղջըկան՝ անոր ծիծաղին ամէն մէկ շեշտը կրկնելով ու երեքնելով հաւատարիմ:

Հրանտ աւելի՛ լրջացաւ.

— Ինծի նայէ՛, Մինէ՛, մեր ըրածը վտանգաւոր խաղ է:

Ու ձայնը դողաց:

Աղջկան սիրտը սեղմուեցաւ. բայց իր յուզումը ընկճելու ջանքով նորէն սկսաւ անսանձ ծիծաղիլ: Այս ծիծաղը ալ առաջուանը չէ՛ր սակայն. արձագանքն անգամ չիւնծու կը հնչէր:

— Ես լուրջ կը խօսիմ, Մինէ: Վերջապէս պէտք է մեր դիրքը հասկընանք, թէ չէ կեղծ քողարկութեան կարիք չկայ. պա՛րզ է, որ մեր ըզգացումները շատոնց են սկսած բարդուիլ. ու մեր յարաբերութիւնը քանի կ'երթայ այնչափ տարօրինակ կը դառնայ. այդպէս չէ՛:

— Ենթադրե՛նք թէ. վե՛րջը. հարցուց աղջիկը աչքերը կծկելով:

— Վերջը ա՛յն, որ մեր վարժուանքը բացարձակապէս անմտութիւն է: Միթէ՛ ինքը համոզուած չե՛ս, որ ինծի հետեիլ չե՛ս կրնար, որ մենք չենք կրնար իրարու կապուիլ:

Աղջիկը գլուխը հակ՝ ջգուտ շարժումով մը շեկին թելը մատին էր փաթթեր:

— Եւ աւելի՛ն կայ: Ես քանի խորը կը մտածեմ, այնքան ինծի կը թուի, թէ իսկապէս մեր փոխադարձ զգացումներուն մէջ կեղծ բան մը կայ. ճշմարիտ զգացումը ո՛չ այս տեսակ երկարաբարակ հաշիւներ ընել զիտէ, ո՛չ ալ այդ հաշիւներուն դէմ կանգ կ'առնէ: Մենք իրար չենք սիրեր, Մինէ՛. և եթէ՛ կ'սուգես ինծի համար շատ հասկընալի է, որ մենք իրար չենք ալ կրնար սիրեր: Իմ խելքս իմ գործերուս վրան է, քու բոլոր էութիւնդ դերասանութիւնդ է խլած. ի՛մ զբաղումներս քեզի համար օտար է, քո՛ւ ուղեղդ արող աշխատութիւններն ալ ի՛մ շրջանակէս դուրս. մէկ խօսքով՝ ես գիտութեան մարդ եմ, դու՛ն արուեստի աղջիկ: Իսկ հիմա մեր մէջ դարձածը կէ՛ս մը փամբարութիւն է, կէ՛ս մը զգացումի պատրանք. համաձայն չե՛ս:

— Կատարելապէ՛ս. եղաւ աղջկան վերին աստիճան հանդարտ ու յստակ պատասխանը:

— Ուրե՛մն...

— Ուրեմն . . . այդչափ արագ թիափարելու պէտք չի կայ:

Հրանտ նեղորտած ուսը ցնցեց:

— Այսօր երևի ձախ կողմէդ ես անկողնէն ելեր: Զգէ՛ թիերդ, կ'ըսեմ քեզի, ու քո՛վս ելուր: Այդպէս աւելի յարմար կարելի փիլիսոփայութիւններ ըսել, եւ թէ՛ լսել:

Ու նեղ նստարանին վրայ մէկ կողմ քաշուելով՝ տեղ բացաւ.

Հրանտ, իրա՛ւ, թիերը ձգեց. բայց փոխանակ անոր նստարանը անցնելու՝ դժգոհ դէմքով մը նետուեցաւ նաւակին յատակը աղջկան մօտիկ, արժուկը յենեց միայն անոր նստարանին, ու հայեացքը յառեց ծովուն:

Տղու այդ ընդոտտ շարժումէն մակոյկը ուժով ճոճուեցաւ ու բարակ կոճակներու երկար շարքեր՝ կարծես վախցած՝ սրարչաւ սկսան փախչիլ նաւակին երկու կողքերէն:

Դէ՛, հիմա շարունակէ՛, տեսնեմ, քու տափակ դոտողութիւններդ. ըսաւ Մինէ՛՝ ձեռքը կամաց մը անոր ուսին դնելով:

Տղան միշտ լ՛ուռ. նստած էր անշարժ՝ դէմքը անդին դարձուցած. ու ճի՛գ մը միայն նկարուած էր իր պինդ խածած ծնօտին, զսպուած շնչառութեան ու բռունցքներու ամուր կծկումին վրայ. ճի՛գ մը աէր մնալու իր ուռող զգացումներուն որոնք դուրս յորդել կը ձգտէին:

— Հա՛. ի՞նչ ես յանցաւոր երախայի պէս աչքերդ վար կախեր. թէ՞ խիղճդ մաքուր չէ դուցէ. մէյ մը ինձի նայէ՛, տեսնեմ. շխտակ, աչքերուս մէջ, այդ քու խելացի աչքերովդ:

Թեթե մը բռնեց սղուն դունչը, ու անոր դէմքը իրեն դարձուց:

Ինչ կար Մինէի հայեացքին մէջ, սղան չի հասկցաւ. միայն յանկարծ ամէն մտածում թռաւ գլխէն, բարձրացաւ քիչ մը մակոյկին յատակէն, ինկաւ դէպի աղջիկը. թաղեց դէմքը անոր կուրծքին մէջ, ու զոյգ թևերուն բոլոր ոյժովը անոր մարմինն գալարեցաւ:

Աղջիկը դիմադրութեան չնչին շարժում մը անդամ չըբաւ. գլուխը ինկաւ ետ, թարթիչներուն ճեղքը փոքրացաւ, խածաւ վարի շրթունքը ու տոգունեցաւ:

— Աւելի աղէկ է անցնինք նորէն փիլիսոփայութեանդ. հծծեց վերջապէս անուժ ժպիտով մը՝ սղու ճմլումին մէջէն հազիւ խօսիլ կարողանալով:

Եւ Հրանտ նո՛յն բուռն թափովը, որով աղջրկան էր փարեր, ետ քաշուեցաւ նորէն, ու ծունկերուն վրայ նստած՝ կրթընեցաւ նաւակի կողքին:

— Կը տեսնե՞ս, կը տեսնե՞ս հիմա ինքդ, որ ալլ ես այսպէս շարունակել անկարելի է: Ես ալ չե՛մ կրնար քեզի հետ քուզէն ու քուզին խաղար. ալ չե՛մ կրնար խեղդեր զգացումներս կատակի մը կամ սրախօտութեան մը մէջ, երբ ներսս ամէն բան տակնուվրայ կը դառնայ, երբ սիրտս խենթի պէս մէջս կը թըփրուտայ:

— Ա՛խ, զգացումներու պատրանք:

— Մինէ՛, ինձի նայէ. հաւտա՛, որ այս քանի տեսն է ո՛չ շնորհքով աշխատիլ կրնամ, ո՛չ ալ սեղ մը հանգիստ մնալ. ո՛չ ուղածս կը հասկնամ, ո՛չ զգացումներս: Չէ՛. այս ապուշ վիճակը ես շարունակել չեմ կրնար. չե՛մ ուզեր:

— Սակայն ինչո՞ւ այդ բոլորը. չէ՞ որ մենք իրար չենք սիրեր. չէ՞ որ մենք իրար չենք ալ կրնար. դուն գիտութեան մարդ, ես արուեստի աղջիկ. ի՛նքդ կ'ըսէիր:

Ու այս ըսուած էր անշարժ պահուած դիմա-

զրծերուն մէջէն ներքին անգուսպ յաղթական հեշտանքով մը :

— Է՛ն, չգիտե՛մ, Մինէ՛, ինչ ըսելս ինքս ալ չգիտեմ, ցաւն ալ հոս է :

Պահ մը մնաց անշարժ, ու ապա հանգիստ, մեղմ ու անըջոտ ձայնով մը շարունակեց՝ կարծես իր մտածումներուն մէջէն :

— Բայց ի՛նչ կեանք կը լինէր. քու սրամիտ ու չարածճի հոգիդ միշտ աշխատութեանս սեղանին շուրջը, քու ժպիտդ ու քրքրիչ սենեակներուս մէջ. հոն եւրոպական կեանքին մէջ, մի՛շտ ձեռք ձեռքի... :

Ու մէկէն կրքի բուռն զարկով մը դարձաւ, խից աղջկան զոյգ ձեռքերը, և աչքերը անոր մոլոր հայեացքին սեւեւած՝ վրայ տուաւ խայտաջող շեշտով :

— Եկո՛ւր, Մինէ՛, եկուր. թո՛ղ ալ խաղն ու թատրոնը մէկգի. ինչի՛դ է պէտք այդ բոլորը, ի՛նչ երջանկութիւն կրնայ բերեր, բեմը քեզի : Եկո՛ւր, Մինէ, եղբ՛ր կեանքիս ընկերուճին, եղի՞ր կեանքիս ժպիտը :

Աղջկան դէմքը տարօրինակ ծամածռութիւն մը հագեր էր. կարծես լար պիտի. շնչատութիւնը քիչ մը կանոնաւորել ջանաց նախ, ու ձեռքերը կամաց մը ազու ջզուս սեղմումէն աղատելով :

— Ե՛տ դառնանք. հո՛ծեց նուազկոտ ձայնով :

Տղուն թափը կտարուած՝ ելաւ հանդարտառանց ոչինչ ըսելու անցաւ իր տեղը ու թիերը վերջուց :

Նաւակը դանդաղ կիտաշրջան մը ըրաւ իր առանցքին վրայ ու ետ ձամբայ ինկաւ :

Մինէ շրթունքները պինդ սեղմած, ձեռքերը գոլը նստեր էր իր անկիւնը. տեսակ մը ամփոփուած, կծկուած դիրքով, կարծես հնար եղածին չափ քիչ տեղ թռնելու համար : Հայեացքը սահեր, դամուեր էր հեռուն Մարմարային բացերը ցոյցըլուն կէտի մը վրայ. կուրծքն էր միայն, սր դեռ միշտ անհանդարտ ու բարձր կը շնչէր :

— Երբէ՛ք, երբէ՛ք, ա՛յդ գնով, երբէ՛ք. հնչեց վերջապէս իր թող գողգոջուն ու մտածումներուն մէջ խեղդուած ձայնը :

Հրանտ ոչինչ շառարկեց. ո՛չ իսկ դիմադձեւրու թեթեւ ցնցում մը, միայն թիերը փոխանակ իրենց կանոնաւոր թաքտովը ջուրը պատուելու յանկարծ ձողբեցին մակերեւոյթէն կոթիւներու ամբողջ բուռ մը նաւակին վրայ սրսկելով :



2.

Կուշանար դուռը բացուելու :

Օհաննէս նորէն քաշեց զանգը, քիչ մը աւելի ուժովն, և այդ սպառման ժամանակէն օգտուելով՝ հովանոցը զարկաւ անութին տակ, ծոցի տուփէն պատրաստ սիկառ մը հանեց, դբաւ ակոսներուն մէջ, ու լուցկին բռնկցուցած վառելու վրայ էր, որ դուռը բացին :

Բացողը ինքը որբեւայրին էր :

— Բարե՛ւ, Սուրբիկ :

— Օ՛, բարե՛ւ :

— Շողենաւս փախցուցի, կէս ժամուան չափ պէտք էր սպասել, ըսի՛ երթամ քենիիս, ինծի ազուոր սուրճ մը կ'եփէ :

— Աւղածդ այդ լինի՛. քալէ՛ ներս :

Ու դուռը գոցեց :

— Մինէն տունը չէ՞ :

— Ա՛խ. տունն է. պատառիանեց կինը ձայնով մը, որ աւելի հառաչ մըն էր քան խօսուածք :

— Հը՞. ի՞նչ է պատահեր նորէն :

— Տո՛ւնն է, տո՛ւնը. կրկնեց կինը ցաւակնոտ ու յուսաստ գլխու շարժումով մը.

Սւ աւելցուց :

Սրդէն այս երկու օր է բնաւ դուրս ելած չունի. Հրիտեմ նորէն ի՞նչ է տեսեր. գոցուեր է սենեակը, կա՛մ կը կարդայ կա՛մ դերը կը սովորի : Ա՛խ, ես ի՞նչ ըսեմ անոր հօրը. առաւ տարաւ դուրսերը, ձգեց ինքն իր խելքին, ամէն ուղածը կատարեց. ի՞նչ է՝ աղջիկը ուսումնական լինի, ա՛նա՛ քեզի ուսո՛ւմ. կարդա՛ ու կարդա՛, դեր ու դեր : Այսպէս մէջէմէջ կը փչեն դլխուն. ալ հետը խօսիլ չլինիր. իր տետրակներէն դատ աչքին բան չերեւար : Քալէ՛ վեր, ինքդ աչքերովդ տես :

Ու միասին սկսան սանդուղներէն բարձրանալ :

Սանդուղի գլխէն լսուեցաւ Մինէի ձայնը :

Չգուշ քայլերով մօտեցան սենեակի կիսաբաց դրանը :

Գիրքերով ու թերթերով բեռնաւոր սեղանի մը քով՝ նստած էր որբեւայրի տաս-տասներկու տարեկան թուխ աղջիկը, ու տետրակ մը ձեռքը բռնած յուշարարի պոչուծոն կը կատարէր. մինչ Մինէ կը կրկնէր բարձրաձայն նոյնը՝ սենեակին մէջ անբեղհատ երթեւեկելով՝ ձեռքի ու դէմքի՝ դերք պահանջած շարժումներով :

— « . . . Այս դժո՛խք է սրդէն, ի՞նչ կեանք. ո՛չ, ես խօսիմ պիտի կապալառուին հեա :

— « Հետեւանքը ինծի ի՞նչ, թող . . . » օգնեց Դոքրիկ յուշարարուհին :

— « Հետեւանքը ինծի ի՞նչ. թող լինի, ինչ որ կ'ուզէ. միթէ ուրիշները ինծի մտածեցի՞ն, միթէ ուրիշները ինչայեցի՞ն ինծի . . . »

— Բայց գոնէ դո՛ւն պէտք է քեզի ինչայես, նչեց դուան մէջէն Օհաննէսի խնդացող ձայնը :

Երկու աղջիկները մի'անգամէն ետ նայեցան :

— Ա՛հ, բեռայրս, բացականչեց սեւաչեւոց յուշարարուհին մարդուն դէմը վազելով :

— Բնդի խանդարեցի, կարծեմ, նկատեց վերջինը՝ պարզելով ձեռքը Մինէին :

— Ա՛, փոյթ չէ՛, աւելի աղէ՛կ. արդէն պէտք էր քիչ մը դադար առնէինք : Խեղճ Արաքսիո յոգնեցաւ արդէն : Դէ՛, ազուորի՛կս, դնա հիմա քիչ մը շունչ ա՛ռ, իսկ առաջիկայ ներկայացումէն վերջը ալ աչքս նայէ՛ :

Ու քմծիծաղ՝ մէկ ձեռքը աղջկան ուսին դրած՝ միւսովը սկսաւ անոր սեւ մաղերը շոյել մեկամաղ-ձոտ քնքշութեամբ մը :

— Իսկ դուն ի՞նչքդ, չե՞ս յողնած. հարցուց մարդը :

— Ա՛խ, ե՛ս. ըրաւ Մինէ ձեռքը թափ տալով : Դէ՛մքին տարտամ ժպիտ մը թուամեցաւ, ու պահ մը մտածելէն վերջը՝ տաք-տաք վրայ տուաւ :

— Յոգնի՛լ. աւելի՛ աղէ՛կ : Անվերջ, սենեակիդ մէջ կ'երթաս ու կուգաս, կը կրկնես խօսքերը, շարժումները. առկէ որ ձանձրացար կը նստիս կարգալու. տե՛ս, հոս թափուած են ամսադիրերս, թատրոնական թերթերս. պէ՛տք է, պէ՛տք, հետեիլ շարունակ, թէ՛ դուրսերը մեծ բեմերուն վրայ ի՞նչ կայ, ինչե՛ր կը դառնայ անոնց խաղերը, անոնց քննադատութիւնները՝ թէ՛ չէ մարդ իսկոյն ետ կը մնայ, կը կտրուի աշխարհքէն, ու չորցած ընկոյզի պէս կը կրճկուի իր կեղևին տակ : Հապա՛. աշխատիլ, յողնիլ, զբաղուիլ շարունակ. այդպէ՛ս պէտք է. թաղուիս

քու արուեստիդ մէջ. ապրիս ու կեդրոնանաս միայն քու դործովդ. որով ինքնին այլ ևս ժամանակ չի մնար ամէն տեսակ կողմնակի պահանջներով հոգիդ անհանգիստ ընելու. ո՛չ անխորհուրդ մտածումներ, ո՛չ այրող, անհեռեանք զգացումներ : Դուն չգիտես. այսպէ՛ս, այսպէս աղէկ է :

Ու անփոյթ, ուժասպառ շարժումով մը ինկաւ քովընտի աթոռի մը վրայ, թւերովը գրկեց աթոռին թիկունքը, ու վերին ծնօտի ակունները դրաւ աթոռի ձողի սուր եզերքին :

— Բայց ինչո՞ւ համար, աղջի՛կ. մէջ ինկաւ արկինը տեսակ մը խնդրող ու յանդիմանական ձայնով : Ամէ՛ն բան իր չափը ունի, պէտք է մարդ վերջապէս ինքզինքն ալ մտածէ ու իրենները. այդ խենթի պէս . . .

— Ա՛խ, մօրաքո՛յր, ինձի հանգիստ ձգէ՛. գիտես որ պարապ բան է. մենք իրար չենք հասկընար :

Ու անհամբեր թուաւ ողքի :
— Չգիտե՛մ. չհասկնալու ի՞նչ կայ. անգամ մը տարուեր ես այդ խելառ դործովը. քեզի խելքէ հաներ են, ու ալ տուն, ընտանիք, քու կիսներդ, ոչինչ աչքիդ չերևար : Օտարներու քէֆին համար կ'ելնես բեմը կը խաղաս, հոգիդ կը հանես, իսկ քեզի սիրողներուն վրայ հոգդ անգամ չէ : Գոնէ այսքան տանջանքիդ փոխարէն մէջտեղ շահ մը լինի. առա՞ծդ ինչ է. քանի մը փարա մէջէ՛մէջ. ան ալ բոլորը այդ դո՛յն-գոյն թերթերուն, ու խենդ ու խելառ հագուստներուն կ'երթայ. մեզքը չե՞ս, երիտասարդութեանդ մեղքը չէ՞ :

— Մօրաքո՛յր, հողիդ սիրես, վերջ տո՛ւր. ազաչեց Մինէ ձանձրացած, ու այդ քարոզներուն վարժուած համակերպող շեշտով մը.

— Ի՛նչ վերջ տամ, երբ դու ինքդ քու օգուտըդ չես հասկնար: Աղջի՛կ, միշտ այդպէս գեղեցիկ ու կրիտասարդ չես մնար. վերջը շա՛տ կը դըժաս, բայց ալ ձեռքդ չիյնար: Նա՛, Օհաննէս, գիտե՛ս Համբարձուժեանին պատմութիւնը. ի՛նչ չէնքով-չնորհքով, հարուստ, պատուաւոր, նստած մարդ. անխելք աղջիկը այսօր որ քիչ մը քիթը կոտրէ, վաղը մարդը նշան պիտի բերէ: Դուն անոր արտաքին անտաշութեանը մի՛ նայիր. դուրսեցի է, իրա՛ւ, քու զէվզէկներուդ չի նմանիր, բայց ոսկի սիրտ ունի:

— Եւ ոսկի ալ գրպան. ամենէն ազէկը. կցեց քեռայրը խնդալով:

— Որ քու զէվզէկներդ չունին. աւելցուց որբեայրին: Աշխարհքը հիմա ոսկիով կը դառնայ. խե՛նդ աղջիկ, քեզի քու թատրոնէդ ալ կ'ազատէ, այս տանջանքներէն ալ. կ'ապրիս ուզածիդ պէս, հարո՛ւստ, առա՛տ, փա՛ռք ու պատիւ:

Մինէ սկսաւ ջղաձգօրէն խնդալ, շնչատող, ճեծկատուքի քոյրը, բուռն, հիւանդ ծիծաղով մը:

— Է՛, դուն որ քու ազէկդ ուզողը չես ձանձնար: Խնդա՛ դուն. օր մը այս խօսքերս միտքդ կու գայ, բայց շատ ուշ:

Ու մէջքը կապած գոգնոցին թեկէն բանալիներուն տրցակը ուժով մը դուրս քաշելով՝ սենեակէն ելաւ:

— Ի՛նչ կ'ըսես այս փոքրիկ կատակերգու-

թեան. հարցուց վերջապէս աղջիկը լուսթիւնը խզելով:

— Անկեղծ խօսելով՝ մօրաքրոջը ըսածներուն մէջ չիտակ բաներ չատ կան. ա՛յ, օրինա՛կ, որ այդ արհեստը ո՛չ մէկ դրական շահ չի բերեր:

— Ծա՛ն, իսկոյն յայտնի է, որ պանքի պաշտօնեայ ես. իմ փնտուածս շահ չէ:

— Հապա՞, եթէ կարելի է հարցնել: Փա՛ռք, գուցէ: Է՛, արժէ՞ այդ մանրադիտական փառքին ետեւէն վազել մեր այս ողորմելի կեանքին մէջ, մեր խեղճուկ թատրոնին վրայ. թէ՛ հոս, և թէ՛ հո՛ն՝ այդ քու կովկասդ: Ձէ՞ անցած օր դուն ինքդ կը գանգատէիր, և հիմա ելեր ես այդ տեսակ հասարակութեան մէջ փա՛ռք կը փնտուես:

Մինէ գլուխը կրծքին ձգած՝ նստեր էր գրասեղանին առջևը, ու ջղաձգօրէն ծայրը կոտրած մատիտի մը հետ կը խաղար:

Իսկ խօսակիցը գո՛հ իր խօսքերու թողած տպաւորութենէն՝ նոյն թծնովը շարունակեց.

— Եւ վերջապէս ի՛նչ կեանք է ինքնին այդ մեր հայ թատրոնի գնչու գոյութիւնը. այսօր կայ, վաղը չի կայ. անվերջ գրկանքներ, ներքին մանր կռիւներ, աղտոտ անձնական հաշիւներ, նախանձ, իրար վրասելու, իրար կոտորելու զգուելի էնդրիկներ, մեծամտութիւն, գեղարուեստի պակաս, բամբասանք. և ալ ի՛նչ գիտնամ, փա՛ռք Աստուծու, այս բոլորը քու սեփնական բառերդ են:

— Ամէն գործ իր անխորժ կողմը ունի: Այդ քու ըսածներդ ու իմ տրտունջներս ամէն ժողովուրդի ու ամէն ժամանակներու թատրոնա-

կան կեանքին անբաժան մասն է: Իր կոչումովը ողևորած մարդուն այդ անհաճոյ կողմերը շատ ծանր չեն կշռեր:

— Կոչում. ի՞նչ կ'ուզես ըստ դուն. միայն գիտցի՛ր, որ իրաւունքը մօրաքոյրերուդ առողջ բնազդինն է. պատուաւոր ու նրբազգաց աղջկան մը դերասանի կեանքը չի՛ յարմարիր. պարապ բան է: Ես ալ կը դովեմ քեզի, քու կրթութիւնդ, քու ընդունակութիւններդ. բայց այդ շնորհքը ու ուժդ, շիտա՛կը, արժէ, որ աւելի վսեմ, էական ու սուրբ բանի մը գործադրես:

— Վսե՛մ, սո՛ւրբ. հեզնեց աղջիկը շրթունքներն ու վիզը ծռելով: Երևի, կ'առաջարկես, որ Համբարձումեանի մը անկողնին բարձերը շտկեմ, նաակիլէին կրակը վառեմ ու անոր շապիկները կարկտեմ, հա՛մ:

— Տե՛ս, ընտանիքի մասին այդ լեզուով խօսիլդ անգամ անսլայել է: Այսքանը պի՛նդ համոզուած եղիր, ո՞ր կողմ ալ որ դառնաս, կնոջ գործունէութեան իսկական առանցքը ընտանիքն է: Տանը տիրուհին, իր զաւակներուն մա՛յրը, ամուսնին ուրախութի՛ւնը. ա՛յդ է իր կոչումը, իր սո՛ւրբ, իր միա՛կ կոչումը:

Որբւայրին ամուսնի մը մէջ սուրճը բերաւ ու դրաւ խօսողին առջևը, և ինչպէս որ խօսողը գէ՛մքով ներս էր մտեր, նո՛յնպէս ալ դուրս ելնել կ'ուզէր. բայց չդիմացաւ ու դռան մէջէն դարձաւ քրօջը մարդուն:

— Թո՛ղ, աւելորդ տեղը սիրա կը հասցընես: Ան ամէն լրագիր գրողի ամէն զէ/ղէկ խօս-

քին կը հաւտայ, մինակ իր ազգականներուն համար ականջ չունի. չէ՞ որ մենք իրեն գէշը կ'ուզենք:

Ու սեմէն դո՛ւրս, իսկ Մինէ ըսաւ կտրուկ:

— Ինծի նայէ՛. թէ կնոջ կոչումը ընտանիքն է, թէ ընտանիքը սուրբ է կամ վսեմ, ատոնք այն տեսակի հարցեր են, որոնց մասին քեզի հետ վիճելու հիմա բնաւ արտօժակ չունիմ: Այսքա՛նը միայն ըսեմ, որ ես իմ արուեստս սրտանց կը սիրեմ, և որը ինծի համար շա՛տ ու շատ աւելի սուրբ է ու վսեմ:

Օհանէս վայրկեան մը լուռ սկսաւ սուրճը խմել, կարծես ինչ պատահականելիքը կը փնտռէր: Վերջը դաւաթիկը դրաւ փոքրիկ պնակին մէջ՝ ու աւելցուց շոյող ձայնով մը.

— Դու հոգեպէս բարձր կիին մը լինելը. քու գուտ կանացիութի՛ւնդ ալ ճիշտ ա՛յդ կէտին մէջ պիտի երևայ, որ ընտանեկան կեանքի սիրուն զոհես նոյն իսկ քեզի համար ամէնէն աւելի թանկ ու արժէքաւոր երեցած բանը:

— Իսկ եթէ չզոհե՛մ:

— Ա՛խ, դատարկ խօսք է. վերջ ի վերջոյ զոհես պիտի:

— Մի՛թէ. ինչէ՞ն գիտես:

— Որովհետեւ կիին ես: Արդէն ըսի. կնոջ մը համար իր բոլոր մտածումներն ու ձգտումները իր սիրած մարդուն ու տանը համար զոհելը իր կանացի բնութեան ամէնէն գեղեցիկ դիմն է, կնոջական ամենագրաւիչ հրապոյրը, իր հոգիին մեծութիւնը: Կնոջ մեծութիւնը իր անձնազոհութեան մէջն է:

Մինէ յանկարծ ցատկեց ոտքի, ու սկսաւ սենեակին մէջ վազվըզել՝ բռնի ու չոր խնդուկով մը:

— Հոս խնդալու ի՞նչ կայ, հարցուց մարդը պարմացած:

Հիանալի է, հիանալի. ճիշտ էրիկ-մարդու դատողութիւն: Ի հարկէ ձեր հաշուին կու գայ դարերով կինը ձեր գերին էք դարձուցեր, ամէն իրաւունք, ամէն ազատութիւն խլեր էք իր ձեռքէն. կապեր էք բերանը դնչկալով, ոտքերուն փաթթեր էք այս երկար փէշերը. և հիմա ալ որքիչ մը սկսեր է աչքերնիս բացուիլ, քիչ մը շարժուելու կ'ըսկսինք՝ ա՜նձ՝ ձեր այդ բարոյական փատած իտէալներով, դէժերնիս պատ քաշել կ'ուզէք. կարծես անհամար հանրային ու տնտեսական արգելքները հերիք չեն մեզի: Անձնագոհութիւն. ի հարկէ ձեր հաշուին կու գայ, որ կինը շարունակ միայն ձեր գլխուն շուրջը կը դառնայ, միայն ձեր մասին մտածէ, զո՞նէ ձեզի համար ամէն բան. ե՛ւ զբաղում, ազատութիւն, ե՛ւ շարժում, ե՛ւ կեանք՝ Իսկ դ՞ո՞ւք, ա՛, դուք տէրերն էք, ի հարկէ՛ դուք միայն պիտի պահանջէք. ու ձեր այդ կոպիտ պահանջին անունը դրեր էք կանացիութեան զագաթնակէտ: Կ'սոջ մը ամենամեծ առաքինութիւնը, ի՞նչպէս չէ:

Մինչև հիմակուան խօսակցութիւնը երկուքի համար ալ մտննաւոր նորութիւն մը չունէր, այդ ուզութեամբ յաճախ էր մէջերնին խօսք անցած. միայն խօսքի այս վերջին դարձուածքը նո՛ր էր բոլորովին, նո՛ր նոյն իսկ իրե՛ն աղջկան համար, որ ինքն ալ որոշ չէր գիտեր, թէ այդ ի՞նչպէս իր

սրտէն դուրս խուժեց: Իսկ Օհաննէս բոլորովին չուարած, լայն բացուած աչքերով կը նայէր անոր:

— Մի՛շտ, մի՛շտ մենք ամէն զո՞նողութիւն. անգամ մը վարժուեք էք պահանջելու. մինչ ինքնիրենդ ամենաչնչին զրկանք մը անգամ յանձն առնել չէք ուզեր: Ի՞նչո՞ւ, ի՞նչո՞ւ անպատճառ մենք, Ո՛չ:

Այլ ևս մօրաքրոջը մարդուն հետը չէր որ կը խօսէր Մինէ, այլ ինքն իրեն հետ. երկու օրէ ի վեր շարունակ իր գլխուն մէջ շուռ եկող հարցերուն ու վարանումներուն պատասխանն էր, որ տալ կ'ուզէր. պատասխանը Հրանտի առաջարկին, որ իր բոլոր ճիգերուն հակառակ ո՛չ մտնայ, անդին նետել կրնար, ո՛չ վճռել ու համակերպիլ:

— Մինէ՛, այսօր քիչ մը չափէն աւելի տարօրինակ ես. պատասխանեց վերջապէս Օհաննէս: Ի՞նչ գերութիւն, ի՞նչ կապաղք. գիրքերէ առնուած, միակողմանի. թեթեամիտ բաներ են ատոնք. խակ ու զեղներէ փչած բաներ: Արդէն քանի անգամ ըսեր եմ, քեզի խօսքով համոզելը դժուար է. կեա՛նքը քեզի համոզէ պիտի. ու այն ատեն ինքդ պիտի տեսնես, որ այդ բոլոր ըսածներդ օրէ խօսքեր են լոկ: Իսկ ես մեր իրական աշխարհի մասին կը խօսիմ՝ անկէ դուրս խելքս շատ հեռուն չի կտրեր: Ի՞նչ և է. ո՛ւն. շոգենաւիս ալ ճիշտ ժամանակն է. նորէն չի փայտընեմ: Դէ՛, ըսածներուս վրայ մտածէ, կարելի է քիչ մը զոնէ համոզուիս:

Ու ժամացոյցը գրպանը կոխելով՝ սանդուղներէն վար շտապեց:

Մինէ պահ մը քարացած կեցեր էր սենեակին մէջտեղը, մէկ ձեռքով միւսի արմուկը դրկած ու միւս ձեռքը դէմքին. մինչ հայեացքը դամուեր էր դետին՝ դորդի շրջանակներէն մէկուն ճիշտ կեդրոնը:

Յանկարծ նետուեցաւ դուրս, կանչեց շտապ Արաքսին, նստեցուց սեղանին առջևը, ու վերսկրտաւ տեղդոտ ածապարանքով դերը սերտելու:

Բայց հաղիւ քանի մը նախադասութիւն արտասաներ էր, որ կանգ առաւ պատուհանին տակ, ու աչքերը երկնքի մաքուր կապոյտին մէջ սուղած՝ առանց նկատելու կտրեց դերին թելը:

Յուշարարուհին օգնեց. կրկնեց անգամ մըն ա՛յ. սպասեց քիչ մը. բայց Մինէ կանգնած էր անշարժ պատուհանին յեց. կոնակը աղջկան, անձայն, անծպտուն:

Դէ՛, չըսե՛ս. բողոքեց Արաքսի համբերութեանէն ելած:

Մինէ քունէն յանկարծ արթնցողի մը ընդոտ շարժումովը դարձաւ ետ, նայեցաւ շուրջը, աղջրկան, ու կտարած մոլորուն ձայնով մը հծծեց:

— Գնա՛, Արաքսի՛, գնա՛, ալ հերիք է այսօր:

Աղջիկը կէս-ուրախ, կէս-ապշած հեռացաւ:

Իսկ Մինէ գլուխը կախած կրծքին, ձեռքերը մէջքին կապած, անվերջ կը դառնար փոքրիկ սենեակին շուրջը. իր բոլոր մտածումներն ալ գաղափարի՛ մը շուրջը:

«Ի՛նչո՛ւ, ի՛նչո՛ւ անպատճառ մենք...»

Է.

Մօտայի բարձր ծովափին, ուր ցամաքը սեպ վար կ'իջնէ ջրերուն գիրկը, եզերքէն քայլ մի միայն հեռու, սրճարանի աթոռներէն մէկուն վրայ նստած էր Հրանտ անհանգիստ թևը յենած քովի սեղանին, բռնած գաւաղանին կոթը շրթունքներուն, ու ոտքը նետած ոտքին վրայ, որը անհամբեր կ'երերցընէր:

Մինէէն առտուն երկտող մըն էր ստացեր, որ հո՛ս ա՛յս ժամին իրար հանդիպելու ժամադիր էր եղած: Ու հիմա անոր կ'ըսպատէր:

Կ'ըսպատէր ու կ'ըզզար, որ այս իրիկուն վճռական ըսն մը պատահելու էր արդէն: Վերջին երկու օրը, գրեթէ ամէն ժամ յուսացած էր Մինէի դարձին. շա՛տ աղէկ կը հասկնար, որ աղջիկը իր վերջին խօսքը դեռ չէր ըսած:

Յտե՛ւը, գետինը ցանուած խիճերուն վրայ լսուող ամէն ոտնաձայն աղուն գլուխը ետ նայելու կ'ստիպէր: Երբ այդպէս անգամ մըն ալ ետին դարձաւ, զգաց յանկարծ, սիրտը բոլոր ուժովը սեղմուեցաւ:

Մինէն դեռ հեռուն սեղաններուն շուրջը հայեացք մը նետելով՝ նշմարած էր երիտասարդը, ու աթոռներուն մէջէն դէպի ան կ'ըշտապէր:

Մութ-կանանչ ու բժաւոր շրջագգեոտ մը հաղած էր, մօտաւորապէս նոյն գոյնի փոքրիկ հո-

վանոցը անութին տակ. ու դուրսն ալ՝ ճերմակ պարէտ մը գանգուրներուն վրայ ճմրուտած :

Սովորական ժպիտը շրթունքին՝ մօտ եկաւ. միայն դէմքը քիչ մը տփզուռնած թուեցաւ աղուն :

Հրանտ առանց տեղէն ելնելու՝ ձեռքը մեկնեց ընտանեբար :

— Տե՛ս, այսօր ալ դո՛ւն ուշացար : Նստէ՛ : Ու դէմի աթոռը մատնանիչ ըրաւ :

— Չէ՛. աւելի աղէկ է ելիր երթանք շրջելու. պատասխանեց Մինէ՛՝ մօտակայ սեղանին շուրջը շարուած խուճրին վրայ դժգոհ ակնարկ մը ձգելով :

Տղան առանց այլևայլութեան կանչեց մանչը, վճարեց ու աթոռներուն խուանը մէջէն դուրս ելան միասին :

— Ի՞նչ էիր թաղուէր նորէն մտածումներուդ մէջ. խօսք առաւ Մինէ : Երևի նորէն մեծ ուղեղին թելերը կամ... :

— Ոչ, այս անգամ բանաստեղծներուն աւելի սիրեկան օրկանի մը թելերուն վրայ կը մտածէի :

— Վայ, այսինքն :

— Այսինքն սրտի մը, այն ալ որոշ սրտի մը, անպէտք, աւելորդ սրտի մը. քո՛ւ սրտիդ :

Մինէ քմծիծաղ տւաւ .

— Այդ ի՛նչ քնքուշ անուններ ունիս եղեր քու ուղեղիդ թելերուն մէջ իմ սրտիս թելերուն համար : Եւ ի՛նչ կը մտածէիր, տեսնե՛ք, այդ անպէտք սրտի մասին :

— Կը մտածէի որ... ի դուր տեղը բնութիւնը այդպէս սիրուն պատեանի մէջ է դրեր այդ աստիճանի անշնորհ սիրա մը :

Ու ձեռքի հարևանցի շարժումով մը աղջկան անջը մատնանիչ ըրաւ քովընտի :

— Գուցէ իրաւունք ունիս. բնութիւնը այդ վարդի սխալներ երբեմն կը գործէ : Ա՛յ, օրինա՛կ, քու այդ ընդարձակ դուռնուդ տակ միթէ աւելի օգտակար ուղեղ մը չէ՞ր կրնար գետեղեր :

Հրանտ խնդաց :

— Ոչի՛նչ. այսօրուան մեր փոխադարձ հաճոյախօսութիւնները պէտք եղածէն աւելի չորոքորթիչ են :

— Կարելի է քու ըրածդ հաճոյախօսութիւն էր, չգիտե՛մ. բայց դոնէ ես լուրջ էր խօսիմ : Գանի՞ ստակ արժէ այդ քու դարգացած գըլուխդ, երբ ատկէ խե՛ր մը, ուրախութիւն մը չի կայ ո՛չ քու կիներուդ ո՛չ քեզի սիրողներուն և ո՛չ ալ քու ժողովուրդիդ :

Չսպուած ժպիտով մը ու կրծկած թարթիչներով տղան շե՛շտ անոր կը նայէր. և աղջիկը կարծես աւելի գրգռուեցաւ .

— Ի՛նչ քիթդ-բերանդ կը ծըռծըռես. սո՛ւտ է քսածս : Առանց ատոր ալ կարծես շատ մարդիկ կան մեր հասարակութեան մէջ բանի պէտք եկող և ա՛ն՝ քեզի պէս քիչ շատ պատրաստուած ու՝ մերն ալ կը ձգեն կ'երթան ուրիշ ժողովուրդներու համար աշխատելու. կարծես Գերմանիադ քեզի շատ կարօտ է մնացեր. քեզի-պէսները լեցուն են հոն. քու ընելիքդ հոն ոչինչ է գրեթէ, իսկ հայ հասարակութեան մէջ դուն ահագին դեր կրնաս խաղար :

Թէ և այս բոլորը աղջկան սովորական խօսելու ու դատելու եղանակին շատ չէր նմանէր, բայց և այնպէս Հրանտի համար մեծ անակրնկալ

մը չեղաւ: Մասնաւոր սրատեսութիւն մը կարիք չէր գուշակելու համար, որ այդ տոհմասիրական արչաւանքը ինքնին երկրորդական խնդիր էր ու միայն ճամբայ կը բանար ետեւէն գալիքին. նո՛ր նուագի մը նախերգը:

Բայց և այնպէս Հրանտ լսել չի կրցաւ, ու լուրջ չեղտով մը պատասխանեց.

— Ինքզ անշուշտ ամէնէն առաջ համոզուած ես. սիրելի՛ս, որ ատոնք թէև սիրուն, բայց անտեղի դատողութիւններ են միայն: Ես մեր հասարակութեանը մասնաւոր օգուտ մը չունիմ, չիտակ է. սակայն հոտ ո՛չ առաւելութիւն կայ, ո՛չ պակասութիւն. եթէ հասարակութեան անունով ինձի մեղադրելու ես ելեր, պէտք չէ մոռնաս, որ այդ հասարակութիւնը չի կրնար իմ ուժերս ու իմ բնդունակութիւններս գործադրել, ամէն մարդ ամէն բանի պիտանի չէ. ինձի հետաքրքրողը, ինձի զբաղեցնողը իմ մասնագիտութիւնս է. հոտ է, որ ես ոչ թ մըն եմ, ուր ես ու և է գործ տեսնել կրնամ. իսկ մեր աղքը ո՛չ կարողութիւն ո՛չ ալ կարիք ունի իմ բնախօսութեան օգտուելու, դեռ շատ աւելի տարրական պահանջներ կան հոս պակաս.

— Դէ՞. իմ ըսածս ալ ճիշդ այդ է. ա՛յդ կարգի գիտական գործի մը ձեռնարկէ՛. ինչո՞ւ անպատճառ բնախօսութիւն. ի՞նչ նեղ մտածմունք է այդ:

— Զգիտե՛ս ինչ կը խօսիս. Մինէ:

Ու լսեց. լսեց աղջիկն ալ խոժոռած:

Ճամբան նեղցաւ. մէկ կողմը բնդարձակ

պարտէղի մը հինկէկ պատն էր. միւս կողմը ծովու բարձր ժայռոտ եզերքը, ուր մէկ-երկու փայտե ձողով վանդակ էր շինուած վտանդի առաջը աւնելու համար: Եւ այդպէս պատի ու ծովու դատարկութեան մէջ սեղմուած ճամբան հո՛տ ոլոր կու գար՝ դուխը ջուրին մէջ երկընցուցած հըրուանդանի մը երկըր կազմելով:

— Ուրեմն մասնագիտութիւնդ այդ աստիճան կը սիրե՛ս. հարցուց յանկարծ Մինէ՛ կանգ աւնելով ծովուն դէմ, ու բռնեց վանդակորմի կիսափուտ փայտէն:

— Զարմանալու ի՞նչ կայ. առանց իմ աշխատանքիս ալ ի՞նչ խորհուրդ ունի կեանքս:

— Եւ ո՛չ մէկ ուրիշ աշխատութեան հետ չե՛ս փոխեր:

— Փոխել, այդ շապիկ չէ՛, հողի՛ս: Տարիներու ճի՛գ, կեդրոնացո՛ւմ, ոգևորութիւն. ինչպէ՞ս թէ փոխեմ. և ինչո՞ւ:

— Ուրեմն ո՛չ մէկ պայմանով:

Հրանտ միայն քննող աչերով նայեցաւ անոր: Արև չի կար այլևս. հրդեհ մը կար միայն ոսկի բոցերով, վե՛րը ամպերուն մէջ. հրդեհ մըն ալ վա՛րը, խո՛ր, ծովու յատակին վրայ:

Իրենց բարձունքէն, աչքերը ծովու այդ հնոցին յառած՝ Մինէ անշարժ մնաց ակնթարթ մը:

Իր բոլոր մտածումները մէկ հարցի մը վզին էր դալարած հիմա. լարւած, կծկւած հարցի մը, որ սաստիկ լարումէն յանկարծ իրթող զսպանակի մը պէս իր պատեանէն դուրս ցատկեց.

Ո՛չ ալ ի՛մ երջանկութեանս համար. ի՛մ ու թո՛ւ :

Աղջկան դէ՛մքն ալ հրդեհ կար. վարդէ բոցեր կ'այրէին հոն վա՛ռ. կը վառէին և աչքերը :

Հրանտ աւելի մօտեցաւ. ափը կամաց մը դրաւ անոր ձողը բռնած ձեռքին վրայ, ու յուզումէն դողացող ձայնով մը կցեց.

— Մինէ՛, պարզ խօսէ՛ տեսնեմ. ի՞նչ կուզես ինձմէ :

Աղջիկը սիրտ առաւ, ամբողջ դէմքովը դարձաւ աղուն ու աղաչող չեչտով մը վրայ տուաւ :

— Հրանտ, հաւտա՛ ինձի, գիտութիւնը գիտութիւն է վերջապէս իր բոլոր ձիւղերուն մէջ. ամէն աշխատանք ալ՝ աշխատանք. ա՛յո ձեռով չեղաւ, թող լինի՛ միւս ձեւի տակ. այդ փոքրիկ զո՞րդ դուն կրնաս բերեր ինձի. այդ դեռ դո՞ն ալ չէ՛. Կովկաս դուն կրնաս լուրջ գործ գտնել. դի՛րք ալ, դե՛ր ալ : Եւ փոխարէնը պահանջէ՛ ինձմէ ալ ինչ որ կ'ուզես ամէն զո՞ն պատրաստ եմ ես քեզի, միա՛յն մի՛ հեռացներ ինձի իմ բեմէս, ձեռք մի՛ տար արուստես. այդ անկարելի է :

— Դէ՛, ես այդ գիտէի. և ճիշտ ատոր համար ալ այս բոլոր խօսակցութիւնը աւելորդ է : Արդէն այդ էր պատճառը, որ ես մինչև վերջերը ամէն կերպ աշխատեցայ քեզի հետ այդ մասին խօսք բանալէ խուսափելու. նաւակին մէջ իմ վարձուէնքս աղայամտութիւն էր : Քուզէն և քուզին. կէս-լուրջ, կէս-կատակ. ատկէ անդին անցնելու չէինք. իմ յիմարութիւնս : Լսէ՛, Մինէ՛, մեր մէջ եղած կապին արդելքը ո՛չ իմ արտասահ-

ման ապրելու անհրաժեշտութիւնն է, ո՛չ ալ քու հոս կամ կովկաս կապուած լինելը. այդ արտաքին դժուարութիւնները ո և է կերպ հարթելը անհնարին չէր :

— Ուրե՛մն ... բացաղանչեց աղջիկը յոյս առած :

— Մինակ իսկական արդելքը քու դերասանուհի լինելը է. դերասանուհի մը չեմ կրնար ես իմ կեանքիս ընկեր ընել. այդ ի՛մ կարողութեանս վե՛ր է :

— Ա՛խ, ուրեմն դո՛ւն ալ. նոյն իսկ դո՛ւն. պոռաց աղջիկը թեւերն ու աչքերը բանալով :

Բայց իսկոյն թուլցած, դառն ու հեգնական չեչտով մը աւելցուց.

— Ի հարկէ՛. անպատիւ, ինկած, ստորին արարածի մը հետ. դերասանուհի՛ ...

— Է՛, Մինէ՛ս, այս վայրկեանին գոնէ դերասանութիւն մի՛ ընելու Դուն շատ աղէկ գիտես իմ թեր ու դէ՛մ հայեացքներս՝ քո՛ւ ալ, քու գեղարուեստիդ մասի՛ն ալ. ուրեմն զարապ խօսքերը մէկդի : Սակայն ինչքան ալ որ այդ ամէնը գնահատել կարողանամ, ինքս անձա՛մը չեմ կրնար դերասանուհի մը հետ կապուիր :

— Այո՛, փտա՛ծ գաղափարներ, կը հասկընամ. բայց ատոր համար այսքան տարիներ Եւրոպա թափառելու պէտք չունէիր :

— Անուանէ՛ ինչպէս որ կ'ուզես. փաստը ա՛յն է, ես չեմ կրնար տեսներ քեզի բեմին վրայ ամենքի գիտակներուն տակ, ու քու լիսներուն հակը շարունակ այդ դերասաններու ու «յարդող»

պարոններու շրջանակին մէջ, որոնց մասին եթէ շատ խտէպական գաղափար մը չունիմ, անշուշտ ինծի չես մեղադրեր: Գուցէ ծիծաղելի է այս խանդոտութիւնս. գուցէ նոյն իսկ փտած, ինչպէս կ'ըսես, ու կիրթ գրացումներու չի վայլեր. չգիտեմ. այդ բոլորը ես ալ եմ խորհած, բայց խորհելէն ոչինչ չեմ ինչ, ժառանգական բնազդներու է փաթթուած:

Մինէ յառած հայեացքով կը նայէր վա՛ր ժայռերու խումբի մը մէջ, ուր երկու գլխաբաց փոքրիկներ մինչև ազդրները հաղուստնին վեր ժողւած՝ մտեր էին ջուրին մէջ ու բաներ մը կը փնտռէին: Մինէ անոնց կը նայէր անթարթ, առանց ոչինչ տեսնելու:

Հրանտ շարունակեց.

— Եւ վերջապէս դուն քանի բեմի վրայ ես քու ուշադրութեանդ, տենչերուդ ու գգացումներուդ մեծազոյն մասը հո՛ն է ու հո՛ն պիտի լինի: Իսկ ես, ո՛չ, չեմ կրնար բաւականանար որտի մը մնացորդ բեկորներովը ու կրքերուդ կիսատ թափթըփուքներովը: Այդ իմ կազմս է անգամ մը, իմ էութիւնս: Եւ ճի՛շտ այդ կէտով, քիչով չբաւականանալս է պատճառը, որ ես մինչև հիմա ապրեր եմ միտ-մինակ. կը հասկընաս՝ դուն ինչ է՝ խոչոր քաղաքի մը անկիւնը կոծղի մը պէս միայնակ: Եւ հիմա՛, երբ սիրտս յորդ, երջանկութեան երազներով քու դիրկդ կը վաղեմ, ահա՛ դուն կու գաս ու այդ դերասանութեանդ խրտուիլակութեանդ մէջ կը նետես: Եւ կ'ըսես թէ ինծի կը սիրես, սիրել. այդպէ՛ս կը սիրէ կինը: Է՛, մինչև

հիմա ես ալ կը կարծէի, որ անտարակոյտ բռնեա պիտի պարզած ձեռքս. ի՛նչ լուրջ վարանում կըրնայ գոյութիւն ունենար սիրող կնոջ մը համար իր սիրած տղուն ու արուեստի մը մէջ: Բայց հիմա՞ . . . հիմա ա՛լ պարզ է ինծի. քու սէրը քսածը գգացումներու խաղ մըն է միայն, ժամանց մը գուցէ. դուն չես կրնար սիրե՛ր. յափշտակութեամբ բռնկելու ու ձօնուելու կանացիութիւնը նուազեր, մարեր է սրտիդ մէջ՝ աւելի ո՛յժ ու դիմացկունութի՛ւն տալու համար քու արուեստի ձգտումներուդ, կինը հալեր է քու մէջդ ու այդ հալուածքէն ձուլուեր է դերասանուհին . . .

— Մ.խ. ի՛նչ անդուժ ես. լուծուեցաւ ազըղկան շշուկը իր սեղմըւած ծնօտներուն մէջէն:

— Հրանտ աղամայ կտրեց խօսքին թելը, ու չնչառութիւնը ճնշուեցաւ. կեցաւ անշարժ բոլոր միկանները կծկած, առանց դէմքը ծովէն դարձրնելու:

Երկնքի բոցերը յանգեր էին արդէն. ու դորչացած ամպերը վերը մոխրակոյտ մըն էին հիմա, նախորդ հրդեհին մնացորդը. մոխրակոյտ մըն ալ վա՛րը ծովուն խորքը:

Մինէ՛ որ նոյնպէս անշարժ կեցած էր՝ իր ներքին փոթորիկը խածած ակունքերուն տակ զսպել ջանալով, յանկարծ ձուեցաւ, ժողվեց փէշերը ու տենդոտ հապճեպով կ'ուզէր հետանալ

— Ո՛ւր:

Պոռաց ազան խենդի պէս, ոստումով մը կասաւ ու բռնեց պի՛նդ անոր թևէն:

— Թո՛ղ ինձի, թո՛ղ . շընչեց աղջիկը ազա-
տեւ փորձելով :

— Վշտացա՛ր, Մինէ՛ . ի՞նչ ըսի որ . ներէ՛ .
հաւտա՛, որ սրտիս ցաւէն է միայն : Ներէ՛, մի՛
երթար, ա՛լ չե՛մ խօսիր, ալ չե՛մ վշտացնեմ :

Աղջկան պրկուած թևը թաւլցաւ . թեք ինկաւ
թեթեւ մը պատին, կախեց գլուխը, հայեացքը
գամեց գետին . վերջը քիչ մը բարձրացուց նորէն
ու ըսաւ անշեշտ ձայնով մը, կարծես երազի մէջ
ինքնիրենը խօսելով .

— Իրաւո՛ւնք ունիս, բոլորովի՛ն իրաւունք
ունիս . էրիկ-մարդիկդ արդէն միշտ իրաւունք
ունիք . դո՛ւն ալ, եղբայրդ ալ . դո՛նը մենք պիտի
տանք, միա՛յն մենք . ալ կը վախնամ ես քեզմէ .
դուն իւելքէ՛ հանես պիտի ինձի . ա՛խ, դո՛ւք,
ոչի՛նչ, ոչինչ իննայիլ չգիտէք, ոչինչ հասկընալ
չէք ուզեր :

— Անգի՛նս, թո՛ղ պարպ խօսքերը մէկդի .
ի՛նչ դո՛ն . սէրը փոխադարձ նուէր մըն է միայն .
և ամենաթանկագինն նուէրը . որ մարդ կրնայ
ընեմ . ինքզինքը՛, իր անըջած երջանկութիւնը,
իր սրտին թրփրուտուքը . ա՛ռ, Մինէ՛, ա՛ռ այդ
բոլորը քեզի, քեզի ընդմի՛շտ, ու եղի՛ր իմ :

Ու անոր միւս ձեռքն ալ խլելով՝ սկսաւ բո-
լոր ուժովը սեղմել :

Հովանոցը վար սահեցաւ Մինէի անութին
տակէն : Թևերը յանձնած աղուն, աչքերը աղու-
բոցոտ ու տենջոտ հայեացքին մէջ մաքնիսացած՝
Մինէ կը դողար . կը դողար ու կը ժպտէր իր
կամքին հակառակ, տեսակ մը վերացած ժպիտով :

Ու իր խառնակ, իր ալ դժուա՛ր խլրտող մտա-
ծումներուն մէջէն միայն մէ՛կուն դեռ որոշ կը
գիտակցէր . «պէտք է փախչի՛լ, փախչի՛լ» :

— «Փախչի՛լ, փախչի՛լ» . կը կրկնէր դեռ ան
իր մտքին մէջ անընդհատ, երբ Հրանտ աղջիկը
կրճքին քաշած ու պինդ փարած անոր մարմինն
անձրևի պէս համբոյր կը տեղար այտին ու շրթ-
թունքներուն :

— Դուն ի՛մս ես, Մինէ՛, ի՛մս . ալ չեմ թող-
նեմ քեզի թևերուս մէջէն . կը փափսար իր տաք
չունչովը անոր դէմքին :

Աղջիկը յանկարծ սկսաւ հեծկտալ :

Ու Հրանտ անմիջապէս բաց թողուց աղջիկը
գիրկէն . գունատ ու խճրճուած կանգ առաւ
դէմը, թևերը անոր պարզած, առանց ինչ ընելը
գիտնալու :

— Մինէ՛ . . . հնչեց վերջապէս իր վախցած,
աղաչող, ու շուար ձայնը :

Ու Մինէ արագ, վճռական շարժումով մը
աչքերը սրբեց ձեռքովը .

— Լո՛ւէ՛, Հրա՛նտ, ես քու սիրուդ արժանի
չեմ . ձգէ՛ հեռանամ : Համողուէ՛, որ ես չունիմ
քու սպասած քաջութիւնը այսքան ժամանակ
փայտայած ձգտումներս, ողբորութիւնս, հա-
կումներս վատահ ձեռքով մէկդի նետելու . և այդ
վատութիւն, դա՛ւ կը լինէր վերջապէս ինքս
ինձի, իմ անուրջներուս դէմ : Ո՛չ : Զգէ՛ հեռա-
նամ . պէտք ունիմ առանձին ամփոփուելու . դուն
իմ մտածելու հիմքերս անգամ տակնուվրայ պիտի
ընես . ձգէ՛, ձգէ՛ . . .

— Ո՞ւր. և արդէն մո՛ւլթ է. դոնէ՛... .

— Կ'աղաչե՛մ, թո՛ղ. եթէ կաթիլ մը յարգանք ունիս դէպի ինծի:

Տղան քարի պէս մնաց պատին տակ, ու խելառ արաւայտութեամբ կը նայէր աղջկան ետեւէն, որ երկու ձեռքով կրծքին սեղմած դեմքէն վերցուցած հովանոցը՝ արագ կը հեռանար. ու շուտով ալ աներևոյթ եղաւ պատին կորութեանը ետև:

Մուլթը արդէն իր մանուածքը փաթթելու էր սկսեք պատէն վար կախուած թղենիի մը լայնատերեւ ճիւղերուն մէջ որոնց տակը կեցած էր հիմա Հրանտ՝ ամբողջ թիկունքով պատին կրթընած. ո՛չ մէկ շարժում. զգացումները բեկուած ու խառնակ, մտածումները ցրիւ ու անորոշ:

Օերուկ մը իր գաւազանին յեց՝ ծանր քայլերով եկաւ անցաւ անոր առջևէն՝ անխնդհատ հաղալով. ու հեռացաւ:

Օտակէն կախուող մութին թելերը խառցան, խճրճուեցան, ու հարեցուցին իրենց մէջ տղուն մարմնին դժերը:

Ու ծովն էր միայն վարէն, որ թանձրացող խաւարի խորհրդաւորութեան մէջ կուգար իր կիսաձայն տրտունջները մուսլ ժայռերու ձերակոյտին ոտքը դնելու:



Բ.

Մինէ՛:

Ու որբեայրին ալ անհամբեր սանդուղներէն շտապեց վեր՝ ետ հրեց Մինէի սենեակին դուռը:

— Աղջիկ, խուլցե՛ր ես. ժամ մըն է քեզի կը կանչեմ վարէն:

Մինէ յոգնած շարժումով մը կուրծքը բարձրացուց քիչ մը բազմոցին վրայէն, և աջ արմուկին կրթընելով՝ հարցական դէմքով մը դարձաւ դէպի դուռը:

— Ի՞նչ ես փուկեր նորէն քիթիդ-բերնիդ. այդ ալ նոր մօտա՞ հանեցիր: Քալէ՛ շուտ վա՛ր. նայէ՛ ով է եկեր. պիտի ուրախանաս:

— Մ՞ով պոռաց աղջիկը վախի ու յուզման քացաղանչութիւնով մը:

Ու մէկ ոստումով ցաակեց ոտքի՝ զոյգ ձեռքով ձախ ոտքինը սեղմած:

— Ինչո՞ւ վախոցար. խենթ է այս աղջիկը: Պարոն Գրիգորիկն է. նամակ է բերեր քեզի: Շուտ իջի՛ր վար. ես գործ ունիմ վերը:

— Ախ. ըրաւ աղջիկը խոր շունչ մը առնելով. կէ՛ս մը հանդարտած, կէ՛ս մը հիասթափ:

Եւ չիփակին մէկ երկու քակած կոճակները կոճկելով՝ սանդուխներէն վար իջաւ :

— Ա՛, բարև ձեզի, ազնիւ օրիորդ. երևի խանդարեցի. կը ներէք :

— Ամենևին. պատասխանեց աղջիկը անտարբեր :

— Չէ՛, մի՛ ծածկէք. օրիորդ, ձեր դժգոհութիւնը : Չէ՞, ես ինքս անձնական փորձառութեամբս դիտեմ. մուտաներու այցելած պահուն մահկանացուներու այցը աւելի քան անտանելի է : Ես գիտեմ այդ թանկագին վայկեանները զընահատել. ես ուզեցի ձեր նամակը թողնեմ ու հեռանամ, բայց բոլոր ջանքերս ապարդիւն անցան ձեր տիկին մօրաքոյրը համոզելու, որ ձեր զբաղումը չի վրդովէ : Անա՛ այս ալ նամակնիդ. Փիթիկորսքէն է :

Ու ծոցի զրպանի դէզ մը թուղթերուն մէջէն փոքրիկ նամակ մը հանելով՝ ներկայացուց անոր :

— Կը ներէք, ըսաւ վերջինը ծրարը պատուելով :

— Խնդրե՛մ, խնդրե՛մ :

Ընթերցումը երկար չի տևեց :

Մինէ՛ նամակը ծալլեց նորէն, անցուց ծրարին մէջ ու նետեց կից սեղանին վրայ :

— Ըստ երևոյթին, դժգոհ մնացիք. նկատեց տղան :

— Է՛. ո՛չ. ընկերուհի մը, պատասխանեց աղջիկը անփոյթ՝ դէմքն ու ուսերը սնցելով :

— Յամենայն դէպս չէր արժեք որ ձեր աչխատանքը ընդհատէիք :

— Իմ աշխատանքս. հեղնեց Մինէ :

— Ա՛ն, եթէ դիտնաք, օրիորդ, որչափ կը հետաքրքրուիմ այդ մասին բան մը լսելու. քանի որ է ձեզի տեսնելու բազմը չեմ ունեցած. ինչո՞վ էք հիմա զբաղւած :

— Ինչո՞վ եմ զբաղւած :

Կրկնեց աղջիկը մտացիր. վայրկեան մը պիչ նայեցաւ սեղանին վրայ ինկած նամակին. և վերջը դառն երգիծանքով մը աւելցուց :

— Նոր դե՛ր մը կը սորվիմ :

— Նո՞ր, մի՞թէ, ի՞նչ դեր է այդ. և որո՞ւ երկը :

— Ա՛խ, հեղինակը, երկրորդական է այդ. իսկ խաղը ինքը բաւական արտառոց բան մըն է : Երևակայեցէ՛ք դերասանուհի մը, որ կը սիրէ կը սիրէ ճշմարիտ, ո՛չ թէ այնպէս միայն բեմին վրայ հանդիսականներու զուարճութեան համար, այլ կը սիրէ ի՛ր, իր սեփական զգացումներուն յագուրդ տալու համար. յիմարութիւն չէ՞ : Բայց ամէնէն դաւեչտականը այն է որ միևնոյն ժամանակ իր արուեստէն ալ չուզեր ձեռք վերցընէ. և այդ կը պահանջեն իրմէն :

— Ը՛նը, կըմբռնե՛մ. փոտած հայեացքներու ներկայացուցիչ մը իր սիրեկանը. վերջը :

— Վերջը. դէ՛. ալ կրնաք ձեզի պատկերացըներ այն երկասյրի, հակասական ու ջլատող զգացումները, որ անվերջ կը յաջորդեն իրարու, կը ձնչեն. տակնուվրայ կ'ընեն կուրծքս :

— Չե՛ր կուրծքը. հարցուց երիտասարդը, կէ՛ս զարմացած, կէ՛ս սրախօսելով :

— Այո՛, խաղի գլխաւոր դերը իմ վրաս է : Մտածեցէ՛ք անգամ մը այդ բոլոր հիւանդոտ տեսարանները, այդ ներքին երկուութիւնը, այդ շուար ու պառակտած մտաւանջութիւնները, այդ ապուշ, վարան ու անհետեանք տատանումը մէկ անջ, մէկ ձախ : է՛, դուք ինչ գիտէք այդ անտանելի շարչարանքը . մարդ կրնայ խելագարի . իսկ հասկցող ոչ ոք կայ . ոչ ո՛ք դիմացինի հոգին ըմբռնել կ'ուզէ . բայց այդ վայրենի, տմարդի, անխիղճ բան է բռնել մէկը ու շխտակ դժոխքին մէջը նետել . դժոխքի՛, դժոխքի՛ . . .

Ու երկու ձեռքով դէմքը գոցած չոր հեծկըլտանքով մը քովի աթոռին վրայ ինկաւ :

— Օրիո՛րդ . . . Օրիո՛րդ Մինէ . ի՛նչ ունիք, ի՛նչ եղաւ ձեզի . կ'ուզէ՞ք, կանչեմ ձեր մօրաբայրը . կը կմկմար տղան բոլորովին վախցած ու շփոթած :

Ազջիկը յանկարծ ցընցուեցաւ, ձեռքերը իջեցուց ու սկսաւ ամբողջ կրծքովը խնդալ . ջղոտ, բանազբօսիկ, ուժասպաս ծիծաղ մը :

— Մօրաբոյրս կանչելու պէտք չի կայ, բարեկամս, միթէ՛ չէ՞ք տեսներ, որ դերս կը խաղամ . տեսարաններէն մէկէն կտոր մընէ այս . հիւանդոտ բան չէ՞ :

— Սակայն գիտէ՛ք . օրիո՛րդ, դուք երկնքի պարզեւած շնորհները շարաշար կը գործածէք . պատասխանեց տղան կարկամ դէմքով մը :

Մինէ բուռն շարժումով մը ոտքի թռաւ նորէն :

— է՛, թողէ՛ք այդ : Եւ ըսէ՛ք ինծի՛ արդ-

եօք չէի՞ք ցանկար փոքրիկ պտոյտ մը ընել հետս . ամբողջ օրը տունէն դուրս ելած չեմ . սիրտս նեղ է :

— Սակայն ամենայն սիրով, օրիօ՛րդ . ձեր այդ առաջարկը ինծի համար պատի՛ւ մըն է, փա՛ռք մը, երջանկութիւն մը :

— Կը ներէ՛ք ուրեմն, որ քանի մը վայրկեան ձեզի առանձին ձգեմ ձեր երջանկութեան մէջ, քանի որ առանց գլխարկի և զգեստներու այդ պատիւն ու փառքը ձեզի շնորհել չեմ կրնար :

— Ա՛, ձեզի համար ես պատրաստ եմ սպասելու մինչև աշխարհիս գոյութեան վերջը :

— Նո՛ւ, այդչափ չեմ ուշանար :

— Իսկ ես այդ միջոցին կ'աշխատիմ մտքիս մէջ որոնելու շրջակայքի ամէնէն գեղեցիկ վայրը, ուր ձեզ առաջնորդելու արժանի գտնեմ :

— Ուղեգնիդ ի դո՛ւր անհանգիստ մի՛ ընէք, կ'երթանք դէպի Մօտա . այն կողմերը ես աւելի կը սիրեմ . վճռեց ազջիկը կտրուկ ու սենեակի սեմէն դուրս սլացաւ .

Կէս ժամու չափ վերջը՝ Մինէ ու Գրիգորիկ ծուռ ու մուռ փողոցներուն մէջէն դէպի Մօտայի ծովեզրը կը դիմէին :

Ազջիկը իր լայն գլխարկին ու թանձր քօղին մէջ կորսուած գլուխը քիչ մը առաջ հակած՝ կը քալէր աղուն քովէն . տեսակ մը խիստ լուրջ դիմադճերով : Մինչ Գրիգորիկ գուարթ ու դոն, հիանալի արամաղբութեան մը մէջ ամբողջովին լեզու էր կտրեր :

Փողոցին ծայրը ծովը երեւնալուն պէս՝ խօսքը ձուլուն վրայ դարձաւ :

— Մո'վը . ա' , այդ իմ մոլութիւնս է , օրիո'րդ :

Աւազափի խշրտուն խիճերուն մէջ ես կը սիրեմ՝ ժամերով լուռ թափառիլ , աչքերս սեւեռած ծովի ծաւի ծալերուն , մինչ ալեակներուն շողոքորթ ծուփը ականջներս կը գրգռէ : Չգիտեմ . կարծես միաքս բռնկել կ'ըսկսի հո'տ , բո'ց առնել , բո'ց ու թեւե'ր . ու կը սաւառնի հեռո՛ւ , ու բա'րձր՝ կեանքի չնչին հողերէն , տափակ իրականութեան ժանդոտ ու պաղ շղթաներէն . կը ցընդին օրուան մանր հաշիւները , գրասենեակին տաղտուկը ու տետրակներուն թիւերը : Վե'ր , վե'ր դէպի երեւակայութեան եթերէ գաւառները , ուր խտհալներն են . ուր դեղեցկութիւնն է , ուր Փօեզին . դէպի այդ անորոշ , տարտամ , խուսափուկ պատկերները , դէպի անըջանքներու օրօրուն հմայիչ աշխարհը , ուր քնքուշ ու անուշ պատրանքներու ողբները կը շրջին հովիկի մը պէս թեթեւ , ստուերի մը պէս աննիւթ : Հեռո՛ւ , հեռո՛ւ այս առօրեայ չոր ու անհրապոյր բուսական կեանքէն : Է՛ , երանի՛ ձեզի , օրիո'րդ որ շարունակ գեղարուեստի մէջ կ'ապրիք ու շարունակ գեղարուեստի համար :

Մինէ ժպտերես՝ կողմնակի կարեկցոտ հայեացք մը ձգեց իր ընկերակցին վրայ :

Ու ելան Մօտայի սրճարանին առջեւը :

— Եկէ՛ք այս կողմ երթանք դէպի վեր . ըսաւ աղջիկը անտարբեր հնչել ուզող ձայնով մը ու նախորդ օրուան Հրանտի հետ անցած ճամբան բռնեց :

Տղան խօսքի թափէն յափշտակուած , առանց այլեւայլութեան հետեւեցաւ անոր .

— Ա' , եթէ գիտնա՛ք՝ ի՛նչպէս կը նախանձիմ ձեզի . կը նախանձիմ ու կը հիանամ , ունիք գեղարուեստ մը , գեղարուեստներուն թաղուհին , մարդկութեան ամենալրիւ պատկերացումը , մեր կեանքին հայելին , և ընդունակութիւններ , որ ընտելուին իր ամէնէն շռայլ վայրկեանին թափեր է ձեր վրայ դերասանի մը կի'րքը , ձի'րքը . . .

— Է՛ , թողէ՛ք , խնդրեմ . ի՛նչ կիրք , ի՛նչ բան . քիչ մը պատրանք , քիչ մը ջիղերու գրգռում , քիչ մըն ա՛լ իրական կեանքը վայլելու անընդունակութիւն . ուրիշ ոչի՛նչ :

— Սակայն , օրիո'րդ , ինչպէս կրնաք ձեր բաղդը այսպէս արհամարհել , և ինչպէ՛ս ձեր շնորհները գնահատել չգիտէք , ի հարկէ՛ , առատութեան յաղեցում . իսկ ես , որ բաղդին երես առած դաւակը չեմ , կը պաշտեմ ձեզի , ձեր ընդունակութիւնները , ձեր տաղանդը :

— Ա՛խ . ըրաւ աղջիկը ձեռքի հասու ու դժգոհ շարժումով մը :

Ու յանկարծ կէ'ս հեզնտո , կէ'ս fokkəp՝ աւելցուց .

— Ինձի՞ , թէ իմ տաղանդը :

Գրիգորիկ ժպտեցաւ . այլայլեցաւ թեթեւ մը , ձեռքերը դնելու տեղ մը սկսաւ փրնտրուել անհանգիստ . ու վերջապէս պատասխանեց :

— Այդ երկուքը անբաժան են , օրիո'րդ :

— Պարա՛պ խօսք :

Ու կանգ առաւ :

Հասած էին ճիշտ ա՛յն կէտը , ուր առջի իրի-

կունը Հրանտի հետ էր կեցած: Մօտեցաւ եզերքի-
փայտին, հայեացք մը ձգեց շուրջը, ու սկամայ
թաղուեցաւ մտածման մէջ:

— Քալեցէ՛ք, օրիորդ. քիչ մը անդին աւելի
սիրուն է ծովուն տեսքը:

— Հո՛ս ալ աղէկ է: Հա՛, բայց դուք իմ
հարցիս պարզ պատասխան չի տւիք. ըսաւ աղջիկը
տեսակ մը սթափելով: Ուժով մը ցնցեց ուսերը,
կարծես, վրան խուժող մտածումները թափ աագ
կ'ուզէր. ու շարունակեց:

— Կեցէ՛ք, ես ձեզի օգնեմ: Կը յիշէ՞ք դեռ
քիչ մը առաջ մեր տունը ձեզի պատմած նոր դերս.
հիմա ենթադրենք թէ իմ սիրահարիս դերն ալ ձեր
վրան է. և դուք գիտէք: որ ես ինկած եմ ձեր
որտին ու իմ արուեստիս մէջ տեղը վարան, և որ
ձեզմէ է կախուած գոհել ձեր զգացումները իմ
տաղանդս աղատելու համար, կամ չորցնել իմ
արուեստս ինծի ունենալու համար. ո՞րը կ'ընտրէք:

Տղան գլուխը կախեց:

Ջրուա շարժումով մը սկսաւ գաւազանին ծայ-
րովը մէկը միւսին ետեւէն անդին ցատկեցնել քարի
փոքրիկ կտորները ձամբուն վրայէն, որոնք վայր-
կեան մը օդին մէջ կէտըջան մը կը գծէին արագ,
ու պզտիկ ճողփիւնով մը կը ձանկէին ծովուն
անխորշոմ երեսը:

— Նո՛ւ, ս՞րը կ'ընտրէիք:

Գրիգորիկ վճռաբար բարձրացուց դէմքը, ցո-
լուն աչքերը քամեց աղջկան ու հանդիսաւոր
ողեւորուած, վսեմ շեշտով մը ըսաւ:

— Ես, . . . ես կ'աղատեմ ձեր արուեստը:

— Վա՛յ, ուրեմն ինծի՛ իմ կանացիութիւնս
իմ իրական զգացումներս կը նետէք անդին իբրեւ
չնչին բան մը. այսինքն ա՛յն, որ ես իսկապէս եմ:

— Մի՛ մոռնաք, խնդրեմ, ձեր պայմանը:
Միա՛յն ձեր տաղանդը փրկելու համար: Այո՛, եթէ
խելագարի պէս ալ սիրահարած լինիմ, հաւատա-
ցէ՛ք ինծի, իմ տենջերս ալ, իմ երջանկութիւնս
ալ, իմ կեանքս ալ, բոլորը պարտատ եմ գոհ ըւ-
րելու: Է՛, ի՞նչ արժէ իմ յուզումներն ու երջան-
կութիւնը, մինչ իմ գոհս ձեզի աւելի՛ կը բարձ-
րացընէ, կը դառնայ թխտան մը աւելի՛ վեր սաւառ-
նելու, տեսակ մը նեցուկ, հաւատք ձեր ուժե-
րուն, ու պարտականութիւն մը այդ ուժերը դոր-
ժադրելու, եւ ի՞նչ աւելի վսեմ ու մաքուր, քան
այն դիտակցութիւնը, թէ գոհեր ես ինքզինքդ,
բարձրացընելու համար սիրած էակը դէպի մարդ-
կային ուժերու դերագոյն արտայայտութիւնները,
դէպի առաւածութիւնը:

Մինէ խանդաղատանքի ջերմ արտայայտու-
թեամբ մը աղու հայեացքին մէջ սուղուեցաւ. վերջը
ակնթարթ մը գոցեց աչքերը. բացաւ, կարեկցու-
թեամբ հայեցաւ անոր, ու յանկարծ տեսակ մը
բարկացած շեշտով վրայ տըւաւ:

— Է՛, դեռ տղայ էք դուք. ու պատանեկան
տճաս սանդիսնեղալ զգացումներն են, որ ձեր
չրթունքներովը կը խօսին. մէկ-երկու տարիէն կը
դառնաք այր, այն ատեն ձեր բերնովը ձեր իսկա-
կան եսը պիտի խօսի. այն ատենական կողիտ, ան-
բութ, անխնայ եսը: Այն ատեն, բարեկա՛մս ալ չեմ
կարծեր, որ սրտերնիդ գոհել յանձն առնէք ձեր սի-

բամ աղջիկը աստուածութեան մօտեցնելու համար ,
ինչպէս ար կ'ըսէք , Ձեր ամբողջ մտածման եղանակը
քիչ մը աւելի գործնական կը դառնայ . « ի՞նչ օգուտ
ինծի-պիտի մտածէք-անոր աստուածութեան մօտե-
նալէն . միթէ աւելի խելացի չէ՞ փոխանակ աստ-
ուածութեան ինծի մօտեցընեմ . վերջապէս աստ-
ուած մըն ալ ես ինքս . . . »

— Սակա՛յն , օրիո՛րդ . . .

— Այո՛ , այո՛ . և այդ շատ չի՛ ուշանար . կը
տեսնէ՛ք :

— Է՛ , ո՞վ այդպէս անզգայ ու ամբարտաւան
Լինիլ կրնայ օրիո՛րդ :

— Ո՞վ . . .

Ու լուեց : Մնչարժ . աչքերը անթա՛րթ յառած
պատի այն կտորին , որուն կից , նախորդ իրիկունը
այս առին , Հրանտի ամուր թեւերուն մէջն էր ին-
կած , անոր կիզիչ ու անյազ համբոյրներուն տակ :

Ետըջը ամէն բան սկսաւ իրար իսանըւիլ ու
շփոթուիլ վուպին նուրբ ցանցին մէջ . ալ պատ չէր
դէմը , այլ ամպերու կոյտի պէս բան մը , անորո՛շ ,
փափուկ , գգու՛ղ , շոյ՛ղ . ու գաղտուկ ձա՛յն
մը , որ իր տաք շունչովը անոր ախանջն ի վար կը
փսփսար .

« Դուն ի մս ես , ի՛մս , ի՛մս . . . » :

Կրքի՛ , ուժի՛ , յափշտակութեա՛ն ջերմ ու
անուշ այն ինքնապատա՛ն փսփսուքը , որ շօշափելի
հիւթի մը պէս , նորէ՛ն հոսեցաւ աղջկայ բոլոր
անդամներուն մէջէն ու թուլցուց անոր մարմինն
յօդերը :

Մինէ բնաղղարար բռնեց ճամբու եզերքի փայ-
տէն , քթթեց արտեւանները , նայեցաւ ընկերակ-

ցին , ու անըջոտ երազով մը աւելցուց կիսաձայն :

— Բայց ի՞նչու կը վրդովւիք . . . գուցէ նոյն
խոկ , ո՞վ գիտէ , ճիշտ հո՛տ այդ ուժի՛ , այդ պա-
հանջկոտութեա՛ն մէջն է՛ այդ մարդու հրապոյրը ,
ձգողութիւնը :

Կրկին լուռութիւն մը յաջորդեց , որ սկսաւ տղուն
վրայ անախորժ տպաւորութիւն մը ընել : Եւ յան-
կարժ ըսաւ տհա՛մ :

— Բայց երթա՛նք , օրիո՛րդ . քիչ մըն ալ մի՛ւս
կողմը :

— Ո՛չ . հո՛ս , ի՞նչ կարիք կայ . հո՛ս աւելի
սիրուն է՛ , հո՛ս , հո՛ս :

Ձայնը , որ բուն շեշտով մը սկսեր էր , նա-
խադասութեան հետ հետզհետէ թուլցաւ , ցածցաւ ,
ու վերջին վանկերը արդէն հազիւ լսելի չչուկ մը՝
մեռան իր շրթունքներուն վրայ : Փայտէ ցողը
պինդ բռնած ձեռքը աւելի ջղուտ կծկու՛մով աւելի
պինդ գալարեցաւ , ու թարթիչներուն ձեղքերը
փոքրացան :

« Դուն ի՛մս ես , ի՛մս , իմս . . . » :

Մինչ երիտասարդը զարմացած կեցեր էր քովը
ու անվճռական դիրքով կը սպասէր :

40:

Բոլոր վարագոյրները ձգուած էին, որոնց իրարու քսւող եղերքներու նեղ անցքէն արևի պայծառ ճառագայթները յատակին վրայ ոսկի տողեր կը դժէին:

Մեծկակ, սիրուն սենեակ մըն էր ննջարանը: Բայց հովահարներու, լուսանկարներու ու ժապուէններու ամբողջ ցանցով մը բոլոր պատերը բլուսուած էին: Զարդի սեղան մըն ալ անկիւնը բոլորովին կորսուած ժանեակներու, կեռիկներու, աուփերու, սրւակներու ու պճնանքի ուրիշ մանրմունք իրերու ահադին կոյտին տակ, որոնց վրայ ծուեր էր հետաքրքիր նայւածքով պատէն չեղ կախուած քառանկիւն հայելին: Մինչ շուրջը՝ սենեակի մնացած բոլոր կահերուն ու գետնի փոքր դորդին վրայ թափւած էին անխտիր ներքին ու արտաքին հազուատի կտորներ, գլխարկ, կոշիկ, դուլպաներ, քօրսէ, շրջադգեստ մըն ալ կախուած մահճակալի դունտէն:

Եւ այդ նեղ ու բարձր մահճակալին մէջ, խոչոր ու ձեպ-ձերմակ բարձերուն վրայ, մինչև մէջքը հաղիւ վերմակին տակ, ինկած էր Արուս-

եակ կոնակին, թևերն ու կուրծքը հողանի, մազերը խառնակ:

Թևին մէկը, որ գիրք մը բռնած էր, կախուած էր հիմա անկողնէն վար, իսկ միւսը նետուած գլխուն վրայ մազերուն մէջ: Մինչ լաբուած ու մտասոյց դիմագծերուն մէջէն ակնարկը առաստաղի մէկ ճեղքը կը շեշտէր յամառ:

Դուրսը թեթև աղմուկ մը լսուեցաւ: Մէկը վեր վազեց սանդուղներէն առանց այլևայլութեան ետ հրեց սենեակին դուռը ու նետուեցաւ ազօր կայ ննջարանը, բայց քայլ մը ընելուն պէս կանգ առաւ իսկոյն:

— ՄԷՆ, սոսկալի՛, այս ի՞նչպէս խեղդւած օդ է. դեռ անկողնին ալ մէջը. այս ի՞նչ սենեակ ի՞նչ անկարգութիւն:

Ու Մինէ շտապեց բացաւ պատուհաններէն մէկը, առանց վարագոյրները բարձնացնելու:

Արուսեակ փոխանակ պատասխանի՝ ձիգ աւաւ թևերը, կոտորուեցաւ, ու նորէն թուլցած ու խոժոռ, անշարժ մնաց բարձին վրայ:

— Է՛, չե՞ս ամչնար դուն. շուտով կէս օր է լինելու. ի՞նչ խալտառակութիւն է այդ. մարդ չնորհրով կը հիւանդանայ, առանց ատոր ալ դէմքիդ վրայ դոյն չէ մնացեր արդէն:

Ընկերուհին նորէն չի պատասխանեց:

Սև մազերուն իճճուած կոնակներուն մէջէն անոր դէմքին ու վզին նուրբ մորթը կապոյտի դարնող թեթև երանգ մըն էր ստացիր ու մտուռ շրթունքները պինդ կծկած՝ փոքր քիթովը անհանդիստ կը շնչէր:

Անկողնին քովը արձանացած Մինէ դիտեց
ակընթարթ մը լուռ այդ կենսալից, ազատ մար-
մինը:

— Չիտո՞ւմ ես զէմքդ թթեցուցեր-
բացականչեց վերջապէս ա՛լ չի համբերելով:

Արուսեակ ունքերը կուտած անոր կը նայէր
միշտ մուռնի, երբ յանկարծ թափով մը բարձրա-
ցաւ իր փուլած դիրքէն, յենեց մէկ արմուկը
բարձին, ու չոր կարուկ շեշտով մը ըսաւ:

— Գիտե՞ս, Մինէ՛, ես խենթեմամ պիտի.
ճշմարիտ խենթեմամ պիտի. ալ այս պա՛րզապէս
անտանելի է:

Ի՞նչ է պատահեր նորէն:

— Պատահեր. ոչի՛նչ. ի՞նչ պիտի պատահի.
Ի՞նչ կրնայ պատահիր ինձի. ցաւն ալ ճիշտ չ՛ոտ
է: Ինչպէս երէկ, այնպէս ալ այսօր, այնպէս ալ
վաղը. աշխարհքէ կտրւած բանտարկւած անհամ
ազգականներու տանեակի մը մէջ, մի՛շտ զդուռ,
մի՛շտ «ինչպէս պէտք է», մի՛շտ սանձւած, մի՛շտ
պարկե՛շտ...

Ուժով մը ձեռքի դիրքը նետեց մանձակալի
գլխուն մօտը գրուած փոքրիկ սեղանին վրայ ու
քիչ մը աւելի մեղմ ձայնով շարունակեց:

— Երբեմն անսովոր յանդգնութիւն մը կու-
ղայ վրաս: Կը մտածեմ թքնեմ բոլոր շրջապատիս
վրայ, կտրեմ քեզի պէս բոլոր կապերս, ելլեմ
երթամ ուրիշ աշխարհ մը, ուրիշ մարդոց մէջ,
ի՞նչ կը լինի թո՛ղ լինի. թող անօթի՛ մնամ, շար-
քաշ ապրիմ, միայն թէ բա՛ն մը ապրիմ: Այդ
վայրկեաններուն եթէ դիտնաք մէջս ի՞նչ կը դառ-

նայ. բացատրելը դժուար է. ամբողջ էութիւնս
նորութեան, յուզման ու շարժման կը ձգտի. կ՛ու-
ղեմ վազեմ, պոռամ, սեղմեմ. կարծես ամէն
չունչ արնելուս բանի մը կը սպասեմ, որ ան-
պատճառ պիտի դայ, որ ինքս ալ որոշ չգիտեմ
ինչ է, որ չի գար...: Եւ. կ՛սկսի հակադրեցու-
թիւնը. կը զգամ իսկոյն իմ անզօ՛ր, անկա՛մք,
իմ միայնակ ու ողորմելի՛ վիճակս. արցո՛ւնքը,
այդ ապո՛ւշ արցունքը անմիջապէս կը հոսէ սրտիս
տագնապն ու պապակը մարելու. և ջուրը թաթ-
խած լաթի կտորի մը պէս, թուլցած, ճմրտթկած,
ինքս իմ վրայ փակած կ՛իյնամ անկիւն մը:

Մինէ կարեկցութեամբ բռնեց անոր ազատ
ձեռքը. նստեցաւ կամաց մը անկողնի եզերքին,
դեռ գլխարկը գլուխը, դեռ ձեռնոցները չի հա-
նած. ու խորհրդաւոր ժպիտով մը հարցուց:

— Ի՞նչաւ միտքէդ անցած չէ՞, թէ այդ տակ-
նու վրայութեանդ հիմքը ի՞նչ է:

Ի՞նչպէս չէ. եթէ ես ինքս չհասկընամ,
նա՛, այդ գրքերը գաղտնիք պահել չեն սիրեր.
որ ներս մտար նորէն այդ աեսակ տաք կէտի մը
վրայ էի. այդ վէպերը մեզի պէս սփրիւբիլներ
չունին, հողի՛ս. կը կարգամ ու կը նախանձիմ
ատելու շափ կը նախանձիմ՝ այդ եւրոպական
կեանքին, այդ նկարագրուած աղջիկներուն:
Մե՛նք, փո՛ւ, մենք սիրել՛ մը անգամ չենք կրը-
նար. ո՛չ. չէ՞ որ անպարկեշտութիւն է. ատոր
համա՛ր ալ ո՛ւժ պէտք է ու համարձակութիւն.
ո՛ւրկէ է մեզի այդ քաջութիւնը. ատնը ու հա-
սարակութիւնը կաթիլ-կաթիլ դուրս է քամեր

մեզմէ ամէն ինքնուրոյնութիւնս. որտի ամէն յա-
մարձակ շարժում: Եստէ՛ անկիւնը ու սպասէ՛,
մինչև որ ազգականներդ «չնորհքով գործի տէր»
ժարդ մը գտնեն քեզի համար ու դնեն շալակը.
է: Իսկ դուն սիրած ես, Մինէ՛. ի հարկէ՛.
ազա՛տ ազջիկ, գեղեցի՛կ, գերասանուհի՛. շիտա՛կ
ըսէ, ո՛ւր, ե՛րբ, շա՛տ:

Մինէ պահ մը լռեց ակամայ, ու գլուխը
դէպի կուրծքը հակեցաւ. վերջը ժպտեցաւ ընկե-
րուհիի դէմքին ու տարիքը առած ապրած կնոջ
մը մայրական շեշտովը աւելցուց:

— Է՛, անուշի՛կս, իմ գործս ուրիշ է. ինձի
ժէկ կողմ դի՛ր: Իսկ դուն շա՛տ կը ցանկաս սի-
րել:

— Այ ինչի՞ եմ պէտք, եթէ սիրել ալ չի
ցանկամ, Յանկա՛լ. ի՛նչ բառ է այդ. ես կ'այրը-
ւիմ. եկեղեցին ու սուրբին առջևը վառ. մոռ-
ցուած կանթեղին պէս ինքս իմ մէջս, անպէտք
ու առանձին: Դուն այդ չես հասկնար, ի հարկէ,
դուն սիրա՛ծ ես. և վերջապէս քու կեանքդ ալ
ուրիշ է. միշտ նոր մարդոց մէջ, մի՛շտ զբաղած.
Իսկ ո՞րն է իմ բնկերական շրջանս, իմ զբաղումս,
նա՛, այդ վէպե՛րը. կարդա՛, երազէ՛, ու տան-
ջուէ՛:

— Գիտե՛ս, Արուսեա՛կ. զուցէ ազէկ չես
ըներ շարունակ այդ ֆրանսական վէպերուն հետ:

— Է՛, թո՛ղ հոգիդ սիրես, իմ միակ զուար-
ձութիւնս՝ ինձի: Եւ, ըսե՛նք, դիրքն ալ որ ձեռ-
քէս առնես, սիրտս վերջապէս չե՛ս կրնար կրծ-
քէս դուրս քաշեր. մենք ազջիկներս այդպէս

մնք, կրնա՞ս ուրանար. սէ՛ր, սէ՛ր, ու կարո՛տ,
ու ծարա՛ւ, ու ոպառո՛ւմ. որու համար ամէն
քան զո՛նելու պատրաստ ենք մեր սրտին խորքը:

Մինէ խոհուն դէմքը աղջիկին դարձուց. ու
սև ձեռնոցով ցուցամատը բարձի եղերքի ժան-
եակին վրայ սանեցնելով՝ հարցուց զսպուած ձայ-
նով մը, առանց բնկերուհիին նայելու:

— Ուրեմն իրա՛ւ կը կարծես, որ աղջիկը
ամէն բան զո՛նելու պատրաստ է:

— Ի՛նչ հարց. ալ ինչի՞օս է պէտք աշխարհը,
էրբ սէրէ գուրկ պիտի մնամ, երբ կեանքը վայելել
պիտի չկրնամ:

— Բայց, հոգի՛ս, շատ նեղ կը մտածես.
կեանքի վայելքը միայն սիրոյ մէջ չէ. մի՛ միայն
սէրը ի՛նչ է ինքնին, և ի՛նչքան պիտի տես:

— Ես այդ տեսակ հաշիւներ ընել չեմ կըր-
նար. և կը կարծեմ բոլոր կիներն ալ ինձի պէս
են. ի հարկէ խօսքս չորցած սրտով աղջիկներու
մտքին չէ. ինքդ ըսէ՛, այդպէս չէ՞: Ո՛վ է հար-
ցընողը ինչուն ու վերջը. թող լինի վերջը ինչ որ
կ'ուզէ. ամենազէշը՝ նախա՛նձ, կոխե՛նք, պա-
տակոտւմ. չէ՞. դէ՛, աւելի աղէկ. ժարդ գոնէ
յուզումներ կ'ունենայ, կիրք ու վիշտ. ինչի՞ է
նման անշարժ ջուրի վրան լեզի պէս բուսած այս
կեանքը:

Մինէ ճնշուող կուրծքին տակ հետզհետէ
աւելի դժուար կը շնչէր. ու կարծես մէկը հեծէր
էր անոր ծոծրակին. իրանը քիչ-քիչ կը կորանար
վար:

Իսկ ընկերուհին պահ մը լռեց. ակընթարթ

մը յառած ու մտաստոյղ նայեցաւ ձեռքը բռնած իր մազի երկար մէկ փունջին, ձգեց բարձին, չփեց մեքենաբար իր այտն ու վիզը և յանկարծ արագ պոռաց :

— Մինէ՛, Մինէ՛, յուզում կ'ուզեմ ես, յուզում. կեանք, աղճուկ, իրարանցում. ես կ'ուզեմ սիրեմ: Տե՛ն, այս մարմինը, որ ամենքը գեղեցիկ կը գտնեն, ինչո՞ւ, ինչո՞ւ համար է այս. մինակուկ սենեակին անկիւնը թոռմելո՞ւ համար. և երբ կը մտածեմ, որ այս կեանքիս ամենաթարմ, հասուն ու ամէնէն զբաւիչ տարիներն են, որ այսպէս անխորհուրդ կը հոսին, կ'անցնին... Մինէ՛, չգիտե՛ս, չգիտե՛ս, չգիտես ինչպէս սիրեց կրնամ. ա՛ ա՛... :

Ու մերկ թևերովն ու լանջովը փարեցաւ ընկերուհիին վիզը, մկաններուն բոլոր ուժովը քաշեց իրեն՝ ուժգին համբոյր գամելով անոր դէմքին, կրքի անզուսպ թափով մը :

Բաց ծոցէն հոսող կանացի բոյր մը, լեցուն կրծքին մէկ շօշափումը. ու այդ գողցօջ-կաջուն շրթունքները Մինէին հակակրանք աղղեցին. կանաց հակակրանք մը՝ կանացի կրքոտութեան դէմ. և ինքզինքը ազատել ջանալով՝ ոտքի ելաւ անկողնէն :

— Կամաց, կամաց, խե՛նթ. գլխարկօ բըզըկտեցիր :

Արուսեակ քակեց թևերը, քիթ ու բերնին ինկաւ նորէն անկողնին վրայ, ու դէմքը պինդ թաղած բարձին մէջ սկսաւ բարձր հեկեկալ :

Մինէ մտռեցաւ, աշխատեցաւ հանգստացնե-

լու, ջուր տուաւ որ խմէ և երբ քիչ մը հանդարտեցաւ օդնեց անկողնէն ելլելու, գործ պատուակեց ու մեկնեցաւ :

Գուրսը պայծառ օր մըն էր. տա՛ք : Մինէ կը քալէր առանց ո՞ր կողմ երթալը գիտնալու, ինքզինքը մոռնալու, իր մտածումներու կաշկանդող շրջանակէն կերպ մը դուրս գալու համար եկեր էր ընկերուհիին մօտ. և հիժա այդ ընկերուհիին էր, որ աչքերուն դէմէն չէր հեռանար, անոր թևերուն կծկումը կ'ըզգար դեռ վզին շուրջը, ու շօշափումը անոր ուժեղ շըրթունքներուն :

«Ահա՛ ինչպէս կը սիրեն. ահա՛ ով է կինը. ահա՛ կինը ինչպէս կը սիրէ» . կը կրկնէր շարունակ մտքին մէջէն :

«Չոր սիրտ, չո՞ր» : Է՛, արդէն ինքը կին չէր որ. այդ կէտին վրայ ամենքը համաձայն էին իր դէմ. ամե՛նքը. չէ՛ մի որ ինքը արուեստի աղջիկ մըն էր միայն, արուեստի... :

Ու սկսաւ լեզի ծիծաղով մը բարձրաձայն խնդալ փողոցին մէջ : Սակայն իսկոյն իր խնդուքէն ինքը անգրադարձաւ, վախցած նայեցաւ շուրջը՝ մի գուցէ տեսնող մը լինէր, ու ամչցաւ : Պէտք էր չի մտածել՝ ինչ գնով ալ որ լինի, և քայլերը արագացուց դէպի ծանօթ ընտանիք մը, ուր չորս-հինգ աղջիկներ կային, ուր աղմուկն ու իրարանցումը անպակաս էր. պէտք էր ցրուիլ, ցրուիլ :

Հագրու էր անոնց սեմէն ոտքը ներս գրեր, ու աղջիկներէն չորսը միասին Եւրքիսուսիին վրայ

Թափեցան. ու Մինէ խկոյն ողողուած էր արդէն անոնց անդադրում չաղակրատանքին ու աղջկային զիլ քրքիչներու տարափին տակ :

Ճաշի մօտերն էր որ Մինէ վերջապէս տուն վերադարձաւ, տեսակ մը անտփոր հանդարտութեամբ ու խիստ ծանր քայլուածքով :

Դուռը դեռ չզարկած՝ ներսը բակէն խօսակցութիւն լսեց. կանացի, օտար ձայն մը :

Չանգը հնչելուն պէս՝ դուռը բացուեցաւ :

— Ախ, դուն ես, Մարիամ. ես ալ կը մտածէի՝ այս ո՞վ է :

Հրանտենց սպասուհին էր. տանըեօթ-տասնըութ տարեկան դաւառացի միամիտ ու գլուխը կախ ազջիկ մը. կարմիր թշերով, գլխաբաց. ուրկէ մուրի պէս սև հաստ ու երկար հիւսք մը թիկունքէն վար կը սողոսկէր :

Դեռ նոր էր եկեր տնային յանձնարարութեամբ մը :

Որքեայրին գնաց յանձնարարութիւնը կատարելու :

— Տունը ի՞նչպէս են. հարցուց Մինէ հանդարտ ձեռնոցները հանելով :

— Աղէ՛կ են. բարև ըրի՛ն. տիկինս ըսաւ, այս քանի օր է ինչո՞ւ մեղի չես դար նորէն : Այգիի հաւողն ալ արդէն հասունցեր է գրեթէ. անցած իրիկուն . . .

— Հը՛մ. ըրաւ Մինէ չի թողնելով որ շարունակէ :

Ու քիչ մը վարանելէն վերջը :

— Իսկ ի՞նչ բանի է Հրանտը. տո՞ւնն է :

— Չէ՛. ան վերջի տսենները ամէն օր Պոլիս կ'իջնէ և ուշ ալ կը վերադառնայ. այսպէ՛ս տեսակ մըն է, տիկինս երէկ կ'ըսէր որ երևի գործերուն մէջ բան մը կարգին չէ :

Մինէ կախեց գլուխը. կատարեալ լրջութեամբ սկսաւ ձեռնոցին իւրաքանչիւր մատը ձիգ տալ. վերջը երկու ձեռնոցները դրաւ իրարու վրայ, ճի՛շտ իրար համաչափ. անգամ մըն ալ սկսաւ մատներէն քաշել զոյգը միասին և վերջապէս կամաց մը դրաւ սեղանին վրայ :

Բարձրացուց գլուխը, նայեցաւ շուրջը, խօսակցին :

— Մարիամ՝, այդ ի՞նչ աղւոր մաղեր ունիս, այդպէս սե՛ւ, առատ, երկա՛ր. ըսաւ յանկարծ առանց որ և է կապի. ու քայլ մը առաջ եկաւ մօտէն դիտելու :

Սպասուհին նախ թեթև մը շիկնեցաւ. վերջը ուզեց բան մը ըսէ՝ չի յամարձակեցաւ. սակայն չի կրցաւ ինքզինքը երկար զսպել ու հարցը դուրս թռաւ չրթունքներէն .

— Եթէ այդչափ երկար մաղերը կը սիրես, ինչո՞ւ համար քուկիմներդ կտրեր ես :

Աղջիկ մը մանչու մազերով. Մարիամ արդէն խելք հասցընել չէր կրցած այս անճոռնիութեան և հիմա ներքուստ ուրախ էր այսքան ժամանակ սրտին վրայ ծանրացածը անգամ մը դուրս տալուն :

Մինէ նախ քիչ մը լուրջ մտածեց :

— Ե՛ս. է՛հ, ես ի՞նչ պիտի ընեմ երկար

մաղերը. մաղը աղջկան համար է, աղջկան շը- նորհքը:

— Է՛հ, դուն աղջիկ չե՞ս. խնդաց Մարիամ:

— Ե՞ս . . . ե՛ս, ի հարկէ՛ ո՛չ. դերասա- նուհի եմ:

Եւ դիմացինին միամիտ ու ասլած արտա- յայտութենէն զուարճութիւն զգալով՝ հարցուց իսկոյն կարծես աւելի խառնակելու համար:

— Գիտե՞ս ինչ բան է դերասանուհին:

Աղջիկը նախ ամչցաւ պատասխանելու, վերջը ըսաւ, կէ՛ս մը պարսաւի շեշտով, կէ՛ս մը քաշուելով.

— Լսեր եմ, որ երեսնին զանազան գոյներ կը քսեն և ուրիշ մարդիկներու ձևեր կ'ընեն:

— Նա՞. քիչ մը շատ ճարիւռալիսական է թարգմանւած, բայց ոչի՛նչ:

— Ի՞նչ:

Մինէ գրգռւած քանի մը անգամ գնաց եկաւ քակի երկայնքովը. վերջը եկաւ կեցաւ Մարիամի շիտակ դիմացը, ու վրայ տըւաւ, կարծես իր մը- տածումները շարունակելով, զայրացկոտ, դառն արհամարանքով:

— Ուրեմն դուն չգիտէիր, հա՞, որ ես աղ- ջիկ չեմ: Անա՛ միակ միամիտը, որ այդ ատիճանն պարզ բանը չի տեսներ: Աղջի՛կ. աղջի՛կը չատոնց է մտեր իմ մէջս. աղջի՛կը իր կանացի բնական զգացումներով, հակումներով, մտածելու ու ցան- կալու եղանակով: Եւ այդ բոլորի փոխարէն գի- տե՞ս ինչ է դերասանուհիի մը ներքը. անաղին հաւաքածոյ մը զանազան տարիքի, վիճակի ու

բնաւորութեան կնոջ դէմքերու. բայց ի հարկէ բոլորն ալ նկարած. ո՛չ իսկական. այն ա՛լ կի- սատ կոտրտանք, թերի կամ պատռած. ետե՛ւը փոշոս սենեակի մը մէջ իրարու վրայ նետած քու- ջիաներու պանծու դէղի մը պէս. ուրկէ նայելով որուան պէտքին մէկ-երկուքը դուրս կը քաշես, կը սրբես քիչ մը վրայի փոշին ու կը զնես բեմին վրայ, հանդիսականներու զուարճութեան համար: Մ, հանդիսականներու զուարճութիւնը, ամենա- էականը այդ է: Աղջի՛կ. . . Ա՛վ ըսաւ քեզի. քու- ջիաներու ժողովածո՛ւ:

Ու ձեռքերը կոնքերուն, ծուեցաւ սպասու- հիին վրայ:

— Է՛, ի՞նչ այդպէս ասուչ-ասուչ երեսս կը նայիս, պատասխան չի տա՞ս. պոռաց յանկարծ ին- քըն իր վարժունքէն նեղսրտած՝ բարկութիւնը դիմացինէն առնելով:

— Ի՞նչ կ'ըսես. չեմ հասկընար քեզի. ինչո՞ւ բարկացար. կմկմաց խեղճը՝ վախցած դիմադժե- րով:

— Չե՛ս հասկընար. ա՛յ, քեզի՛ երջանիկ արարած:

Ու սկսաւ խնդալ:

— Մինէ՛, ի՞նչ բանի ես հոս. ի՞նչ կ'ընես խեղճ աղջկան դէմ. լսուեցաւ որքևայրիին ձայնը սանդուղի վերէն:

Մինէ ծիծաղը կտրեց, նայեցաւ վեր և զրդ- շանքի ծաղրով մը հծծեց.

— Դերասանութի՛ւն, մօրտը՛ր:

Դանդաղ ձեռքերով վերցուց սեղանին վրայէն ձեռնոցները ու ծանր քայլերով իր սենեակը բարձրացաւ:

Վ.

Թանձր ու թուխ ամպերը առեր էին երկինքը :
Եւ իրիկունը թէեւ այնքան ուշ չէր դեռ , բայց
պարտէզը , ծառերուն տակ մութի նուրբ քող մը
աւարածուած էր արդէն ամպերէն ծորող , մանա-
ւանդ հսկայ շինարի երկար ու խիտ ոստերուն
ներքեւ :

Հո՛ւտ , ճի՛շտ ծառի բունին կից , լայն գորգի
մը վրայ ծալլապատիկ կուշ էր եկեր պառաւր , ու
հնար եղածին չափ ինքն իր վրայ կը քած՝ ձեռքի
խազի-թուղթերը կանոնաւոր տողերով իրարու տակ
կը շարէր , դանդա՛ղ , լո՛ւռ , լո՛ւրջ , խորճդաւո՛ր ,
ու դողացող ձեռքով :

Թուղթ կը բանար :

Իր աջ կողմը ամբողջ հասակովը դէմքին վրայ
փուռեր էր Հրանտ , և թեւ ու կրծքով բարձի մը
մէջ խրած՝ ուշադիր կը հետեւէր մօրը ձեռքերուն :

— Նայէ՛ , բաղդը նորէն թեւիդ տակը ինկաւ ,
նկատեց կինը նոր բացած թուղթը մատնանիչ
ընելով : Բաղդաւո՛ր տղաս . մինակ գլխուդ վրայ
քիչ մը նեղութիւն կայ . ատ աղւոր չէ՛ . մէկ ալ
չե՛մ հասկընար սա երկու շէկերը քեզմէ ի՞նչ կու-
գեն , սա շէկ մարդը ու սա շէկ կինը , որ ձախ
կողմէդ չի հեռանար . շէկերէն դգուշ եղի՛ր , մա՛նչս ,

մանաւանդ շէկ կիներէն . ամէն կնկան ականջ մի՛
կախեր , Աստուած պահէ քեզի անոնց փորձանքէն :

Հրանտ ժպտեցաւ , շատ աղէկ կը հասկընար
մօրը ակնարկները :

— Իսկ ճամբորդելու մասին ոչինչ չե՞նք րօներ
թուղթերդ , հարցուց յանկարծ :

— Ի՞նչ ճամբորդել . դարձաւ կինը զաւկին՝
չե՛շտ անոր դէմքին զամելով աչքերը :

— Նա՛ , չգիտե՞ս . դէպի շէկերու աշխարհը :

— Չէ՞ որ դեռ երկու-երեք ամիս ժամանակ
սեխիմ կ'ըսէիր :

— Այո՛ . բայց , է՛ , ո՛վ դիտէ . գործեր կրնան
պատահիր , անակնկալ պատահարներ . մարդ կ'ըս-
տիպուի շտապելու . . .

Կմկմաց տղան երկմիտ , բայց նշմարելով որ
մայրը անհանգստանալու սկսաւ , իսկոյն փոխեց
թոնը .

— Ի՞մ հարցուցածս ալ այդ է միայն , մա՛յրիկ .
կ'ուղէի գիտնամ , տեսնենք թուղթերդ ի՞նչ կ'ըսեն :

— Ճախբա՛ղ , ճամբաղ դեռ շատ հեռու է .
տե՛ս շարքի միւս ծայրը , ըսաւ կինը հաստատ ու
վճռական :

— Հա՛ . ուրեմն աղէ՛կ :

Պատաւը շարելը աւարտեց . երկու ձեռքերը
իրարու վրայ գոգը դբած՝ պահ մը լուռ սկսաւ
դիտել խորին ուշադրութեամբ առջեւը փուած
թուղթերուն դադանիքը , և քիչ մը վերջը սկսաւ
նորէն մեկնել հատիկ-հատիկ :

— Ինչպէ՛ս ըսի գլխուդ վերի դին շատ մամը-
տուք կայ . մտմտուքը սիրա կը մաշէ , ճահիլի բան

չէ. և այդ մտմտութիւնն ալ, նայէ՛, վրադ հեռունե-
րէն կու գայ. ա՛խ, եթէ այդ հեռուներէն անգամ
մը ձեռք վերցընէիր: Ուրիշ բան մըն ալ, որ չեմ
հաւնիր, տե՛ս, չորս դիտ բոլոր ուրիշ գոյնի թուղ-
թեր են. կարծես օտար, պաղ շրջանակի մը մէջ,
որ քու գոյնիդ չի յարմարիր:

— Է՛, ի՛նչ վնաս մա՛յրիկ. աւելի ազէկ.
գանազան գոյներ իրարու քով աւելի սիրուն
կ'երեւայ:

— Կ'երեւայ, այո՛: Ա՛խ, զաւա՛կս, մի՛ խար-
ուիր. մարդ իր շրջանակէն դուրս դալու չէ: Երջա-
նիկը ա՛ն է, ով իր գոյնի մարդոց հետ իրեն սո-
վորական շրջանակին մէջը կը դառնայ: Իր շրջանա-
կէն դուրս շատ բան սիրուն կրնայ երեւար միայն,
հաւտա՛, ո՛չ իրեն համար: Ա՛մէն մարդ իր գոյնին
մէջ:

Հրանտ, որ մինչև հիմա անփոյթ ժամանցի
համար միայն կը լսէր մօրը, վերջին խօսքերուն
ակամայ բարձրացաւ քիչ մը բարձէն, ու աչքերը
յամառ սեւեռեց մօրը հանդարտ ու տխուր դէմ-
քին, ուր վշտերն ու անցեալը յարմարուելու ու
համակերպելու անջինջ դրոշմը գարկեր էին:

Առանց որդուն շարժմանը մասնաւոր ուշք
դարձընելու՝ կը շարունակէր ան իր գուշակութիւն-
ները, որը աւելի իր սրտէն, քան թուղթերէն կը
կարդար: Բայց Հրանտ ալ չէր լսեր ոչինչ:

Ամպերու ու ծառի խորհրդաւոր կէս-մութին
տակ, չուրջի դաղջ ու ճնշող օդի լուսթեան մէջէն
յստակ ու արտում չեղտերը պատգամի մը պէս իբ
մօրը հատու, ուղեղն էր թափանձեր:

« Երջանիկը ան է, ով իր գոյնի մարդոց հետ,
իրեն սովոր շրջանակին մէջը կը դառնայ... »:

Ե՛րջ. տաք հովը, յարձակուեցաւ յանկարծ
ծառի թաւ ճիւղերուն մէջ, ու կիսաչոր, դեղնա-
կարմիր տերեւներու անձրեւ մը տեղաց վար. քանի
մը հատը երերաթկալով ու դողդոջ եկան նստեցան
թուղթերուն վրայ, հատ մըն ալ պառաւի քթան
մազերուն:

Հրանտ ցատկեց օտքի:

— Մա՛յրիկ, լաւ է ներս երթանք, կարծես
փոթորիկը փրթի պիտի:

— Գնա՛, Մարիամը ինձի դրկէ, տա լաթերը
ժողվենք. պատասխանեց կինը՝ անդին երկար պա-
րանի մը վրայ փռած ճերմակեղէնները մասնանիշ
քնելով:

Հրանտ կատարեց մօրը պահանջը. ծանր ու
մտախոճ բարձրացաւ դէպի աշխատանոցը, ուր
վերջին ժամանակները շատ քիչ էր եղած. այն ալ
միշտ պատահարաբ՝ առանց աշխատելու:

Ու սեմին վրայ կանգ սուտ վայրկան մը,
քոլորովին թաղուած իր մասձումներուն մէջ:

« Այդ շրջանակէն դուրս շատ բան կրնայ սի-
րուն լինիր, միայն ուրիշներու համար, ո՛չ
իրեն... »:

Եւ ինքը խենթ մը, որ կարծեր էր թէ ինքն
ալ իրաւունք ունի ուրի՛շ բնաւորութեան մարդոց
տրախութիւնները ունենալու: Ինքը լուրջ գի-
տութիւններու նուիրած աշխատատ. մը, ինչ կը
յարմարէր թր զգացումներուն ելլել սիրահարի
աանըութ տարեկան պատանիի մը պէս, այն ա
Կեռասանուհիք

Մինչէի նման արուեստագէտի անկաշուն ու թու-
ցիկ բնաւորութեան տէր աղջկան մը վրայ: Յի-
մարութիւն էր, այո՛. իսկ յիմարութիւնը՝ վայելել
զիսնալն ալ ամէն մարդու բան չէ: Ամէն մարդ
ի՛ր գոյնին համեմատ, ի՛ր շրջանակին մէջ...

Ու երկու դանդաղ, վարանոտ քայլով մտաւ
այդ շրջանակէն ներս. մօտեցաւ գրասեղանին,
յնուեցաւ թեթև մը ու կեցաւ:

Փոքրիկ պնակի մը մէջ պատրաստած գու-
նաւոր յեղուկը ցամքեր էր բոլորովին. խեցի կտո-
րին վրայ պրկւած թաղանթը չորցեր ու կծկւեր,
ու նուրբ ապակիները թափւած էին շուրջը աղ-
տոտ, ոմանք պինդ իրարու փակած, իրենց մէջ
ձգմելով կակիլի չորցած փտոր մը. և այդ բոլորի
կեդրոնը մանրագիտակը: որու վրայ փռելի բարակ
խաւ մը նստեր էր:

Տղան յանկարծ ցաւի, խղճի խայթի պէս
բան մը զգաց. այդպէս մտնալ, այդպէս լքել
իր ջանքերուն աշխատակիցը, իր ձգտումներուն
հաւատարիմ՝ օգնականը, իր ընկերը...

Բռուն թափով մը դուրս քաշեց գրպանէն
թաշկինակը. տարօրինակ ակնածանքով մը վեր-
ցուց, սկսաւ մաքրել գործիքը, ու տեսակ մը
դուրդուրանքով դբաւ նորէն, զգուշ՝ սեղանին
վրայ:

Նոյն եռանդով ալ սկսաւ արագ մաքրել ու
քիչ մը կարգի բերել շուրջը: Վերցուց գրքերէն
մէկը, բացաւ նշան դրած երեսը: Վերջը ձուեցաւ
իր կէսը դբւած, կէսը նկարւած ձեռագիրներուն,
ջանալով յիշել, թէ ուր էր իր աշխատանքը ընդ-
հատեր:

Եւ զգաց, որ վառ հաճոյք մը մէջը շրջան
առնել սկսաւ. հաճո՛յք մը աշխատելու կարօտին,
հաճո՛յք մը աշխատելու կարողութեան: Ո՞վ ըսաւ
թէ ինքը այլևս աշխատելու չնոր՞ք չունէր. ո՞վ
ըսաւ որ իր սրտի անխորհուրդ ու անհետևանք
զգացումներուն ձեռքը կապուած ստրուկ էր:

Պէտք էր փեթուտել այդ ոսկի անմիտ շղթա-
ները, որոնք որչափ ձիգ տաս. այնքան մարմնիդ
մէջը կը խրին. պէտք էր թափ աալ իր ուսերէն,
ամբողջ անիմաստ պատմութիւնը: Յնցըւեցաւ.
Որագ վազեց դուրս, թար՛ջուր բերաւ, փոխպ-
ներէն մէկուն շիշը մօտ քաշեց, շարեց իրարու
քով պէտքի ասեղներն ու գործիքները, մաքրեց
մէկ երկու փորձի ապակիկ թարմ փրէփարագ
պատրաստել կ'ուզէր:

Ու ինքն իր ոգևորութենէն ուրախացած՝
սկսաւ սուլել: . . . Սակայն սոյլը ընդհատեցաւ
յանկարծ, ընդհատեցան ակնթարթ մը և սրտին
զարկերը. ձեռքը չիչին՝ քարացած մնաց. ձանչ-
ցած էր վարէն Մինչին ձայնը:

Ուանդուզը թփռտաց հապճեպ ու թեթև
քայլերու տակ, ու աղջիկը հեւալով սեմէն ներս:

— Բարե՛ւ:

Տղան յամառ, անթարթ աչքերով կը նայէր
անոր. ո՛չ բառ մը. ո՛չ շարժում:

— Բարե՛ւ. չե՛ս լսեր. երևի, այս ալ նորա-
դոյն քաղաքավարութիւնն է:

— Ի՞նչ դործ ունիս հոս. հարցուց վերջապէս
տղան կրտրուկ խեղդւած ձայնով մը:

— Այդ ի՞նչ անխելք հարցում է. խնդաց

Մինէ. քայլ մը ետ գնաց. բազուկները դրաւ
աթոռի մը թիկունքին, կուրծքն ալ վրան ու գըլ-
խարկի դարդերուն աակէն ինքն ալ լուրջ հայ-
եացք մը շինեց. դիտմամբ տղուն ձևովը, տղուն
նման:

Հրանտ աչքերը փախցուց. ձեռքի փոքրիկ
ունելին զայրոյթով նեակեց սեղանին վրայ, ու
մէկէն դիմեց խօսակցին:

— Գիտե՛մ, եկար նորէն աշխատութիւնս
խանգարելու: Ինծի նայէ՛, հերի՛ք է. դուն ու
ես սարբեր գոյնի մարդիկ ենք. դուն ինծի ոչինչ
տալ չես կրնար: դոնէ ունեցածս ձեռքէս խելու-
մի՛ հետապնդիր, հանդիստ թող ինծի իմ շքանա-
կիտ մէջ. ես քեզմէ ա՛լ ուրիշ ոչինչ չեմ սպասեր:

— Հրա՛նտ, չե՛ս ամէնար. ամօ՛թ քեզի:
Միթէ՛ իրա՛ւ չես ըմբռներ որ վարժունքը կա-
տարեալ երեխայական է. ահադին մարդ պիտի
լինիս. ա՛յն ալ ասօքթօք, ա՛յն ալ մասնագէտ,
ա՛յն ալ ջղային կեղբորնի . . .

Խօսքին հետ հետպահեալ թևերն ու կուրծքը
բարձրացուց աթոռի թիկունքէն, և ամբողջ հա-
սակովը շտկուեցաւ.

— Իսկ ե՛ս, ես կ'ամէնամ. դեռ աւելին, այդ
բոլոր յիմարութիւնները ինծի ուղղակի կը նուս-
տացնէ. կըմբռնե՞ս, կը նւանտացնէ՞ Մենք չէնք-
չնորճք կը վախնանք իրարմէ ու կը փախչինք.
և ինչո՛ւ. որովհետև կը համակրինք իրարու,
իրար կը հասկնանք, մէկ մէկու սիրտ տալ ու
իրարու մօտիկութենէ օգտուել կրնանք, մանա-
ւանդ մեր այս տափակ շրջապատին մէջ: Լսէ՛,

ես ալ չե՛մ կրնար հանդուրժեր, որ մենք իրարմէ
խոյս տանք, որ երեսիս նեակես, թէ ես կը խան-
գարեմ քեզի: Ո՛չ, ո՛չ թէ քեզի խանգարել, այլ
քու աշխատութեանդ թև տալ կ'ուզեմ ես. կ'ու-
ղեմ որ իմ մօտիկութիւնս ու զգացումներս քու
օգնականդ լինի, դրդիչդ, քու մոտադ: Ախ,
դուն իրաւ մոտայի հետ գործ չունիս. նա՛, ի՞նչ
պէս կ'ըսեն ձեր բնախօսական ժարկոյով:

Ու ժպտող աչքերուն՝ գլուխը քիչ մը ծռած
մօտ եկաւ տղուն:

— Բայց, Մինէ՛, սիրելի՛ս. . .

Հազիւ էր տղան բերանը բացեր, որ աղջկան
ձեռքը բարձրացաւ իսկոյն ու ափովը գոցեց անոր
չրթունքները:

— Ո՛չ Մինէ, ո՛չ սիրելի՛ս. ո՛չ մէկ առար-
կութիւն. վերջացա՛ւ. ալ ո՛չ մէկ խօսք այդ
բոլորի մասին. կը հասկնամ: Դէ՛, հիմա ինծի
բռէ՛ նայիմ, ի՞նչ կ'ընես հոս, դուն հանդիստ քու
գործդ շարունակէ. ա՛յ, ես ալ քեզի կ'օգնեմ.
կը կարծես չե՛մ կրնար. դուն ցօ՛յց տուր մի՛նակ,
թէ ինչ պիտի ընեմ:

Հրեց աթոռը դրանեղանին առջևը, նստեցաւ,
մանրադիտակը քաշեց իրեն ու ծոցեցաւ վրան:

— Հապա ոչինչ չե՛րևար մէջը. բացականչեց
յանկարծ ինդուժ-երես՝ տղուն դառնալով:

Հրանտ ստիպուեցաւ ժպտելու՝ այնքան միա-
միտ էր այդ բացականչութիւնը:

— Դէ՛, ի հարկէ, եթէ տակը տեսնելու
առարկայ չի կայ: Կեցի՛ր, պատրաստներէն քեզի
բան մը ցոյց տամ:

Մօտը խոշոր առւի մը բանալով՝ արդէն պատ-
րաստ, փակցուցած հին նութերէն ապակիկ մը
զատեց, անցուց մանրադիտակին տակ, ու գոր-
ծիքի պտուտակը բռնելով ծոեցաւ խողովակին
վրայ՝ տետղութեան ամէնէն պայծառ զիրքը
բերելու:

Աղջիկն ալ նորէն ծոեցաւ քիչ մը: Հրանտ
նախ անոր ուսը թեթեւ մը իր ուսին վրայ զգաց,
վերջը աղջկան գլխարկին փետուրը որ իր մազե-
րուն քսուեցաւ, և աղջկայ զանգուրներէն ոլոր
մը, որ իր ճակտին ինկաւ: Տղու պտուտակը կա-
ռավարող ձեռքը գողաց պտուկերը փախաւ խո-
ղովակին մէջէն: Հրանտ խածաւ շրթունքը, գը-
լուխը քիչ մըն ալ թեքեց իր կամքին հակառակ,
ու երկուքի այրող այտերն ալ արդէն իրարու էին
փակած պինդ . . .

Վայրկեան մը միայն:

Հրանտ ետ քաշուեցաւ յանկարծ, բռունցքը
զայրացկոտ զարկաւ սեղանին ու հեռացաւ երկու
քայլ:

— Անա՛ այդ բոլոր սիրուն ֆռագներու եզ-
րակացութիւնը: Սիրուն բառերով մենք իրարու
ճանկէ չենք ազատիր, պարսպ բան է. պէտք է
ամէնէն գործնական ու կտրուկ միջոցին դիմել.
ես նոյն իսկ այս չարթու կը մեկնիմ Գերմանիա.
արդէն այսչափ կազդուութիւն ալ հերիք է:

Եւ «կազդուութիւնը» մասնաւորապէս շեշ-
տուած էր:

Մինէ գլուխը վար կախած՝ գրքի մը թեր-
թերը կը դարձնէր ջլացկօրէն: Երբ աղան լռեց,

առանց իր զիրքը փոխելու հարցուց յատուկ շեշ-
տով մը:

— Որոշումդ հաստատ է:

— Այո՛, այո՛:

— Ուրեմն ըսէ՛ պատրաստութիւն տեսնեմ:

— Ի՞նչ պատրաստութիւն:

Մինէ աթոռին վրայ կէս մը դարձաւ դէպի
ան. ու յտակ, հանդիստ թօնով մը կցեց.

— Ծամբորդելու՛, քեզի՛ հետ:

— Է՛, թո՛ղ անհամ կատակներդ մէկդի. ես
այլեսս ամենեւին սիրտ չունիմ կատակելու, և եթէ
ակլինթարթ մը իմ հոգեկան վիճակս մտնել կարո-
ղանայիր, դուն ալ կը կորսնցնէիր կատակելու
ցանկութիւնդ:

— Ես չեմ կատակեր. եղաւ աղջկան կարծ ու
լուրջ պատասխանը:

Հրանտ զարմանքով անոր նայեցաւ շեշտ:
Աղջիկը իր բոլոր ուժովը սեղանին մէկ սուր ան-
կիւնը սեղմած ու գոսպած իր շնջառութիւնը՝ տը-
ղուն կը նայէր անկեղծ ու պայծառ հայեացքով:

— Մինէ՛, բուս. վերջապէս տղան: Եթէ
միտքդ խաղի ելլել չէ, հաւտա՛, որ ինքզինքդ
կը խարես: Հետս չե՛ս դար դուն. չե՛ս կրնար
դար. այդ երազէն արդէն արթնցած եմ ես վերջ-
նականապէս: Մենք իրարու մէ՛կ բանով միայն
կրնանք օգներ. հնար եղածին չափ կտրուկ ան-
ջատուիլ իրարմէ:

Մինէ կապւած շարժումով, կամաց մը բարձ-
րացաւ աթոռէն: ձեռքը դեռ սեղանին՝ չիփ-չի-
տակ կեցու տղուն դէմ, ու իր այդ անսովոր
ժանր ու լուրջ խոսուածքով պատասխանեց:

— Կը կարծե՞ս : Սակայն գիտցի՛ր որ քու բոլոր ջղային կեդրոններուդ հետ միասին չա՞տ ձախորդ հոգեբան ես : Կը կրկնե՛մ քեզի . կ'ուզե՞ս այս վայրկեանիս ճամբայ ելլենք . կ'ուզես մինչև Գերմանիա , կ'ուզես մինչև դժոխք :

Դէմքի , գիրքի ու ձայնի այդ լրջութեան ու վճռականութեան դէմ տղու զարմանքը իր դադաթնակէտին հասաւ . յանկարծ իր կամքին հակառակ նոր յոյս մը պլպլաց սրտին մէջ . պլպլաց ու իսկոյն մարեցաւ . ու Հրանտ լեզի ժպտով մը կցեց :

— Իսկ դերասանութի՛ւնդ . երևի այսօր տունն ես ժուցեր :

— Թո՛ղ . բացականչեց աղջիկը ակուաներուն մէջէն .

Ու մինչև հիմա , զսպած զգացումներուն ու ձայնին մէկէն ազատ ընթացք տալով՝ նետուեցաւ դէմքը հրահրած , բուն շարժումներով ու խօսւածքը մոլեգնոտ :

— Դերասա՛ն , դերասա՛ն . ո՛ր կողմ գառնամ միևնոյն բառը երեսիս կը նետեն . ուրիշները ամենքը մարդ են , զգացումներ ունին , կ'ապրին , իսկ ես միա՛յն դերասան , մի՛շտ , ամէն տեղ , ամէնքի համար . ո՛վ ըսաւ . ո՛վ ըսաւ քեզի , որ իմ մէջս բնութիւնը մեռեր է , որ արուեստ է միայն մէջս , որ , այդ արուեստին , ամէ՛ն բան գոհեմ տխրի . ա՛ , ծիծաղեցի՛ . արդէն պէտք եղածէն աւելին ես զոհած եմ անոր . իմ երիտասարդութի՛ւնս , իմ թա՛րմ երիտասարդութիւնս , և փոփոքէնք ի՞նչ է տւած ան ինձի :

Դողդղացող լանջովը խօր շունչ մը առաւ :

— Լսե՛ , շուտով քսանըվեց տարեկան կը լինիմ . և մինչև հիմա ես չեմ գիտցած թէ ի՞նչ բան է սէրը , թէև բեմին վրայ շարունակ նոյն զգացումն է , որ ներկայացուցած եմ ուրիշներու քեֆին համար , ուրիշներո՛ւ . միշտ ուրիշներու . իսկ ինքզինքիս , իմ սեփական պահանջներուս համար՝ ոչի՛նչ . Դուն չե՛ս կրնար երազեր անգամ , թէ ի՛նչ հրայրք , ի՛նչ ծարաւ ունիմ սիրելո՛ւ , մինչ չրջապատողներս կա՛մ ապուշ հաճոյախօսութիւններ են շուտով ինձի , կա՛մ լկտի նայուածքներ քուրիսներուն ետևը , պուտուարիս դրան մէջ . ի հարկէ՛ . չէ՞ մի որ դերասանուհի եմ . հաճոյքի , զուարճութեան առարկայ մը . խաղալիք մը՝ բեմի վրան բոլորի համար . բեմին ետևը մէկ-երկու մասնաւոյններու . ֆո՛ւլ , այդ դարչելի դէմքերը , այդ հայրատ նայուածքները . ա՛նա՛ ի՛նչ տեսակ սէր են առաջարկած ինձի : Ի՛նչ տեսակ սիրով են հայածած ետևէս . փողոցէ փողոց , բառիս բուն նշանակութեամբ :

Ու զգուանքի ծամածուծութիւն մը դէմքին՝ դադար առաւ նորէն շնչառութիւնը կանոնաւորելու :

— Հրա՛նտ , ես ապրի՛լ կ'ուզեմ . ապրի՛լ քիչ մըն ալ ինձի համար , ապրի՛լ իմ տենչացած յուզումներովս : Մտի՛կ ըրէ , գեւ ո՛չ մէկ տղայ չէ մօտեցած ինձի քու զգացումներուդ այդ մաքրութեամբը քու մտածման եղանակիդ այդ աղնութեամբը , ուժովը . ես ո՛չ մէկ տղու դէմ չեմ զգացած այն , ինչ որ հիմա դէպի քեզի կը հրէ :

Պ'նչ կարիք կայ քաշկուտելու . դէ՛, գիտցի՛ր, գի-
շերները երբեմն ամբողջ ժամերով քու համբոյրդ
եմ անըջած միայն . ալ հերի՛ք է, որչափ ինքս իմ
հակու՛մներս կտարել ջանացի . ալ չեմ ուզեր դի-
մադրեր . ո՛չ, ալ յոգնեցայ, և ինչո՞ւ, որո՞ւ հա-
մար: Հրանտ, ա՛ւ . քաշէ՛ տար ինծի ուր որ
կ'ուզես, ըրէ՛ ինծի հետ ինչ որ կ'ուզես, ես ապ-
րիլ կ'ուզեմ . ես կ'ուզեմ սիրելիմ . սիրելիմ քու
ամբողջ սրտովդ, երիտասարդի քու բոլոր կրքե-
րովդ . ա՛ւ, քաշէ տար ինծի՛, քու սիրուհի՛դ,
քու սարո՛ւկդ, կի՛նդ . . .

— Ի՞նչ կը կզըտիք նորէն իրարու հետ .
լուեցաւ դուրսէն մօտեցող տիկնոջ ձայնը, որ
դանակի պէս Մինէի թնփը կտրեց ու Հրանտի
յափշտակուած կաշկանդու մը:

— Դէ՛, հերի՛ք լեզւի աւերք . քալեցէ՛ք վար,
մայրիկը պտուղ է շտկեր ձեզի . աւելցուց կինը
սենեակի սեմին վրայ կանգ առնելով:

— Ի՞նչ . ո՞վ . հարցուց աղջիկը ցրւած .

Ու շառագունած դէմքը շփելէն վերջը՝ կոտ-
րած ձայնով մը կցեց .

— Ա՛խ, ո՛չ . ես երթամ պիտի . դործ ունիմ,
չեմ կրնար:

— Չէ ի՞նչ . բացականչեց կինը: Այդ ի՞նչ
գարս էր, ի՞նչ երթալ . քալեցէ՛ք վար:

— Ինծի քիչ մը տեղ ձամբու կը դնես, դար-
ձաւ Մինէ երիտասարդին:

— Մէյ մը դուրս նայէ՛, աղջի՛կ, ի՞նչպէս
խաւարեր է . ուր որ է հիմա անձքեր կ'ըսկսի-
առարկեց տիկինը:

— Ոչի՛նչ . Հրանտը ինծի կառք մը կը ձարէ:

— Է՛, դուն խե՛նթ սո, ըրաւ կինը ձեռքի
յուսահատ շարժումով մը:

— Խենթ էի՛ . շեշտեց աղջիկը:

. . . Ճանապարհը կը ձգէր հոս հոն ցան-
ձքնած ամարանոցներու գոյգ շարքի մը մէջէն,
որոնց կը յաջորդէր յաճախ պարտէզի մը երկար
կիտափուլ պատը, կամ ընդարձակ խոսպան տարա-
ձու թիւն մը, որ գալիք շէնքերուն տեղը կը
փուէր:

Երկինքը սեցած էր բոլորովին . կապարէ ամ-
պերը վար էին կախեր, կովի հսկայ ծիծերու
պէս կաթկըթելու սպառնանքով . հովը հարաւէն
կատաղի կը փչէր, որուն դէմ պարտէզի պատին
փողոց կախւած ծառերը իրենց գլուխները կ'երկը-
ցընէին յուսահատօրէն:

Արդէն սակաւաթիւ անցուդարձը դադրեր էր
բոլորովին: Ու այդ մինակու թեան մէջ Մինէ ու
Հրանտ թև թևի կը քալէին արագ: Հովը կը
փչէր ետևնուն, ու ակամայ քայլերնին աւելի
կ'արաղցրնէին:

Աղջկայ գլխարկը հովէն պատասպարելու հա-
մար՝ Հրանտ բացեր էր հովանոցը իրենց ուսին,
որուն տակ երկուքը հնար եղածին չափ իրարու
սեղմած կուրծք կուրծքի, դէմք դէմքի, ստքի
նոյն չափովը կը յառաջանային:

Կըցկտուր, խառնակ, տաք, իրար ընդհարող
իրարու հիւսուող քրտիտուկ մը հովանոցի խաւա-
րուտ ֆոնին մէջ, որ մէջ ընդ մէջ համբոյրի մը
խորհրդաւոր լուսեթեամբը կը միջակիտուէր:

Այդպէս ալ գուցէ առանց նշմարելու, տեղ հասնէին, իրենց յափշտակութեան, հովի թափին ու հովանոցին տակ, եթէ յանկարծ փոթորիկը անսասնձ չունչով մը գեանին ամբողջ աւազն ու փոշին օդը չի հաներ: Պահ մը ստիպւեցան կենալու, կարելիին չափ հովանոցին ետևը պաշտպանուիլ փորձելով ու ոտքերնին պինդ գեանին դէմ աւած: Հովանոցին ճառագայթները կօրացեր էին կոտրելու աստիճան:

— Ա՛յ շարունակել անկարելի է. նկատեց տղան: Փաշայի պարտէզին քովը կառքեր կը լինին կեցած սովորաբար՝ քալէ՛, քիչ մը աւելի արագ, հիմա կը հասնինք:

Ու ընկերուհին մէջքէն թեթև գրկելով, սկսան վազել հովի հրումին դէմ, փոշիի ամպի մը ետևէն, որ տնոնց առջևը ճամբան կ'աւլէր:

Տղան սխալած չէր. երկու կառք կար հոն կեցած՝ իսչոր ընկուղենիի մը թաւ ճիւղերուն տակ պատսպարուած՝ սպառնացող անձրևէն:

Երբ դոյզը այն կողմ՝ ուղղուեցաւ՝ առջևի կառապանը սանձերը վերցուցեր էր արդէն:

Հրանտ բացաւ իսկօյն կառքին դռնակը, օդնեց աղջկոն նստելուն, ինքն ալ մէկ ոտքը կառքի ելարանին՝ ծռեցաւ ներս:

— Վազը ի հարկէ կը սպառեմ քեզի, նկատեց Մինէ աղու ձեռքը երկու ափին մէջ առնելով:

Համբուրեցան:

— Դէ՛, ալ աս գիշեր համբոյր անըջելու պէտք չունիս. խնդաց տղան:

Աղջիկը փոխանակ պատասխանի թաթը ձեփեց անոր բերնին. ու հոգատար շեշտով մը կցեց:

— Դուն ալ մ'ուս կառքը վերցո՛ւր, բաւական ճամբայ ունիս:

— Է՛, ինծի կա՛ռքը ինչ. բացականչեց Հրանտ ձեռքի ուժգին ու բաղդաւոր շարժումով մը:

Աժուր մը գոցեց կառքի դռնակը, ու առոյգ դուարթ ձայնով մը.

— Հա՛յտէ, շո՛ւտ. պոռայց կառապանին:

Մինէ հազիւ կրցաւ օդէ համբոյր մըն ալ ձօնել ապակիին ետևէն, որ ձիերը թափ առին:

Դուրսի հովի գալարումներէն ու՛ ունսւմէն ապահով, անիւներու դղրդումէն խուլցած. ու զսպանակի անընդհատ ցնցումներուն մէջ օրորուն, Մինէ ինկեր էր թոյլ մը անկիւնը, աչքերը գոց, հեշտանքի անծիր ողողման մը տակ: Իրեն կը թւէր, թէ կտրուած էր գեանէն ու վե՛րը օդի և ամպերու տարածութեան մէջէն կը սլանար. մինակ ու երջանիկ. մինակ իր զգացումներուն հետ, իր զեղած սրտին ու Հրանտի համբոյրներուն, որոնք իր չթժուցներուն վրայ դեռ կ'այրէին . . . :



Ճ.Ա.

Արդէն վերադարձա՞ր, բացագանչեց որբեւայրին, երբ ազջիկը կառքէն դուրս ցափկելով՝ ոտքը սեմէն ներս դրաւ :

— Փոթորիկը որ սկսաւ, ալ ուշ մնալ չուզեցի, մէկ ալ փոթորիկին հետ թռչիլը, ա՛, հրանալի է. մարդ կարծես թեւ կ'առնէ. շատոնց է այսպէս սքանչելի հով ու ազժուկ եղած չունէր :

— Է՛, արդէն քու ո՞ր ըսածիդ մարդու խելք կը հասնի. հովին սքանչելի՞ն որն է. այս դժոխքի իրարանցումին սքանչելին էր պակաս, ննջարանիդ պատուհանն ալ բաց ես ձգեր, զարկաւ տպակին ու կոտրեց. դիչերը բացը պառկէ՛ որ հասկնաս փոթորկի սքանչելին :

— Ննջարանի՞ս, իրա՞ւ. բացագանչեց ազջիկը կարծես ա՛լ ուրախանալով : Դէ՛, աւելի՛ աղէկ. արդէն օդանցք շինել տալու միտք ունէի :

— Գնա՛, քեզի հետ խօսիլ չլինիր. դժգոհեցաւ մօրաքոյրը՝ դէմքը անդին դարձնելով ցասկոտ :

Մինէ բարձր սկսաւ խնդալ, յարձակեցաւ կնոջ վրան, երկու ձեռքով կախուեցաւ անոր ուսերէն հծծելով :

— Մօրաքոյր, ձեր ննջարանն ալ օդանցք մը բանալ տա՛ւր հովին. այդպէ՛ս աղէկ է. թա՛րմ, թա՛րմ օդ. նո՛ր, կը հասկնա՞ս, նո՛ր :

— Է՛հ. ըրաւ կինը արտունջի չեշտով ու Մինէի ձեռքերը ուսերէն վար թօթելով : Դուն ինծի ա՛ն ըտէ, ի՛նչպէս ես քո՛յրս, մայրի՛կը :

— Աղէ՛կ ես, ամենքն ալ շա՛տ աղէկ. ի՞նչ հարցընելու բան է :

— Իոկ սերկելիներուն համար ի՞նչ ըսաւ :

— Ի՞նչ սերկելի, հա՛ա, հարցընելու ժամանակ չեղաւ :

— Է՛հ, բանի պէտք չէ՛ս : ժամանակ չէ եղեր. այսքան ատեն աչք-կապո՞ւկ խաղացիր :

Ու դժգոհ մտաւ քօլի սենեակը :
« Աչք-կապո՞ւկ խաղացիր » :

Մօրաքոյրը այդ անսովոր արտայայտութիւնը Մինէին շատ ծիծաղելի եկաւ. շրթունքներուն մէջէն քանի հեղ կրկնելով ելաւ իր սենեակը :

Իր սենեակը առաջին աչքին ինկածը փոշոտած արեւօտական ծաղիկներու խոշոր զամբիւղ մը եղաւ, որ վերջին ներկայացման էր նւէր ստացեր :

Վրան տարօրինակ տպաւորութիւն մը ըրաւ այդ կէտը թափթըլփած, չորցած, թուղթերը գունաթափիլ սկսած զարդը, որ առճանարակ հալիւ իր ուշադրութիւնը կը դրաւ էր ուրիշ ատեն :

« Անցեալի մը աւերակը », մտածեց ժրպտելով : Ու հայելին դէմը անցած անփոյթ չարժուժով մը սկսաւ զլիարկը հանել. միայն կամքին հակառակ ստիպուեցաւ քանի մը անգամ հայելին մէջ հայեացքը զամբիւղին անկիւնը ուղղելու. տեսակէր դողունի, որ կարծես մարդ չի տեսնէ :

Վերջը յանկարծ դարձաւ կրունկին վրայ, մօտեցաւ գրասեղանին, որուն վրայ խառն ինկած էին իր դերերը պարունակող քանի մը տետրակներ, թատրոնական մէկ երկու ամսագիր ու գէղ մը լուսանկարներ, գլխաւորապէս հոշակաւոր դերասաններու: Նայեցաւ պահ մը, մատին ծայրովը մէկ-երկու հատը շարժեց զգո՛ւշ. ու անշարժ մնաց՝ աչքերը իր տետրակներուն:

Նախ տարտամ անհանդուտութիւն մը եկաւ վրան, Վերջը իր սենեակը խորթ թուեցաւ իրեն ու անախորժ. կահե՛րը, գորբը, սեղանը, ծւ այդ ամէնը աչքէն հեռացնելու համար՝ մօտեցաւ պատուհանին սկսաւ դուրսը դիտել:

Պատուհանէն շեղակի կ'երեւար ծովը որ հիմա զայրոյթէն գունաթմալի մարդու մը պէս գեղուներ էր, ու դիմքին բոլոր մշաններովը կը ցընցէր ամբողջ ընդարձակ տարածութեան վրայ:

Աչքերը անթարթ՝ ջրի այդ ջղուտ կծկումներուն յառած՝ կը մտածէր: Եւ իր յիշողութեան մէջէն արագ կը վազեն այդ տետրակներուն ու զամբիւղին կապուած տեսարաններ, խօսքեր, բեմ, քուլիս, ընկերներու դէմքեր, ցի՛ր-ցան ու ոստոստուն:

Աղջիկը բոլորովին տխրեցաւ, գէմքին կենդանութիւնը թուաւ վերջնականապէս, ճակատը փակցուց ապակիին ու աչքերը գոցուեցան:

«Չի մտածե՛լ, չի մտածե՛լ, մինչև կամաց-կամաց վարժուիմ». փափսաց յսելի ձայնով, շքաւորեցաւ, սենեակին մէջ զնաց-եկաւ մէկ-երկու անգամ. ու վճռեց բանով մը ինքզինքը զբաղեցնել:

Սենեակը արդէն մթնած էր ու հովը դուրսը կ'աղմկէր: Վառեց ճրագը. անցաւ գրասեղանին առջևը. տետրակ, գիրք ու նկարներ տենդոտ շարժուածով մը ժողվեց լեցուց անդին սեղանին միւս ծայրը. բացաւ վէպ մը, գտաւ իր նշան դրած տեղը, բայց կարդալ չի կրցաւ. գիրքն ալ նետեց ու քաշեց սեղանին գլորոցը, ու սկսաւ հոն թափուած հին նամակները քրքրել. այդ զբաղեցուց:

Սակայն հսգիւ քանի մը հատը արագ ու թեթեւ աչքէ էր անցուցեր, որ մէկուն վրայ կանգ առաւ լուրջ:

Թիֆլիսէն էր. ընկերուհիէ մը, որը իրբև սիրող երկու-երեք անգամ նոյնպէս եղած էր բեմի վրայ:

Աջ ու ձախ, ամէն տեսակ նիւթերու վրայ խառն կը գրէր. թէ հիմա ինքն ալ որոշած լըջօրէ՛ն գործին հետեւելու, և յո՛ւս ունի տեւականապէս միանալու նոր խմբին, որը քանի մը աչքի ինկնող դերասաններ կազմելու վրայ էին: Ու երկար-բարակ կը պատմէր, թէ ինչպէս մէկ-երկու հարոոստ երիտասարդներ տրամադրի էին դրավազը լուսի մը դնելու, իբրև ֆօնդ, և թէ այս անգամ դորժը հաւանօրէն քալելու էր. արդէն կը մտածէին նո՛ր րէքէթթուարի, բեմային արհեստագիտական նոր մուծումներու մասին. նոյնպէս ջանքեր կ'ընէին քիչ-շատ յայտնի դերասանական ուժերը միացնելու. և ինչպէս ինքը լսած էր, հրբաւ-իրելու էին և Մինէն:

Նամակը վերջացած էր շատոնց, բայց ան Երեսասեղանին

դեռ միշտ թուղթը ձեռքը, աչքերը վերջին տողերուն, նստած էր խորասուզւած.— կարծես կը կարդար դեռ. սակայն իրօք ո՛չ կը կարդար, ո՛չ ալ նոյն իսկ կը մտածէր: Ծնշող քարէ զգացում մը կուրծքին վրայ, անդարձ կորուստի մը բուխ գիտակցութիւնը զլիսուն մէջ՝ արձանացեր էր:

Հովը ուժգին թափով մը զարկաւ յանկարծ պատուհաններուն, ազակիները սարսուացին, ու հեծող ձայներու ամբողջ վոճմակ մը շրջանակի ձեղքերէն ներս սուլեց:

Մինէ սթափեցաւ կաշկանդումէն, թևերը քիչ մը բարձրացուց, ու ծիծաղի նմանող վայրէ ձայնով մը՝

— Օձիսեցի՛, արեւստ ծախեցի՛, ծւաց ակուանտուն մէջէն, ու ձեռքի նամակին հետ դէժքին վրայ ինկաւ սեղանին:

Ակրնթա՛րթ մը:

Իսկոյն ցատկեց ոտքի, նամակը նետեց զըզրոցը, կղպեց, հազուատի դարակէն դուրս քաշեց անձրևի հաւըլօքը, հազաւ արագ, ու մինչև ոտքերը հասնող կոճակներու մինչև վերջինը կոճկելով՝ վար իջաւ սանդուղներէն:

Մօրաբրոջը յայտնեց որ մինչև բնթրիք նորէն կը վերադառնայ, քարիւշոնը անցուց զլուխը. ու նետեցաւ փողոց ուժեղ հովին մէջէն դէպի բնկերուհիին տունը:

«Պէտք է չի մտածել՛, պէտք է մոռնա՛լ, այդ բոլորը մէկ անգամ ընդմիջա՛ւ դիտէն դուրս վանելու է, մէ՛կ անգամ ընդմիջա՛ւ»:

Դուռը բացողը Արուսեակի մայրն էր:

— Դո՛ւն ես: Ա՛հ, ի՛նչ անտանելի հով. շո՛ւտ գոցէ դուռը: Եկո՛ւր նայէ՛, ներսը ուրիշ հիւր ալ կայ, ըսաւ կինը, ու նորեկը առաջնորդեց փողոցի դռան կից փոքրիկ սենեակը, ուր Արուսեակ սպասողական դիրքով մը դէպի մուտքը կը նայէր. մինչ անոր դէժը լամպը կրող սեղանին մօտիկ նըստած էր Գրիգորիկ՝ ծունկերուն դրած գրքի մը հետ խաղալով:

— Վա՛յ, դուք նորէ՛ն հոռ էք. հարցուց Մինէ տեսակ մը շեշտող կատակով:

— Շոգենսուէն կը դառնայի, օրիորդը պատուհանը գոցելու վրայ էր, դուրսն այ դարչելի հով, հանդիպեցայ վայրկեան մը. կարկանդակ տղան ձեռքը անոր մեկնելով:

— Ա՛ա, գարչելի հովը, ի հարկէ. բոլոր յանցանքը անորն է. վրայ բերաւ Մինէ ծիծաղելի լրջութեամբ մը ու քարիւշոնը զլիսէն ուսերուն նետելով: Այդ գարչելի հովին ձեռքէն արդէն անկարելի է այս ծովափէն հանգիստ անցնիլը. ամէն բան տակնուվրայ կ'ընէ, հազո՛ւտա, մազե՛ր, և ըստ երևոյթին, սրտեր. . .

— Բազդակից մարդիկ իրար կը փնտռեն, զարմանալու ի՛նչ կայ, յարեց Արուսեակ, մեղաժողձոտ յոգնած անխուժութեամբ մը, բազկաթոռին մէջ տեղաւորելով: Աննպատակ, ձամբէն շեղած կեանք մը խն, այդ տեսակ գծէն ելած կեանք մըն ալ պարոն Գրիգորիկինը, արդէն ճիշտ այս մասին կը խօսէինք, երբ դուռը զարկիր:

— Ուրիշ խօսքով՝ ձեզի խանգարեցի, ժպտեցաւ Մինէ վերջին բառը բուն աղջկային չարամբտութեամբ մը ընդգծելով:

— Ա՛. ընա՛ւ. եղաւ ընկերուհիին խուսափ պատասխանը :

— Սակայն կը հետաքրքրէի գիտնալու՝ այդ ի՞նչպէս է, որ պարոն Գրիգորիկի կեանքն ալ այդպէս յանկարծ «գծէն ելած» է դարձեր : Բու «գծէն ելած» կեանքիդ պատմութիւնը շատ եմ լսեր, բայց պարոն Գրիգորիկինը նորութիւն է ինծի համար :

— Քեզի համար դուցէ՛, միայն դժբաղդաբար ո՛չ ինծի համար. պատասխանեց ինքը, տըղան, վերին աստիճանի յուսահատ գիրք մը առնելով :

Գլխակոր՝ ձեռքի գիրքը քիչ մը այս ու այն կողմ դարձուց ծունկերուն վրայ, ու վշտաբեկ ձայնով մը աւելցուց :

— Է՛, օրիորդ Մինէ, դուք գտեր էք ձեր կեանքի շիտակ ուղին ու հաստատ քայլերով առաջ կ'երթաք. դուք ի՞նչ գիտէք հոգեկան վարանումի, ներքին, ինքրիմէ դժգոհութեան խոշտանգիչ զգացումները. դեռ աւելի՛ն. ուղղակի դաւաճանութիւնը դէպի իր ետը, դէպի իր ուժերը, իր տաղանդը : Մարդ զգայ, որ ինքը ձիրք ունի ու շնորհք, որ ստեղծւած է գեղարեստներու պաշտամունքին համար, և տեսնէ՛, թէ ինչպէս իր կամքին հակառակ կ'անցնին օրերը ապարդիւն կեանքի ջնջին գործերուն մէջ, ուժերը կը մնան առանց գործադրութեան, և ասուածային կայծը, որ հոգիիդ խորքը կը պլպլայ, չի արծարծեր ո՛չ մէկուն զգացումները : և ներշնչմանդ մտքերը, որ մի՞նչադի առանձին վայրկաններուն

հոգիիդ եթերին մէջէն կը զիկզակին, անդառնալի ու անհետ կը սաւառնին անհունութեան մէջ ու կը կորչին անօգուտ, անօգո՛ւտ ապագայի համար :

Ու յանկարծակի շարժումով մը գիրքը դբաւսեղանին վրայ, շարունակելով դառնասիրտ :

Գուք կրնա՞ք բմբուներ այն անտանելի կեանքը, որ ես կը վարեմ : Մտածեցէ՛ք անգամ մը. ամբո՛ղջ օրը փոշոտ, տաք ու նեղ դրասնեհակին մէջ, անվերջ հաշւետարերուն վրայ կըքած. թրւանչաններ, յաւիտենական թրւանչաններ, որոնք հոգիիդ ոչինչ չեն խօսիր. մինչ միտքդ իր ամբողջ թարմութեամբը, իր բովանդակ բանաստեղծական գերագրգռականութեամբը բացք կը ձգտի՝ մարգագետնի առւակներուն սնդադրում վէճերը վճռելու, անտառներու շրջիւնին մէջէն բնութեան սրտին գաղանիքները լսելու : Հաշւապահ մը, որ փթացած ուղեղով տուն կը դառնայ, հոն աւելի ազատ գիտակցելու համար, որ իր Փօէթի վսեմ կոչումէն օր մըն ալ կորսնցուց անդարձ :

Մինէ ինքն ալ չդիտէր ինչու սկսաւ սրանելի :

— Ծշմարիտ դեռ չի հասկցայ ինչո՞ւ համար է այդ բոլոր տանջանքը. աղէ՛կ, ինչո՞ւ ուրեմն չէք հետևի ձեր «Փօէթի վսեմ կոչումին» : Ինչպէս որ կ'ըսէք :

— Արգելքներ, անվերջ արգելքներ, աղնի՛ւ օրիորդ, որոնք մեր անճոռնի իրականութեան մէջ տաղանդներուն առջև պատնէշ կը քաշեն :

— Պարա՛ւյ խօսքեր, տաղանդը իր ճամբան կը բանայ. իսկական ուժը պատնէշներ չի ճանչնար, բարեկա՛մ. տաղանդի դէմ արգելք չի կայ, բացառանկեց Մինէ ինքն ալ տաքնալով :

— Ա՛խ, օրիո՛րդ, կա՛ն, դժբաղդաբար տաղանդի համար ալ արգելքներ կան, հօծեց տղան ժելամաղձոտ՝ զլուխը երերցնելով :

Մինէի կունակն ի վար կարծես յանկարծ պաղջուր լեցուցին, ցնցւեցաւ, ու շրթունքը խածած աչքերը գետին ձգեց :

Անդրադարձած էր իր վիճակին վրայ :

Տղան իրաւունք ունէր. արգելքներ կային : Ձէ՞ որ ինքն ալ հիմա շիտակ իր արւեստի վաճառանոցէն կու գար :

«Վաճառանոցէն . . .»

— Այօրինքն գոնէ ընդհանրապէս առած. շարունակեց տղան նոյն կոտորւած շեշտովը : Բացառիկ ուժեր կան ի հարկէ, բացառիկ ընդունակութիւններ, որոնք անխափր ամէն բան ոտքի տակ տալ կրնան իրենց կոչումին ծառայելու համար. բայց այդ ամէն մարդու բան չէ, ամէն տաղանդի՛ ալ բան չէ : Ես կը հասկնամ ձեզի. դուք ինքզինքնիդ աչքի առաջ ունիք, երբ այդպէս վստահօրէն արւեստը արգելք չի ճանչնար կ'ըսէք. բայց դո՛ւք, օրիո՛րդ, հաղուագիւտներէն էք, մի՛ մոռնաք :

— Իմ մասին չխօսի՛նք. ընդհատեց աղջիկը կոչալ :

— Մի՛ վրդովւիք. ես ձեր այդ հպարտ համեսութիւնը անշուշտ վիրաւորել չեմ ցանկար :

տակայն և անկարող եմ չի կրկնելու, որ դուք արգէն մի՛շտ իմ զարմանքիս ու հիացումիս առարկան էք եղած. ձեր արւեստը՛, ձեր հոգեկան ուժը, կամքը ես իբրև չնաչխարհիկ երևոյթ մը կը նկատեմ, որուն առջև մարդ ակամայ պիտի խոնարհի . . .

Մինէ ծնոտները սեղմած՝ ձեռքի դժգոհ ու դայրացկոտ շարժում մը քրաւ. երիտասարդը ըստիպւեցաւ իր ներքոյը ընդհատելու. ժպտեցաւ ու կցեց :

— Իսկ սովորական մանկանացուներս թոյլ էակներ ենք. կեանքի մանր պէտքերուն ու ընտանեկան կապերուն տակը ա՛լ աւելի շղթայւած : Կեանքի հոսանքը ուժեղ է. տնային պէտքեր, հոգեր, քոյր, մայր կը կաշկանդեն, կը խեղդեն տազանդն ալ, արւեստն ալ : Մարդ նախ դիմադրել կը մտածէ, վերջը կ'ըստիպուի քիչ մը տեղի տալու. մէկ ալ կը անսնես ինկեր է հոսանքին ճիշտ մէջ տեղը. որ իր անագորոյն ալիքներուն վրայ վա՛ր կը քշէ քեզի ալ, միւս հազարաւորներուն հետ, միւս հազարաւորներուն պէս :

Եւ ամթոռին վրայ շտկելով, փոխւած ու կատակող շեշտով մը աւելցուց իսկոյն :

— Բայց է՞, մարդ ամէն բանի վերջապէս կը վարժուի, այդպէս ալ հոսանքն ի վար, երբ մանաւանդ օրիորդ Արուսեակի նման վիճակակիցի մը ընկերութիւնը ունի իր հետ : Ձէ՞, օրիո՛րդ : Օրիորդ Մինէն չի հասկընար, թէ ինչ բոկ է գծէն ելած. բայց դո՛ւք ու ես, մենք իրար կը հասկընանք. այնպէս չէ՞ :

— Այ՛ն՝ դժբաղդարա՛ր, պատասխանեց Արուսեակ կեղծ հառաչանքով մը, ու նահատակուհիի մը դէմքը հագնելով:

Յանկարծ փայլակին՝ աչք ծակող ճերմակ լոյսը սենեակը ողողեց ակնթարթ մը, և յաջորդող խլացուցիչ որոտը տան պատերը դողացուց:

— Յխո՛ւս-Քրիստո՛ս, բացագանչեց Արուսեակ սարսափած:

Մինէ՛ ալ ցընցեցաւ:

— Ե՛խ, օրիո՛րդ, խօսքի բռնեցցանք, իսկ տունը ինձի կ'ըսպասեն, քանի անձրևը չէ սկսեր շտապեմ. ըսաւ երիտասարդը, ոտքի ելնելով:

— Այ՛ո՛, այ՛ո՛, ես ալ, կցեց Մինէ արագ, իր մտածումներուն մէջէն, տեսակ մը ցրած ու մեքենաբար, շարժումներն ալ խօսւածքն ալ:

Փողոյի դռան ներքը իրարու ձեռք տւին:

Գրիգորիկ կ'ուղէր ընկերանայ օրիորդին մինչև տուն, բայց աղջիկը բացարձակապէս մերժեց՝ պնդելով որ ինքը այդ փողոցներուն մէջ առանձին երթալու փոյթ չընէր, և որ ընդամէնը քանի մը քայլ ալ տեղ է:

Ու սրացաւ դուռնէն դուրս, դէպի ձախ, մինչ աղան ծռեցաւ դէպի աջ, որուն ետեւէն հովը իր ամբողջ թռքերովը կը փչէր. հաղիւ երկու քայլ ըրեր էր փողոցին մէջ, որ յանկարծ ոտքը դէմ դրաւ գետնին, կեցաւ, դարձաւ ես ու պուռաց խոր մութին մէջ:

— Կը տեսնէ՞ք, օրիո՛րդ Մինէ, ինձի հովը ինչպէս կը քշէ, որ կ'ըսեմ ինձի չէք հաւատար: Ե՛ս մի՛շտ հովերուն հետ, որոնք ինձի վա՛ր կը

հրեն, տո՛ւն, դէպի ընտանիքը. իսկ դո՞ւք. դուք մի՛շտ հովերուն հակառակ. հապա՛:

Ու սրախօսութենէն կատարելապէս դո՛ն գլուխը կծկեց օձիկին մէջ և սկսաւ գրեթէ վազել հովի թևին տակ:

Մինէ ծանր կը քալէր. ստիպւած էր ծանր քալելու: Ծէնք-չնորճ կուիւ մըն էր այդ, Մարմարայի հարաւէն իր վրայ դրո՛ն տուող օդի վիթխարի հոսանքին հետ, որ իր հագարաւոր խառնակիչ ձեռքերը աղջկան հագուստներուն մէջ խրամ, ե՛տ ե՛տ կը մղէր:

Մինէ յանկարծ հաճոյք մը զգաց այդ վայրագ դիմադրութենէն, սիրաբ սկսու արագ բարախել, գլուխը ա՛լ ծռեց հովին դէմ հատու տալու դիրքով մը, ու շունչը հրահրած՝ կրկնակի ուժ տուաւ քայլերուն:

«Հոսանքին դէ՛մ, հոսանքին դէ՛մ...» կը փսփսար իրարու դամւած ծնօտներուն մէջէն:

Իրմէն երկու քայլ աջ ծոփն էր, որ նոյնպէս հովին հետ կուիւ բռնւած զայրոյթէն կ'ոռնար, կը գալարէր բոլոր մկաններովը անոր քմայքին չ'ենթարկուելու համար, ու իր կատաղութեան լորձունքը խոչոր փեռթերով կը նետէր դուրս, քարափին վրայ, մինչև աղջկան ոտքերուն տակ:

Ու վե՛րն ալ մէկը հերոտած, կը մուտար ամպերուն մէջ խո՛ւլ, հեռաւոր ու սպառնալից որսուժով մը:

Ամէ՛նն ալ թաղւած հո՛ծ խաւարին մէջ, որը մեղմել չէին կրնար հո՛ս ու հո՛ն տնկւած լապտերները, իրենց փոշոտ ու մրոտ ապակիներուն

հտեւէն. և լոյս տալու փոխարէն՝ իրենք կը դող-
ղըղային իրենց թրթռացող ապակիներովը, եր-
կիրդէն ակռաները իրարու գորնող վախկոտի մը
պէս:

Մինէ թեքւեցաւ ձախ ու իրենց փողոցը
մտնել կ'ուզէր, որ հարկադրեցաւ պատը բռնելու
ու քայլ մը ետ առնելու: Փողոցէն ու ծովու քա-
ցէն փչող հովի երկու հոսանքները հօտ իրարու
ձուլւելով՝ անդիմադրելի թափ մը առեր էին,
որուն դէմ աղջիկը յանկարծակիի եկաւ:

Իր այդ ակամայ նահանջէն ա՛լ դայրացած՝
սեղմեց բռունցքները կրծքին, կծկեց բոլոր մկան-
ները ու ամբողջ ծանրութեամբը հովի առածդա-
կան լանջին վրայ ինկած՝ փորձեց այդ անկիւնէն
անցնելու դիմացի պատին տակ:

Չի կրցաւ:

«Անցնի՛մ պիտի, ես անցնիմ պիտի», պոռաց
կատողած վայրի յամառ շեշտով մը հովի դէմքին.
ու կամքի գերազոյն ճիգով մը կծկւեցաւ, աւելի՛
խոնարհեցաւ վար, հրե՛ց, ոտքին մէկը փոխած
էր արդէն, քա՛յլ մը, քայլ մըն ալ...:

Անցած էր...:



Վ.Ն.

Մազերը խառնակ, անխնամ հազուստով, ձեռ-
քերը մէջքին, անվերջ կ'երթեւեկէր Մինէ փոքր
սենեակին երկայնքովը, շարունակ դուռնէն մին-
չեւ պարտէզին վրայ նայող բաց պատուհանը, ուրկէ
արեւի պայծառ լոյսին հետ առատ ներս կը խու-
մէին թաց հողէն բարձրացող նուրբ գոյորչին ու
անձրեւէն լւացւած ծաղիկներուն արթընցող բու-
րումը:

Մինէ կը քալէր շրթունքները պինդ սեղմած,
ճակատը կրնճոտ ու կեղբոնացած՝ մտածման մը
վրայ: Ամէն անգամ վա՛րը տան դուռը զարնուե-
լուն՝ կանգ կ'առնէր չնչարգել ու ականջ կը դնէր
լարւած, սարսափէն սրտատրոփ. մի՛ գուցէ եկողը
Հրանարը լինի. թէեւ տենդոտ անհամբերութեամբ
միայն անոր կը սպասէր ժամերէ ի վեր:

Ամբողջ գիշերը մաքառումի՛, կշռելու, ինք-
զինքը համոզելու, ցաւի ու յուսահատ արցունք-
ներու անընդհատ շղթայ մըն էր եղած: Եւ այդ
վարան տանջանքի երկունքէն ծներ էր վերջապէս
առտուան լոյսին հետ իր հին վճռի անողոք վաւե-
րացումը միայն, թէ անցեալի ձգտումներէն վերջ-

նորէն ձեռք վերցնել իր բանը չէր, թէ իր ու-
Հրանտի մէջ եղած կապը ոչինչ բաղդաւոր բերել
չէր կրնար, ո՛չ իրեն, ո՛չ աղուն. պէտք էր խզել:

Դուռը դարկի՛ն, վարը: Սարսուռ անցաւ աղ-
ջըկան մարմնէն:

Կեցած տեղը՝ արձանի պէս քարացած՝ լսեց,
թէ ինչպէս մօրաքոյրը խոհանոցէն գնաց դուռը
բացաւ. ճանչցաւ Հրանտի ձայնը, որ կնոջ հետ
պահ մը խօսքի բռնուեցաւ: Խօսակցութիւնը
կարուեցաւ յանկարծ, ու Մինէ որոշեց աղուն
քայլերը, որ սանդուղներէն վեր կ'ելնէր:

Սիրտը կեցաւ ակընթարթ մը զարնելէ:

— Ո՛ւր ես: Բարե՛ւ, Մի՛նէ. ի՞նչ կ'ընես
հոտ:

Հնչեց աղուն զուարթ ձայնը, դեռ հազիւ
սենեակի սեմին վրայէն. ու թևերը առաջ մեկ-
նած՝ շտապեց դէպի աղջիկը:

Կեցի՛ր, կեցի՛ր, մի՛ մօտենար...

Անձանայ, յուսահատ հնչիւն մըն էր, որ Մի-
նէի շրթունքներէն դուրս թոռու:

Հրանտ ցնցւեցաւ, կեցաւ ու նոր նկատեց
աղջկան գունատ ու ալիակերպւած դէմքը:

— Մինէ՛, դուն հիւանդ ես. ի՞նչ է պատա-
հեր, բացականչեց տղան տարտամ նախազգացու-
մով մը ինքն ալ գոյնը թացընելով:

— Ոչի՛նչ, ոչի՛նչ... Ինձի լսէ՛: Հրանտ
երէկ քեզի ինչ որ բսի, ինչ որ մեր մէջ անցաւ,
ի հարկէ, գիտե՛ս դուն, վայրկեանի խռոտափուկ
տրամադրութիւն մըն էր միայն. անչուշտ լուրջ
կարևորութիւն չե՛ս տար այս բոլորին. այդ ան-
կարելիութիւն է:

— Մինէ՛... միայն կրցաւ արտասանել երի-
տասարդը, այնքան անսպասելի էր կրած հար-
ւածը:

Իսկ աղջիկը վրայ տւաւ իսկոյն ամբողջ
մարմնով դողդոջուն:

— Լուէ՛ ու մի՛ դժւարացընէր գործս. չգի-
տեմ՝ կրնա՞ս երևակայել թէ հիմա ինչ կը դառ-
նայ մէջս: Բայց է՛, կրնաս թէ ոչ, այդ նո՛յն է
վերջապէս. այս ամբողջ, ամբողջ գիշերը խորհեր
եմ ես. խնդրի ամէ՛ն կէտը, ամէ՛ն կողմը. չի
կա՛յ, ուրիշ ելք չի կա՛յ. և հաւտա՛ նոյն իսկ
քու օգտիդ: Լսէ՛ ինձի, Հրանտ, եթէ հիմա ար-
ւեստս թողած քու ետևէդ ալ գամ, ես երբե՛ք
սրտանց քեզի ներելուի չկրնամ. ու դուցէ քիչ քիչ
պարզապէս յափշտակիչ մը, ընդունակութիւններս
ընկաբարող մը պիտի դառնաս աչքիս. տեսակ մը
բռնաւոր, բանդապա՛ն: Մինչ դուն, Հրա՛նտ,
դուն իմ միակ սէրն ես. և իմ այդ զգացումս
պէտք չէ որ ինայ ու լըծի. ես կ'ընտրեմ քեզմէ
հեռու, միշտ հեռո՛ւ, բայց սիրտս քեզմով լեցուն,
ու մտքերս ալ միշտ յափշտակւած դէպի քեզի:
Կը տեսնե՞ս. պէտք է որ դուն ինձի հասկընաս.
պէտք է չմեղադրե՛ս ինձի:

Հրանտ կեցած էր մէկ ձեռքով քովի աթո-
ռին յենած. գլխարկը դեռ ձեռքին, տարօրինակ
ժպտուն-անպուշ դէմքով մը, որուն հետզհետէ խռ-
ժու արտայայտութիւն մը տեղի տւաւ. ունքերը
ժողվրեցան, շրթունքներու երկու անկիւնները
կախուեցան վար. աղջկայ այնքերուն դէմ կար-
ծես տամեակ մը տարի ձերա աւ:

Երբ Մինէ լուեց՝ աւանց ոչինչ առարկելու, գլուխը քիչ մը աւելի բարձրացուց, շտկեցաւ, դարձաւ ետ ու դէպի դ՛ուռը:

— Հրա՛նտ... պոռաց աղջիկը խելացնոր ձայնով մը:

Տղան ակամայ կեցաւ ու ետ նայեցաւ:

Լ՛ուռ...

Մինէ երկչոտ ու վարան երկու քայլ մօտ եկաւ:

— Կ՛ուզես այսպէս ձգես ու երթա՞ս, աւանց ինծի բառ մը ըսելու:

— Ի՞նչ կ՛ուզես որ ըսեմ.

Լուեցաւ տղու փոխած ձայնը չոր ու խեղճ չեշտով մը, որուն իսկոյն կծու երգիծանքը յաջորդեց:

— Դուն արդէն ըսիր պէտք եղածը. դուցէ պէտք եղածէն աւելին:

Հիւանդ ժպիտ մը ելաւ դէմքը. ու կ՛ուզէր նորէն դէպի դուռը:

— Հրա՛նտ, Հրա՛նտ, սպասէ՛. եթէ ինծի կը սիրես, եթէ ինծի... այսպէս ձգես, երթա՛ս. անկարելի՛ է ես կը խենդեանամ. կեցի՛ր. դուն պէտք է ինծի հասկընաս, դուն...: Չեռքդ, ձեռքդ տուր ինծի...:

Ու անհամարձակ քնքշութեամբ մը տղու ձեռքին դիպաւ:

— Է՛, թո՛ղ, հողիդ սիրես, այդ դերասանական ձեւերը մեկդի. չնորճքդ պահէ՛ թեմին. ալ ի՛նչ կ՛ուզես ինձմէ: Մի՛ վախնար՝ դուն չես խենդեանար:

Ու արդէն ձգած ելած էր սենեակէն:

Այդ արհամարանքը լախտի հարուածի մը պէտ իջաւ աղջկայ դիտուն: Երչմած ու անշարժ մնաց իր կեցած տեղը. երկու ձեռքը դէպի առաջ մեկնած բան մը բռնել ուզելու դիրքով, ծնոտը կախուած, դէմքը երկար, լեւրանը բաց ու աչքերը անիմաստ փայլով մը:

Երբ վարի դուան դոցւիլը լսեց, սոսկալի ցաւ մը ծակեց սիրտը, կաշկանդուած լուծւեցաւ, ու դադարաւոր մը միայն գտաւ գանկին տակ. վազի՛լ, հասնի՛լ տղուն ետեւէն...

Դողացող ձեռքերով ըտրորովին մեքենաբար շտապ դիտարկը մազերուն անցուց, ու կրկնոցը ուսերուն նետելով սրացաւ սանդուղներէն վար:

— Ո՛ւր այդպէս նորէն խենդի պէս. Հրանտը ինչո՞ւ չի մնաց. նչեց խոնանոցէն մօրաքրոջը վարձացած ձայնը, երբ Մինէ արտօրալով տան դուռը կը բանար:

Աղջիկը ոչինչ չլսեց, գոցեց դուռը ուժով մը: Ո՛չ փողոցի ցեխը, ո՛չ լճացած ջուրերը, ոչի՛նչ չի նշմարելով՝ աճապարեց դէպի նաւամատոց. ուր կառքերը կը կենային: Ցառքեց առաջին հանդիպած գոց կառքին մէջ, որուն դուռը վերէն կառապանը արդէն բացեր էր:

— Ե՛՛ւա, չո՛ւա, արա՛ղ. պոռաց մարդուն կունակին:

— Ի՛՛ւր. հարցուց կառապանը իր նստարանէն. դէպի կառքին ներսը ծռել ուզելով

Ո՛ւր...

Սե իրաւ ո՞ւր. ո՞ւր պիտի գտնէր տղան. տո՛ւնը. Մինէ վախցաւ. Հրանտի մօր երեօին նայե-

չու գաղափարէն անգամ. ի՞նչ էր ըսելու տնեցւոց .
և ի՞նչ պիտի ըսէր վերջապէս տղուն, ի՞նչ կրնար
ըսեր, ի՞նչ խորհուրդ. չէ՞ մի որ ալ ամէն բան
վերջացած էր, կորած, կտարրւած . . .

— Բայց ո՞ւր. կրկնեց կառապանը վերէն ար-
դէն դժգոհ ու անհամբեր:

— Բէ՛լէ՛. մէ՛կ է. ո՛ւր որ կ'ուզես. միայն հե-
ռո՞՛ւ, հեռո՞՛ւ, քաղաքէն դ՞՛ւրս:

Ա՛յ, ս ալլ եւս հրաման չէր. բեկւած, թոյլ ու
ուժաստպառ աղաչանք մը միայն:

Կառապանը ձերմըկոտած երկայն պեխերուն
տակէն ակամայ ժպտեցաւ, իր բարձունքէն զար-
կաւ գոցեց կառքին դուռը, կատկածոտ երկմառ-
թեամբ մը շարժեց գլուխը, իր աշխէտ ձիերուն
փաղաքշանք մը մուտաց, ու սանձերը թոթեց:

Եւ կառքը ալ ու ձախ, ցելի անձրեւ մը
սրսկելով՝ ծովուն զուգընթաց վար սրացաւ:

Մինչ անկիւնը ինկած, դէժքը թաշկինակին
մէջ, կու լար:

Վ Ե Ր Ջ

Տպագրիչ — Հրատարակիչ Վ. Ս. ԿՐԻՍՏ. Ս. ԵՐԵՎԱՆ



ՀՀ Ազգային գրադարան



NL0666585

ՀՀ Ազգային գրադարան



NL0666584

ՀՀ Ազգային գրադարան



NL0666583

ՀՀ Ազգային գրադարան



NL0666582

